

SPEAKER

'Ani chuan misualte leh mithate chungah chuan a ni a chhualtir thin a. Mifei te leh mifel lote chungah pawh ruah a sur tir thin a ni'.

Matthaia 5:45.

Question No. 21 na zawt turin Pu R.Lalzirliana i sawm ang.

PU R. LALZIRLIANA

Pu Speaker, Starred Question No. 21 na Finance Minister chhan atan -

(a) February 2005 Cabinet Meeting-in a rel thluk anga Pay Commission thar

Sawrkarin a din tur hi engtik hun chhunga Recommendation thelhu tura tih nge? (b) He Pay Commission hian Mizoram sorkar hnathawk zawng zawng Supreme Court-in hlawh sang zawka la tura a tih Engineer te pawh a huam vek dawn em? (c) He Pay Commission hi din niin hna a thawh zawh hunah engkum atanga hman tan tura ruahman leh kum engzat chhung hman tura tih nge a nih? (d) He Pay Commission hi tuna Mizorami sawrkar hnathawk mekte an hlawh a lungawi lote lungawi lohna chinfelna tur nge an lungawi lohna vanga nawrhna emaw kawngdanga an lantir huna thiam loh chantirna tur hmanrua?

**PU ZORAMTHANGA
CHIEF MINISTER**

Pu Speaker, kan Member zahawm tak zawhna chhanna -

(a) Pay Commission thar hian a din atanga thla 6 chhunga Recommendation

thelhu tura tih a ni. (b) Huam mek ang. Sawrkar hnathawk zawng zawngte an hlawh chungchangthu ngaihtuah turin Pay Commission hian a huam vek ang. (c) Report dawn anih hunah la ngaihtuah tur a ni ang. (d) Mizoram sawrkar hnuaia hnathawk zawng zawngte dinmun leh hlawhbite enfela mumal taka chinfel dan tura din a ni e.

PU R. LALZIRLIANA

Pu Speaker, ka lawm e. Zawhbelhna - Pu R.Rozika Pay Commission din kha hman deuhah khan din niin ka hria a.

Kha kha sawrkarin cheng engzat senga kha Commission kha din nge ? Engzatnge senral ?

Pahnihna, Kha Pay Commission Report kha Implement a ni ta em ? A nih loh chuan engvanga Implement loh nge a nih ?

Heihi chu nakina hman atan kan ti tak nain thla 6 chhung atan khan 1(a) chhanna kha a ni a. Thla 6 chhung hun pek a ni a, khami zawh hunah khan Pu Fakzuala Pay Commission hi kum engzat atana hman tur nge tih kha vawiinniah hian engizaa tilo nge kan nih a. M.N.F. Term chhunga hman tur hi em ni ang tih kan zawh belh a. ka lo hriat danin he Commission hian Engineer te a huam lovang tiin ka hria a. Kan Chief Minister zahawm takin a huam vek dawn a ti si a. Khalai kha sawifiah a thain ka hria a ni.

PU ZODINTLUANGA : Pu Speaker, zawhbelhna - Pay Commission. Pu Rozika hoa din Recommendation kha vawiin thlenga hman loh a ni a. Kan sawrkar hian a hman ngam lohna chhan chu nichinah khan kan member zahawm tak khan a zawt tawh a. Vawiinniah Pay Commission thar kan din leh a. he kan Pay Commission hian Recommendation thla 6 chhungin a thelut tur a ni tih a ni. He Commission hi kan hmang ngam chiah tawh ang em ?

Tin, nuar neuh neuhte an awm ve a. Court-ah te an kal a, kan sawrkar hi keimahni sawrkar thu ni lovin Court thu thu hian em ni kal kan tum tih kha ka zawh belh e.

PU ZORAMTHANGA : Pu Speaker, member zahawm tak zawh-
CHIEF MINISTER na Pu Rozika Commission din nan cheng engzatnge tih kha heti mai chuan kan hre ta lova. Khang kha chu nakinah pawh a la inhrilh theih ang a.

Tin, Implement a ni ta em ? Ni ta lo se engvangnge tih kha, chiang lehzuala engemaw thil complaint te awm deuha kan hriat avangin Working Group-in an han en a, chumi chu an zo

fel thawhkhat a. Kan han kalpui dawn khan Supreme Court Order Pay thar a lo kal tak bawk si avangin khangte nen khan ngun lehzuala a vaia enchian a ngai ta a. Chuvangin, kan Implement hman hmain Supreme Court Order thar lokal nen chumi nena enchiang tur chuan khangte kha chu Information leh thil Base-na remchang tam tak chu a ni ngei ang tih kan ring a. Chuvangin, hei vang hian he Pay Commission thar hian a vaia a en theihna turin a Pay Commission thar Pu Rozika Commission piahlamah khan kan dinbelh a lo ngaih phah ta a ni a. Eng hun chhunga hman tur nge tih kha chu a Report lokal phawt se la, Sorkarin kan en ang a. Pay Commission hi a tlangpuiin a Commission dangina a khar chilh leh hma hi chuan Pay Commission kha hman a nih chuan hman a ni thin a. Mahse, khami karlakah thil a chhan chi hrang hrang vangsa a then hlawh tihsah emaw thildang adjustment siam emaw chu sorkarin a ti thei thova. A tlangpui chuan Pay Commission chu Pay Commission leh Commission inkar daih tura tih a ni a. Mahse, chumi karah chuan thil tam tak arrangement dang erawhchu siam theih a ni.

Tin, Engineer a huam lo vang tih hi Pay Commission reng reng Zoram sorkar hnathawk a then chauh huama, a then huam lo tur han siam chi pawh a ni lova. An vaia huam tura tih a ni.

Tin, Pu Zodintluanga zawhna kha kan sorkar hi Court thu thuin a awm dawn em ni tih kha Court chu Prime Minister pawhin Supreme Court te, High Court order te lehu tumahin kan do thei lova, Central sorkar pawhin a do thei lova, Court thu hi chu tuman a kalhin a kal theih loh tih hi chu mi pangngai hriat a nih hi a!

S P E A K E R

Pu Liansailova. Hemi chungchanga a hnuhnungber atan aw.

P U H. LIANSAILOVA

Pu Speaker, Ministerial Sub-Committee kha Minister 3/4 vel emaw membera nei, Hemi Pay chungchanga harsatna thlir fel tur kha din niin kan hria a.

Kha kha a function zel dawn ta em?

Tin, Pay Commission hi Central leh State dangah chuan a kumbi din hun pangngai deuhah hian din a ni thin a. Kan State-ah erawh hi chuan Pay Commission hnusih Pay Committee emaw

Anomaly Committee kan ti emaw, Pay Commission puitling hrim hrim pawh hi kan din zur zur a. A engmah hian kan problem hi a solve tak tak lovin a ti punlun zawk zel mai a. Tun tumah kan sorkarin hetiang ngaituahna an hmang hi, tun tuma 'Group A te' problem kan tawh avanga han din hrim hrim nge anih, a pumpui ihuah kan Pay Structure te kan harsatnaa hi a pumpuhlumin chinfelna atanah tia rilru tak taka din? Nge, tuna boruak kan tawn han thawidamna mai atan? tih kan zawt a ni.

PU LAL THANHAWLA : Pu Speaker, nichinah khan Chief Minister zahawm tak Initiative in Home Minister zahawm takin lengah min sawm a Party hrang hrang aiawhte kan kal nual a. Chutah chuan tunlai boruakte min brief a, kan lawm hle a. Group 'A' Officer te nawrh chungchangte an inbiaknate leh Pay Commission an din chungchangte min hrilh a. Chuta kan zawhna chu ka hresual lo anih chuan he Pay Commission Recommendation hian Engineer te hi a huam ve angem kan tih khan, a huam thei tawh lovang an ti khan ka hria a. Khalaite kha clarification kan zawt nghal a ni.

SPEAKER : Helai atang hian kan sawi ve zawk ang e. Pay Commission din anih khan Term of Reference te nen khan lehkha an rawn chhuah a. Chutah chuan a number chu ka hre chiah tawh lova. Supreme Court Order avanga Engineer te hlawh lo danglamta te pawh hi a huam ang tih kha Official takin a awm a ni. Kha kha ka chhiar a, ka hmu e. Chief Minister i lo sawm ang.

PU ZORAMTHANGA CHIEF MINISTER : Pu Speaker, a hnuhnungber kan Opposition Leader zawhna kha chu eng emaw hriatsual palh a ni ang a, tuna ka sawi ang khan a then huam a a thjen huam lova Pay Commission kha din chi a ni lova. Terms of Reference ah pawh ziakin a awm vek a. Chu chu kan clear duh a.

Tin, kan member zahawm tak Pu Liansailova zawhna Ministerial Sub-Committee kha Special Committee kan han ti a, Special a kan siamte khan tunah hian kan Group 'A' Officer te khan an harsatna an problem te kan sorkarah an hrilh a. Tin, keini pawhin problem kan neihte hrilh a, kawng tha zawm chhuahna tura lo dawr turin kan Minister group hote Special Committee hi din kan ni a, anmahni nen pawh an in dawr a. Hemi hi recommendation an nei emaw suggestion an nei emaw chungte chu sorkarah an rawn thehlut ang a, chungchu sorkarin a lo ngaihtuah tur ani ang a, harsatna chinfelna tura awlsam atan a forum kan siam a ni e.

Tin, hemiah hian chinfel tak tak i tum em? Pay Commission te, Pay Committee te chi hrang hrang hi kan nei tawh a, kan beisei angin a function lova tih kha a dik khawp a. Kan hriat theuh angin Mizoram hi State naupangte kan ni a, ram buai laiin U.T. ah kan lut a, fumfe lo takin Pay te pawh a kal a, Central Pay athenah kan zawm a, a thenah kan zawm kim chiah lo deuh nain ri nuaih a awm a, chumi chinfel tum chuan vawi tam tak sorkar hrangin hma lak ani a. Tin, State a kan luh hnu pawh hian chumi chinfelna tur chuan hma laka ni a. Mahse, Pay hi a harsa em em mai a, kan hre theuh a. Sorkar chelh tawhte kan ni a. Anomaly chi hrang hrang background chi hrang hrang, a then Court-in a rawn tih te, athen chi hrang hrang nen kan neih avang hian kan Pay Committee tih pawh kha a kal fuh hleithe i lova, vawi tam tak a kal tawh a. Tichuan, a hnuhung bera kan neih Pu Rozika Commission kha mumal deuh hlekin a kal a, khatah pawh kan duh ang chiah a a la chian loh avang khan Working Group in han enchiang lehzuai sela kan ti a. Working Group pawhin an enchiang a, chu chu sorkarah thehlutin ngaihtuahnate kan nei dawn laiin tunah hian Supreme Court order dang a lo kal a, khangte kha ngaihtuah tel loh theih a ni ta lova. Chuvang chuan, a tak taka hna thawk turin Sorkar pawhin follow ngei tumin kan Pay Commission thar ber hi kan din a ni a. Tin, delay a rei tak kum tel kal turin kan duh lova. A tirah phei chuan, "Thla li chhungin inzo thei hram ang em?" kan ti a. "Chu chu a harsa deuh ang, thla 6 tal min pe teh u" an tih avangin thla ruk chhunga zo hram turin sorkarin hei hi a ti a ni a. Anni pawhin theih tawpin tan lain a hma a Pu Rozika Commission leh Working Group tena an lo ente base khan hnathawh dan pawh eng emaw chen chu a ti awlsam dawn a; chuvangin, hengte hi fel taka kan chinfel theih nan he Pay Commission hi a taka hna thawk thei ngei turin din a ni e.

S P E A K E R

: Starred Question No. 22 na zawt turin
Pu Lalduhoma i lo sawm ang.

PU LALDUHOMA : Pu Speaker, School Education Department changtu Minister zahawm tak chhan atan hengte hi ka zawt e.

- (a) New Vervek Primary School a Teacher tur atana tih Pi Thansangian engatinge tun thlenga a la zawm loh?
- (b) Vaitin Middle School kum sawm lai Headmaster nei tawh lo hi Headmaster pek ani thei tawh ang em?
- (c) Ratu Primary School - IV ah hian Zirtirtu engzatinge awm? Tutenge an hming?
- (d) Ratu (Melkawn) Primary School - III ah hian Zirtirtu engzatinge awm a, tutenge annih?

SPEAKER : Chhang turin School Education Minister zahawm tak Dr. R. Lalthangliana i lo sawm ang.

Dr. R. LALTHANGLIANA : Pu Speaker, kan Member zahawm tak Pu Lalduhoma zawhna kha, a zawhna han chhiar leh zawk i remtih chuan a fiah deuh awm mang e.

- (a) New Vervek Primary School a Teacher tur atana tih Pi Thansangian engatinge tun thlenga a la zawm loh? tih chhanna chu New vervek Primary School ah hian Pi Thansangi, Teacher hi dah (post) a ni lova, hei hi hriatsual palth a awm a. Kan sawi beih ang a, a chhanna hi a kim lo deuh a. New Vervek Primary School ah hian Pi Thansangi, Zirtirtu hi dah a ni lova. Lungdai Primary School - I atangin Dandai Primary School zawka dah a ni a. September, 2004 nikuma kan han tih khan tihsual palth kan neih a awm a, Headmistress te sawn lo tura kan tih te kan lo tihsual a, chu chu a hnuah kan siamtha leh a. Durtlang Primary School - II a thawk thin kha ani a, Headmistress a kai khan Lungdai Primary School - III ah hian kan post a ni tih kha kan member zahawm takin min lo hriatsak sela ka duh a.
- (b) Vaitin Middle School a Headmaster dah tur hi tunah hian nei thei mai turin kan ngai a, chak takin kan process mek a ni tih ka sawi duh a, post ruak tam tak kan nei a, R.R. leh thil dang en ngai a lo awm a, chulai chu kan tihsel veleh post theih kan inbeisei dawn a ni tih kha min lo hriatsak sela.

- (c) Ratu Primary School - IV a zirtirtu 4 awm te, chung hmingte chu -
(1) Lalngakliana, Headmaster. (2) H. Lalhmingliani, Fixed Pay.
(3) Sikulsangi, Teacher. (4) Lalzidingi, Teacher.

(d) Ratu (Melkawn) Primary School - III ah hian zirtirtu engzatnge awm, tutenge an nih tih kha, Ratu primary School - III ah zirtirtu 4 an awm a, chungte chu - 1. Vanlalzuui, Teacher. 2. Lalkungi, Teacher. 3. Vanlalzari, S.S.A Teacher 4. H. Rohlupui, Fixed Pay Teacher te anni.

PU LALDUHOMA

: Pu Speaker, Damdai ah hian zirtirtu pakhat chauh tunah hian a awm a, New Vervek tih kha keima hriatsual a ni mai thei a, ngaihdam ka dil a. Tichuan, heta an han dah hi an dah leh ta lo tih kha an V/C te pawh hriattir anni leh tawh si lova, an nin beisei takin an lo thlir a, in hrih lehna a awm tawh siloh hian a khawtlang tan a buaithlak em em a ni. Hman deuh khan khawtlang an nuar a, rei tak School kal lovin khi khuaah khian an awm tawh a ni. Zirtirtu an neih loh avangin, ke a kal ngaite anih avangin. Chuvang chuan pakhat chauh khitah khian a awm a ni, kan mamawh belh hle a ni tih kha Minister zahawm takin min hriatpui sela. Tin, heng ang hmun harsa zual, mi awm duh mang lohnaah hian a khaw miten a awm duh remchang lo hre ta sela, chu chu kan Minister hnenah hian thlen ta ila, khang a awm duh kha chu sorkar tan pawh zangkhaina a ni ang a, department tan pawh, min lo ngaihtuah sak thei ang em tih ka zawt duh a.

Tin, High School a zirtirtu thawk laite hi heng Middle School Headmaster ahte hian dah theih a ni em? Entirnan, Vaitin Middle School ahte chuan Headmaster a thawk duh High School zirtirtu chu kan nei ani, chungte chu a theih leh theih lohte kan hre duh a. Tin, Primary School - III Ratu ah hian hmeichhia hlir an awm a, hengte hi a buaithlak em em mai a, ti lo deuh hian min tihsak se ka duh bawk a. Tin, a dang dangte hi chu mimal hming lam a ngai a, kan lam lovang a, tianga thawk ang a Minister ten min chhan department-in chhanna a buatsaih hi a lo dik si loh chuan, a thente chu zawm miah lote Joining Report pe a bo vang vang te kan nei hlawm a, khang ang kha heta sawi lo hian thuneitute hnenah thlen ila min lo ngaihsak vat thei ang em tih ka zawt a.

Tin, a tawp berah chuan MZP te hian zirtirtu posting chungchangah hian eng eng emaw an sawi ve a, a lawmawm viauin ka hria a. Heta hian sorkar leh MZP te hi eng angin nge an in

puihbawm tawn, eng anga an service hi kan hman tangkai theih tur nge, Bialtu MLA te pawhin MZP te hi sorkar aimaha kan lo dawr ve tur anni ta mai em tihte kha min han hrilhfiah tel se ka duh a ni.

PU LAIHMINGTHANGA

Ka lawm e, Pu Speaker. A relevant tho turah ka ngai a. Hei tuna rampuma a programme tak tak ang kan neih thin 2003

September, ni 1 khan school hrang hrang kha sorkarin provincialisation order a chhuah a nih kha. Kha kha tum thum dawn lai kei pawhin order ka chhuah a. Tun thleng hian khamia an nihna dan tur thleng khan sorkar hian a la dah thei lo va. Entirnan, Grant-in-Aid 5 enkawl an ni a. Tin, khanga thawktu staff te kha DPC II in an regularised dawn nge ni ang a, a tbawktu tur hi recruitment thar an insiam dawn tih pawh fiah hlei thei loin vawinah kan la thu a. Tin, GPF te pawh hi pek ve a, anmahni service ah te pawh khatinaga sum lo khawl vete an duh a. Chutiangte pawh chu an la ti thei chuang lo va. Chuvang chuan helaiiah post creation hi sorkar chuan a remti ta niin lang a. Mahse heti taka kai muang hi engatinge sikul tam tak chuan hei a kum tclin sumah harsatna an tawk a. Zirtirna a mumal lova, zirtirna a mumal loh khan sikul naupangin an tuar a, ramin a tuar ani si a. Hemi provincialisation hi engtikah nge sorkar hian a complete theih dawn tih kan zawt a ni.

PU LALRINLIANA SAILO :

Pu Speaker, zawhbelhna Khawhai bial Khawhai khuaa Primary School IV-ah khianin hei sanction-te a lo awm chhova. Tunah hianin Zirlai 70 chuang

an awm a. Headmaster pakhat chauh a awm a, chu chu kan Minister pakhat hian khawngaih takin a khawchhunga mi min dahkhat turin ka ngen a. Tin, Lungtanah khianin Zirlai 82 an awm a, zirtirtu 2 an awm bawk a. Hei hi 2 tal min pe thei em ? tih kan zawt duh a.

Tin, WEP hian nau chhar hun an nei lova, hei a case eng engemaw a awm a. Hei hi sikul tina dah thin a nih chuan min dah sak leh thei em ? tih kha kan zawt a ni.

PU H. ROHLUNA :

Pu Speaker, zawhbelhna. Sorkar Press Release 118/05 a mi ang khan MZP hotuten Chief Minister February ni 7.2005 a an hmuh tum khan Primary School

Zirtirtu Pension leh thihna avanga indaih lohna nasa tak phuhruk nan heng indaih loh zualna khua te, a khaw mi leh sa ngei Rs. 2500/- fix paya zirtirtu dah nise tia an rawtna Chief Minister-in lo enzui nghal a tiama kha sorkarin tih puitlin a tum em tih kan zawt duh a.

Tichuan, a pahnihnaah chuan North East Dilllang Primary School ah khian SSA hnuaia zirtirtu dah a nghet lova awm chiah khian a enkawl a. Naupang 60 chuang an awm a. Chu chu zirtirtu dahbelh theih anni ang em? Chu pawh chu ka han kal lai khan February ni 28 ah khan a extend a nih leh nih loh pawh a hre lo a. Hemi ni hian a term a tawp lehngal a. Chu chu an extend ta em tih kha kan hre nghal duh a. Mahse, Minister-in min chhang thei lo mai thei a.

Pathumnaah chuan, Middle School leh High School Headmaster tam tak hi Thingtlang kilkhawr takah chuan neih lohna kan nei a. Sorkarin offer an pe thin a, mahse an decline leh thin a. Hei High School leh Middle School zirtirtu khawpui chhunga senior deuh tan thingtlang awmte a lo harsa deuh a nih mai thei. Hei hi engtingge a R.R. ah emaw a nih loh pawhin offer of appointment an pek hma khan an duh leh duh lohte zawh chian a, chutah tih ni mai se. Awsam zawk deuha tihdan a awm thei ang em? MPSC ah hetia file an kal kual hian a thla a thla hi a lo kal kual thin a, a kuma kum hi kan bialah te pawh High School eng emawzat ah Headmaster kan nei lova, sorkarin a ngaihtuah thei ang em? tih ka zawt e.

PU R. LALZIRLIANA :

Pu Speaker, Saitual lam kan ti ve ang e. Saitual Govt. Higher Secondary School khi a building khi 1962 a sak kha a ni a. Naupang tan a hlauhawm em em mai

a. Ceiling te pawh kha a tla dawn a, hman deuh khan hnailangin an thiat a, an la thla ringawt mai a. Building dang kan nei si lova. Chuan Golden Jubilee kha term hmasa lamah khan kan han nei a. kan Director pawh kha kal ve a. Nasa takin building sak thar kha kan lo dil a. Hei hi kan sa nghal dawn e, a ti a. Lawm takin kut kan ben hnan dawn e a ti a. Tun thleng hian sak a la ni lova Hei hi khawngaih takin Director level mai ni lo deuh Minister level atang hian kan sa dawn e, tih min hrilh thei em? tunah hian.

Tin, pahnhnaah chuan, Science Teacher hi University lamah a insawn avangin Mathematics zirtirtu kan nei ta lova, a aia in dah khan a zirtir theih loh avangin rokhawlhna lian tak kan nei a. Chuvangin hei hi a rangthei angin min dah sak thei angem? tih kha kan zawt leh duh a.

Pathumnaah chuan History te, Geography, Education, he subject thumah hian single teacher kan nei a. Primary School a single teacher awm ang chauh ani a. Damloh nikhua te, maternity leave te a lo ngai ve a. An awm loh hian class off a ngai thin a. Hei hi khawngaih takin tun laia contract basis in lakte emaw engemaw ti zawng tak hian a dang min dah sak thei ang em? tih ka zawt a.

A tawp ber leh pawimawh ber pakhtatah chuan SDEO Office khi term hmasa lamah pawh khan kan inngen ngun tawh a. Indah deuh zuau zuau, in han duh deuh tho tawh kha ani a. Tunah hian a tak takin khawngaih takin min dah sak thei tawh ang em? tih kha ka han zawt a ni e. Ka lawm e.

S P E A K E R

A relevant chiah loh pawh kha a theih ang a chhang turin kan Minister i lo sawm ang.

**Dr. R. LALTHANGLIANA
MINISTER**

Pu Speaker thahnemngaihna avangin kan zawt kual nasa ang reng a. SDEO Office Saitual a dah tih te, kan ngaihtuahna kan hmang chhova. Sum harsatna leh kawng hrang hrang avang tein, ngaihtuah ngaite a awm ve a. Infrastructure awm miah lo a thiltih hi a theih bik lova. Mahse, kan ngaihtuahnaah a awm mek tih hi ka chhanna ni se.

Tin, contract basis lak theihna tur a tan pawh dil mek zel ani a. A changin min tum down ve hawk a. Post ruak chua tam a, kha kha tih theih hunah kan indaihlohna lai kha chu Saitual bialah pawh khan tih kan tum turah ka ngai a.

Tin, Science teacher, Mathematic University lama insawn kha a pawimawh hie a. Heng hi subject bik a ni a. Mathematic han zirtir thei mai tur a kha dah dawn khan kan hmu mai bik lova, chu chuan harsatna min siam a. Engpawh nise Science teacher post ruak engemawzat hi chu kan nei a. Kan dil mek a. Kan hmuh hunah ngaih pawimawhah kan nei ang tih min lo hriatsak sela.

Tin, Saitual Higher Secondary School building sak tih pawh kha Project ah hian kan Higher School building engemaw zat DONER lamah kan theh lut thla a. Anni pawhin min ngai pawimawh viau a. Pu Kyndiah DONER Minister pawh khan thei tawp ka lo chhuah ang tih kha a tawngkam a ni a. Kan nghak tlang ani. Mizoram hmun hrang hrang ami theh luhah Saitual pawh a tel a ni.

Tin, kan member Pu Rohluna zawhna kha February thlaah Chief Minister leh MZP inhmuh chungchanga Fixed Pay a lak theih dan, a khawmi ngei tih kha, kan zawhna kengtu Pu Duhoma zawhna chhanna ni pah fawmin Helaiah hian, kum 2 chhung Primary zirtirtu regular post, tihna emaw, pension vang emaw te ai an chhuansan a hi kan fill up thei ta reng reng lo mai a. Tunah hian Post 220 bawr vel a tling tlat mai a. Middle School hi 70 a huang tawh a. Mi an thi a, an pension a, an ai lak theih ani si lova, chulai chu M/R or contract basis ang a tih dawn khan department-in kan ti thei mai thin lova. Cabinet ah pawh formal takin kan sawi a. Kan Chief Minister pawhin a ngai pawimawh a; rawtna rawn siam rawh u a tih angin, rawtna kan siam tawh a. Mahse, khawi khua nge tih Chiang leh zualin lo identify rawh u tiin DP & AR lamin min lo ti leh a. Chu chu kan ti leh mek a. 2500/- hlawhin Aizawl amite Damdai angah khan an thawk dawn ta lova. A damdai khua mi ngei qualified an awm chuan dah kan tum a ni. Hei hi kan tih theih chuan a hlawmpui 200 bawr vel kan lak theih chuan single teacher sawi neuh neuh ang te kha kan inphuhruk thei turah ka ngai a. A bikin Primary School ah hian harsatna kan tawh a. School number a kiam si lova. Chuti lai chuan a zirtirtu number a za tel in a kiam a, kumin a ral leh chuan 300 vel post ruak kan nei dawn a ni. Kan fill up theih loh chuan. Chuvang chuan school thenkhat hi harsatna kan tawh tir dawn min a lang a. Hei hi sorkar pawhin a ngai pawimawh a. Min tihsak theih ngei pawh kan beisei a. Chumi anih hunah chuan awmzia kan neih ka ring a. Financial year tharah phei chuan kan beisei ani.

Tin, Headmaster High School tan an decline zel tih lai Pu Rohluna zawhna kha adik khawp mai a. Tih pawh min tih chak sak khawp mai. MPSC in a ngiahtuah tur chi High School

Headmaster te hi an ni a. Chak takin kum 2 chhung chu kan kal a. Mahse, miin a kal duh miao si loh chuan tihngaihna a awm mang tlat lova. A kawng dangte pawh kan dap tho a; anmahni te pawh kan zawt kual a. Mahse, MPSC in a list an furnished a post 15 fill up turah 20 te an rawn ti a. Khang ho pawh khan an decline chhoh zel khan lamah hian harsaina kan tawk a. High School ah hian Headmaster kan neihlohna hi a tam tawh lo a ni. kan lak hlimin 40 chuang dawn kan nei a, tunah hian 10 pawh a tling tawh lova. Headmaster neihlohna sikul hi engpawh nise, athen hi chu mimal tak te pawhin kan ko a, kal hram turin kan han ngen a, thuawia kal ta te pawh an awm a. Kawng hrang hrangin tan chu kan la ve khawp mai tih kha official takin a remchang lo ah pawh kan ti ani tih kha ka chhanna ni mai sela.

Tin, N.E. Diltlang Primary School a dah belh tihte pawh kha tuna ka han sawi post ruak hnawhkhah tur a khawmi ngei lak tur tih ruahman mek fel hunah tih theih beisei ila. Zawhna Khawhai bial School indaihlohna awm te pawh chung chuan a huam turah ngai ila. Lungtan Primary School leh Khawhai te pawh kha.

Tin, W.E. Teacher hi post ruak hi kan fill up hlei thei lova. Neih lohna tam tak sikul kan nei ta a. A in balance a kal a har hle tawh mai a, amaherawhchu, siam thiam pawh a harsa a. Mahse, kawng dang deuh hlekin sorkarin kan W.E. teacher hnathawh tur te chungchangah anni hi kan chhonzawm thei zel ang em tih ngaihtuahna thar kan neih a tul hial dawn emawni chu aw tihna kan nei a. Tun maiah chuan W.E. teacher awm lohna ah hian han dah mai thei dinhmunah kan ding chiah lo a ni tih ka sawi duh a ni.

Tin, kan MLA Lunglei South Bialtu zawhna kha ka lo in buatsaih lutuk lo naa ka lo chhang tho ang a. 2003 kum tawp lamah Provincialisation kan ti a. Deficit School, Middle leh High School te Provincialisation kan ti mai a. Govt. ah kan hlang chho a. A thawktu ringawt pawh hi a sangtel an ni a, vawi lehkhata tih chu a har khawp mai a. Tunah hian kan peih tep a. A then hi chu MPSC ngaihtuah tur chi Higher School Post te a lo ni a. Principal Secretary ho a DPC an thut a, formatic ngai ang chi kha, bakkah zirtirtu ni lo non-teaching staff an lo awm bawk nen, an fel chhung a rei duh viau mai a. Mahse, engtikah nge kan complete ang tih ka chhang thei mai lo nanga, chu. Tun Financial year lo awm tur chhung hi chuan kan inremfel hman turah ka ngai a. A then chu Pension hman tawh provincialise-in a khung hnan si a effective date in a huam si te pawh an awm a, chinfel ran a har viau a. A sang rual anih avangin a hautak a ni tih kha he House hian min hriatpui se tih ka duh a ni.

Tin, zawhna kengtu Pu Lalduhoma zawhna, kal tha duh lo te kha, a bialah pawh hian tuna zirtirtu awm ka rawn sawiah hian record kan lo nei reng mai a, nakinah kan la inhriattir ang a. Pakhat phei hi chu Darchaw lama kan Puithiam nupui a lo ni a, buaithlak deuh mai a awm ve a; an hming sawi House-ah a rem lo vang a, hrisel lohna avang te leh kawng hrang hrang a awm thei a. Mahse, chhan mumal nei lo, pawng paw kal lo hi chu kan dimlo tan viau mai a. Hmanni lawk pawh khan Ngopa bial School pakhat pawh kan ban deuh thuai a, kal tha duh lo an rawn report a. Session hmasa a sawi ang deuh khanin kal tha duhlo chian tawh te kha chu kan ban a. Tin, Khawhai bialah pawh khan pakhat chu kan ban a ni. Pu Rina'n min lo hriatpui seia, Khatiang kal tha lo kha chu action lak nghal zel a ni. Chu chu ka chhanna ni mai se.

MZP tenen tih chungchang a kha chu - Hei, Pawl MZP lo pawh YMA leh Pawl hrangte pawhin thahnem min ngaihpuoi hle a. Thil tam tak School Education atan a ngaih pawimawh an neihte an rawn thlen thin a. Chungah chuan sawiho teh ang u tih rawt te a awm a, kan sawiho zel a. Chutiang chuan kan MLA te pawh an bial chhungah engemaw khatiang harsatna siam rem thil te a awm anih chuan kan welcome che u a ni, tih kha he House hian min hriatsak se. Hmanni lawkah Kawrthah bialtu leh Phuldungsei bialtu te pawh lokal in an bial chhung engemaw thil an sawi a, tha ka ti khawp mai a. Khatiang action lak theih nghal chi ngaih pawimawh zawng kha rawn sawi hreh lo ula. A bikin Education hian a huamzau avangin kan ngai pawimawh tlang a. Kan zavai thawhho a pawimawh bik ni te hian ka hria a. Englai pawhin an advice leh tih tur awm deuh angte theih chin chinah tih ho kan huam a ni tih kha ka hriattir duh che u a ni. Ka lawm e.

PU LALDUHOMA

: Pu Speaker, High School zirtirtu thawk laite kha Middle School Headmaster-ah te hian an dah theih em? tih leh hmeichhia a hlanga awm hi nuam an ti lo a nia tih kha a ni.

S P E A K E R

: Han chhang law law sela, Minister-in.

Dr. R. LALTHANGLIANA :
MINISTER

Pu Speaker, hmeichhe hlang School hi Aizawlah pawh hian, tin, kan bial Lung-lei lamah pawh sawn an lo awm nual mai a, a theih ang anga siam rem kan han tum a. Siamrem theihna chin a awm a. Khalai pawh kha kan siamrem dawn a nih pawhin ama bial chhungah khan kan siamrem deuh hlek a ngaih ka ring a. Mipate hetia pawh pheia tihdan kawng kha kan lo ngaihtuah ang a. Thil tih theih loh turah chuan ka ngai lova. Amaherawhchu, a bik takin zirtirtuah hian hmeichhia hi an lo tam viau mai a. Tin, Mizoram sorkar hnathawk hrim hrim ah pawh hian hmeichhia hi an lo tam viau mai hi a lo ni a. Chuvangin a hlang hluk kha chu diklo a hriatna kei pawhin ka nei a. Kha kha chu tihtheih turah ngai ila, a kawng kan lo zawng dawn nia, kan Sub-Division Officer te nen.

Tin, Middle School a Headmaster turin High School zirtirtute atih theih em tih kha Recruitment Rules kan en fel deuh a ngaiin ka ring a, khatah kha chuan. A tih theih loh in ka ring a, tun dinhmunah hi chuan. Engpawhnise, thahnemngai thila khatiang rawtna te a awm anih chuan tih theih dan te awm sela atha khawp ang. Engpawhnise tuna dan kan hman mek te enfel hnuah la inhriattir ta ila a tha ang e.

S P E A K E R

: Starred Question No. 23-na zawt turin Pu Lalduhoma i lo sawm leh ang.

PU LALDUHOMA

: Pu Speaker, ka lawm e. Land Revenue & Settlement Department changtu Minister zahawm tak chhan atan. (a) L.S.C. siamsa te la chhuak tur hian Aizawla kal kher ngai lovin bialtu S.D.O. (Civil) hnen atanga lak chhuah theih a siam hi sorkar tha tih zawng ani em? (b) A nih chuan ruahmanna siam ani dawn em?

S P E A K E R

: A chhang turin Minister Pu B.Lalthlangliana Land Revenue & Settlement Department changtu ilo sawm ang.

PU B. LALTHLENGLIANA :
MINISTER

Pu Speaker, Ratu bialtu member zah-awm tak Pu Lalduhoma zawhna chhanna chu :- (a) L.S.C. siamsa te lachhuak tura Aizawla kal kher ngai lova bialtu

S.D.O. (Civil) hnen atanga lak chhuah theiha siam hi sorkar chuan tha a la ti lo. (b) Tunah chuan tumna a la awm lo tih a ni e.

PU LALDUHOMA

Pu Speaker, mipuite awlsam zawkna tur a ni a, sorkarin tha a tih lohna chhan min hrilh se ka duh a. L.S.C. hi Sub-Division-ah te S.D.O. hovin siam rawh

se kan ti a ni lova. Heta Aizawla siamsa kha alam tura Aizawla kal kha abuaithlak a, a siamsa kha thawn a, S.D.O. hnena lam mai theiha tih anih chuan senso alo tlein a lo awlsam zawk nan tih a ni a. Entirnan, Department dangah te pawh hei Tar chawmna ang chite pawh khaw hla deuhah chuan Aizawl khera lak ngai lovin an Officer/bialtu hnaivai te hnena lak mai turte pakwhin han siam rem a ni thin a, mipui tan a awlsam em em a ni. Chuvangin, mipui harsatna sutkian nan a ni mai a. Tha tih viau turah ka lo ngai a. Engeni a chhan aw? Engti ngaihtuahin nge an ngaihtuah tih kha min han hrilh zau deuh teh se a.

PU B. LALTHLENGLIANA :
MINISTER

Pu Speaker, tha a tih zawng a ni em? a tih avang khan tha atih zawng a nih loh thu khan kan rawn chhang mai a ni a.

Tih theih lohna chhan kawng hrang

hrang a awm a. Pu Speaker, Inhmun, L.S.C. a dah theihna thuneihna hi Revenue Director kutah a awm a. Director-in a approve hnuah District Headquarters tina S.O. II te, S.O. I te kan neih hnenah L.S.C. siam tura thawn vek anni a. Tunah hi chuan tunhmaa Aizawl District pakhat chauh awm thin, Champhai, Serchhip, Mamit leh Kolasib te athen a lo nih hnuah hian A.S.O. II kan dah a, A.S.O. I Lungleiah a awm a. Chung kaltlang chuan L.S.C. te hi pek vek tawh a ni a. Tunhma te ngaihtuah chuan L.S.C. kan siam sakte hian an lamna a hnai viau tawhah kan ngai a. Tin, L.S.C. te S.D.O. (Civil) hnen atanga lakchhuah theiha siam chu tuina kan Land Revenue dan hian a la huam loh avangin remchang rihloah kan ngai a. Chu chu ka rawn chhanna kha a ni a. A chhan chu L.S.C. te hi Land Record mumal tak General Register tihte Guard File leh Register dang dangah te Danin a phut anga mumal taka vawn leh record vek angain avangin, chu-

tiang record mumal tak operate tura thuneihna pek chu Asst. Settlement Officer te chauh an la nih avangin Sub-Divisional Headquarters ah te Asst. Settlement Officer, Department te kan thang zel a, thawktute kan indaih zel a kan dah theih hunah heng hi chu kan hmabak, kan la tih turah kan ngai a. Chu chu tun huna kan la tih theih loh chhan a ni. Tunhma te ngaihtuah chuan mipuite hian L.S.C. an lamna kawng a hnai ta viauin keini Revenue Department chuan kan hria a ni.

SPEAKER : Starred Question 24 na zawt turin Pu Andrew Lalherliana ilo sawm ang.

PU ANDREW LALHERLIANA : Pu Speaker, ka lawm e. Ka zawhna hi kan Minister zahawm tak Public Health Engineering Department changtu chhan a tan, ka zawt e - Water Meter vuah mekte hi Legal Metrology te check hmasak tir anni em ?

SPEAKER : A chhang turin Minister zahawm tak, Pu Tawnluia, P.H.E. Department changtu ilo sawm ang.

**PU TAWNLUIA
MINISTER**

: Pu Speaker, Member zahawm tak zawh na' chhanna kha - Water Meter vuah mekte hi Legal Metrology-ah check hmasak tir anni tih hi a chhanna ani e.

PU ANDREW LALHERLIANA : Pu Speaker, zawhbelhna. Hei hi kan lo hriatdan a ni a, Legal Metrology te khan 2000 vel an han check a an han vuah khan condemn ngai khawp kha engzat percent emaw kha a awm e an ti a. Mahse, an vuah lui tho mai a. Tunah hian mi tam takin an complain a, a leak nasa em em te a awm a ni

tih kha a awm a. Tah chuan hmana vuah dawn a, session hmasaah te kan Minister zahawm tak kan zawh khan a vuah dan turah pawh khan a meter te kha air pressure ten emaw a tih buai loh a dik taka a kal theihna tur khan kha a meter bulah khan level siamin pipe ah khan tuitling thei emaw awm tira tui a lo haw pawha, kha pipe a tui lo tling khan engtin emaw thliin emaw atih vir turte kha adang thei ang a, a meter te pawh kha a dik ang tih kha assurance ang deuh khan a sawin ka hria a. Mahse, hmun tam taka an vuahte han en hian an vuah tawp tawp a, engmah khatiang provision reng reng kha an siam lova, A then chu sawi ang khan condemned te an vuah nia hriatna aawm a ni. Leak nasa em em mai khan hei kan hnenah te complain an rawn siam a. Tin, Consumer Forum hotute hnen atang pawh khan Meter vuah hi a vai vai hian khawpui dangah te pawh hian an vuah lem lo. Delhi ngei mai, khumi Water Supply enkawltu 'Tal Board' anti emawni khuan metering khu 6% emaw chauh cover in a rem laiah an ti a tih te kha a awm a. Chuvangin kan sorkar hian remlo chung chung a hmun thenkhat ah hi chuan vuah loh a tha mai lawm ni? A nih loh pawin a leak-a te kha siam that a tin, fel taka check a khatianga thalo te kha chu condemn mai atha lo em ni? Chumi anih loh chuan harsatna a siam theih bakah kha tui leak khan. Tin, Meter hi a bill a lo kal chiah ang a vuah dan a tira sawi ang kha anih loh avanga pawng vuah tawp tawp kha a nih chuan presence of air pressure khan nasa takin a tih danglam chuan mipui tan chawi loh tur tam tak kha an chawi a hlauhawm a. Khumi Water Metering chungchang thuah khan kan complain te kha hriain kan Minister zahawm tak hian hma a la thei em? tih kan zawt a ni.

PU SAIKAPTHIANGA

Pu Speaker, zawhbelhna - Ka hmaa member zahawm tak khan 2000 an check ah ka zawt sual angem tih chu ka inngaihtuah a Report ka dawnmaah chuan Legal Metrology Department hian 400 an check ah pawh chuan 10 chu hman tlak miah loh a ni a. Chu number 400 chauh an check tih hi a dik em? tih ka zawt duh a. 400 an check zingah hian 10 hi hmantlak miah lo a ni tih a dik em?

Tin, check loh hi vuah a awm reng em? tih ka zawt tel duh a. He Water Meter vuah hi hriatthiam mang loh ka nei a. In neitu pawhin an hriatpui loh a vuah zung zung mai hi nakinah an rawn check ang a, a that leh that loh kha aneitu ten an hre chauh dawn tihna nge? Tih hi a buaithlak a, tunah hian an vuah sur mai a, kei hei hi

engnge ni ka ti a. Water Meter kha a lo ni a, an rawn check ah khan lo function lo se, a tui an rawn tihnun hunah khan, chu chu department mawhphurh tur nge a in neitute, a user te, mawhphurh tur tih ka zawt e.

A panganaah - kha meter kha lo hmantlak loh se department in thahnemngai deuh mai a an rawn vuah ang hian an rawn thlak leh mai thei ang em? tih point 5 ka zawt a nih chu, a tam khawp mai Pu Speaker.

PU LAL THANHAWLA : Pu Speaker Water Meter hi an vuah tan tawh a, hmun hrang hrangah, an tihdan a in ang lova, an rawn sawi tawh kha ka sawi nawn dawn lova. Lungleiah chuan a vuah chhung a rei avangin an vuah zawh vek hma chuan a vuah hmasa te kha meter hmang khan an bill lovang an ti a. Serchhipah chuan a vuah hmasa te kha Meter hmang khan an bill a, a in thlahna kha thla engemaw fe a ni a. An thenawmah za bawr vel thla tina an chawi lain an vuah te khan a sangtelin an chawi tawh a ni a. An vuah zawh meuhah chuan consumer theuh thuch sangli sangnga singtel in an inthlau thei dawn a ni. Chu chu Zoram hmuntinah uniform a an tih loh?

SPEAKER : Chhang turin Minister sawm ang.

**PU TAWNLUIA
MINISTER** : Pu Speaker, tuna kan Member tam takte zawhna kha kan lo enchiang ang e. Tun ah hian meter hi kan vuah mawlh mawlh a, a neitu te, hrilh lovin vuah a awm em tih pawh kha neitu te hriatloha vuah tak tak kha a awm ka ring lova, engemaw enfel chu angaiin ka ring a. Ka sawi hmasak duh chu - Tuna kan Water Meter vuah mawlh mawlhah hian Meter angin kan la charge lova. Kan vuah zo vek phawt ang a, meter anga tariff kan pek tur chu puan a ni ang. Aizawlah hian hman deuh atanga kan vuah tawh connection 900 zeta hian meter anga charged a ni a. Tuna kan vuah tharah hian meter angin kan la charge lo a ni. Serchhipah khan an lo charge anih chuan a hma a mi nge tuna kan vuah thar tih erawh chu kan lo en ang a, a kal lak lawh tawh kha aawm a ni. Tunah hian kan vuah leh a, a hmangtu tur tena an hriat loh chuan vuah ruk tak tak chu a har ka ring a, engemaw communication gap a lo awm em tih erawh chu kan lo en ang e.

Legal Metrology ten an check a a tha leh fel a an declare tawh chauh kan vuah a, chuvangin anni nen pawh close co-operation kan nei a, kan vuah tur te an stamped vek hnuah chauh khan kan vuah a ni. A chhia kha chu kan vuah lo ang tih kha ring ila. Leakage a awm tih kha enchiang a ngai ang, kan workmanship kha a thawktuten kan lo fimkhur lo deuh anih chuan a dik lo ang a. Tin, tunah chuan a taka la hman loh anih avangin meter anga charge a la nih lova correction na hun tam tak a la awm a, fimkhurna tur point tam tak kan ngaithla a. Khang kha kan lo bawhzui ang tih kha ka sawi duh a ni a.

Legal Metrology te hian tihdan phung an nei a, hetah an certificate min pek ah pawh hian a check leh hun tur nen lam a tarlang a, kum khat hnuah check leh tur an ti a ni. Hetah hi chuan mipuite harsat lohna turin theihtawp department-in kan chhuah ani tih kha kan sawi duh a ni.

Tin, hetiang meter kan vuah chhohah hian khawi lai area a kilkhawr deuhah chuan vuah lohna lai pawh awm a tha lawm ni tih pawh kha Water Supply quantity, supply tur kan neih tam a zirin ngaihtuah theih tak pawh a ni reng a. Tunah hian kan ti tir a, kan vuah mawlh mawlh a, khawimaw lai area Slum area deuh pawh Aizawl khawpuiah chuan enchian a tul khawp mai. Pu Speaker, tunah hian kan Water Tariff hi meter kan vuah emaw, kan vuah loh emaw hian tuna kan tariff rate hman laiah chuan a rate chu a in ang vek ani. Cheng zaa kan hrut rual put hian litre 10,000 chfinah chuan litre khat hi pawisa pakhat ang ani a. Chumi 10,000 litre limit hnuaih khan metre pawh vuah mah ila. kha aia tam kha a chawi tak tak theih loh tih kha kan sawi duh bawk ani.

Pu Speaker, correction hi siam ngai dawnin departmentin a hria a, kan sawi ang khan engemaw a vuahna Elbow han ti thin bawk mah ila, kan ram hi a chhengchhiat em avang hian chhukchho ah pipe te vuah a ngaih avangin engemawah khan defect lo awm thei ani tih hriain department pawhin Experiment an nei a. Pipe meter 125 a sei, ... a zau, supply tawh atanga mimal in a pawh khan meter 125 tui in a kaltlang khan litre 88 ang velin meter kha a ti vir a. Chu chu a pawisa a chhut chuan litre khatah pawisa pakhat anga chhutin pawisa 80 ang a ni a. Chutiang ang chuan kan implement tak tak hunah chuan correction provision kan siam ang a, Mahni ei loh man chu kan pe lo ang chu tih ka sawi duh a. Hetiang hian correction a tih theih e tih chu tunah kan hmuchhuak chho zel a, chuvangin water meter hi hetiang kan vuah chhohna ah hian keini pawhin enchian tur tam tak kan hmu thar chho zel a. Kan tum chu tui kan neih ang ang rual khai zawka kan sem theih nan te,

leh kan tui ei tam leh tlem dan a zira kan consumer ten a man an pek dan tur kan siam rual theihna tur te, daih zai zawka kan tui neih chhun kan sem theihna turin meter vuah hi kan ruahman a ni. Water tariff, a tui man hrim hrimah pheh chuan tun a kan tariff hman lai hi thlak danglamna pakhatmah a awm chuang lo tih kha kan hriat atan pawh a thain ka iria. Tin, khatiang anga rawtna hrang hrang te pawh kha kan lo enzui ang e. Rawtna hrang hrang kan member ten a kan han ngaihthlak leh kan lo hriatte kha kan lo chhinchhiah ang a, tihpuilin pawh kan lo tum ang e.

SPEAKER

: Vawinah hian kan Member zahawm tak te pahnih Pu Sainghaka leh Pu K.Lian-zuala damlohna avangin kan zingah an tel thei lo a ni. Private member Bill leh Resolution a awm hian Bill hi ngaih pawimawh zawk a ni thin a. Chuvangin, vawiinniah Private Members Bill hi priority kan pe a ni. Session hmasa khan Bill 2 pending kan nei a, chu chu 9.3.2005 khan Ballot a ni a, chuta a indawt ang chuan Bill te kan la hmasa phawt ang a, tunah Pu Andrew Lalherliana i lo sawm ang u.

PU ANDREW LALHERLIANA

: Pu Speaker, ka lawm e. I phalna leh House remtihnain Pu Speaker, he ka Bill hi he House hian ngaihtuah turin ka rawn chhawp chhuak e. Pu Speaker, he ka Bill hi hetiang hian han move ila. Mizoram sorkar leiba tam tak rulh a, Budget hi awmze nei zawka hman anih theih nan he Bill hi he House hian pass ahman ni rawh se tiin ka move ani a.

Pu Speaker, he ka Bill hi Central sorkarin a hman mek Mizoram dinhmun nena inrem tura siam rema hleia hmun a rawn move hi a ni a. Tin, Central Act kha Central sorkarin a siam dawn lai khan a finance dinhmun leh Mizoram finance dinhmun hi in ang deuhna a awm avangin han tarlang tel ila. Kum 2000 khan Central sorkarin leiba a ngah em em mai a, crore nuai 12 a ni. Chu a leiba atanga a pung ringawt pawh chu vaibelchhia hlir nuai khat leh singhnih leh sangkua leh za nga sawmnga a tling a ni. Leiba rulh nan hian sum tam tak hman a ngaih avangin development atan sum duh tawh hman tur central sorkarin a nei tawh hlei thei lo ani. Leiba lah chu a pung tual tual mai si a. Thu mai chuan expenditure control a harsatzia dan hmang chauh a control a he leiba

hi ruluh theih a nihzia hriain central chuan hma ala ta ani. Mithiam te ruaiin he Fiscal Responsibility and Budget Management Bill kha duan chhuah ani ta a. Chu chu kum 2003 May ni 7 khan Parliament ah puluin passed a ni ta a ni. He dan hmang hian central sorkar chuan revenue deficit te chu kum 2004 atangin zawi zawiin ti tlein 2009 ah Revenue Deficit te nuaibo vek a leiba lo tling khawm tam tak chu Budget surplus atanga rul turin ruahmanna asiam ta a ni.

Tin, Central sorkar hian tunah hian a hmang tangkai hle a ni tih pawh kan hria a ni. Tichuan Zoram dinhmun han en ve ta ila, kum 2003 a kan dinhmun leh Central dinhmun chu intet hleih hle mahsela in anna a nei lian ve hle thung a, he House a kar member Pu R. Zirliana a Unstarred Question No. 44 na chhanna kha han en ila, 31.3.2004 khan Mizoram sorkar leiba tlingkhawm chu baivelchhe sanghni leh za leh 45.65 a tling chho ta a ni. Leiba atam mai bakah a rulhna tur hian sum leh pai sen a ngai hnem hle mai a ni. Kum 2003 - 2004 Financial Year chhung pawh khan kan leiba rulhna tur hian vaibelchhe 538.24 kha hman a ni a, tin, kan financial year zo ta mekah khan leiba leh a pung ruli lehna turin vaibelchhe 275.95 kha year work anih kha kan la hre theuhin ka ring a. Leiba avanga harsatna kan tawh leh kan State budget atanga mipui chanvo a tlem tawhzia chu sawi ngai lovin kan hriat theih a ni. Central atanga direct funding kan hmuh te kha hmachhuan a ni deuh ber ta hial ani. Leiba rulh leh expenditure control turin thu maiin han hriat hi a tawk lova dan hmang a in hrut mai loh chuan central sorkar pawhin tihngaihna ahre lo ang bawk khan keini pawh hianin dan hmang ngeiin sum leh pai inenkawlina hi kan inhrut loh chuan kan leiba hi kan rul thei dawn lova, harsatna khurah kan tang reng dawn niin a lang tlat mai ani.

Helaiah hian nimin lawka kan Budget Speech kan Chief Minister-in a sawi kha tlem han sawi lawk ila. Kan Chief Minister ngei pawh hian theih tawpin Financial control hi chu neiha insuma, Budget te pawh hi Deficit tam tak awmte nuai bova Surplus a siam hi a duh a ni tih a chiang a ni. A budget Speech point 11-na han en ila. Tun kumah Revenue surplus hi crore 85.40 a awm a. A lawmawm thu a sawi rualin a lehlamah Capital Account atanga Deficit a len avangin a pumpui thuah phei chuan Deficit kan nei ta a ni. Tahchuan tun kum tawp a ral a. kan pawisa indaih lohna tur hi Deficit tura 178.24 kha a awmsa tura ruahman a ni a. Mahse, a lawmna sawinaa kha a tantirhnaah chuan lawmawm viauvin a lang a. Revenue Account ah khan a chhawpchhuah khan a surplus a ti a. a lawmawm. Mahse, a tira han Surplus pawhin han dah thin mah ila, kan hlawk dan chuan control na fel tak leh khang Depari-

ment zawng zawngte hrutrualna tur dan a awm thin loh avangin sum leh pai hmanna hi a kal a kal chho a, a tawpah chuan a tir Estimate aia tam daih pawisa hman a ni thin a. Financial Control a awm thin loh avangin Deficit nasa taka a pun avanga Zoram hi buai kanni. Nikum Budget ah pawh kan Receive Account chungchangthu kan Chief Minister in a sawi avang khan khami ringawt pawh han en ta ila. A tira Budget Estimate ah chuan hman tur a kha a sang vak lo a ni. Vaibelchhe 1083 a ni. Mahse, an han hmang chho tak tak a. B.E. ah chuan crore 1484 ah a chho a ni. Thu mai leh duhna avanga han in control hi thil harsa a ni. Chuvangin, Parliament pawhin thu ringawta tawngkam thaa Financial Expenditure te hi control chi a nih loh avangin dan hi kan mamawh em em a ni tih kha han tarlan kan duh a.

Tin, kan Budget sum hi sawrkar Department hrang hrangte hian enkawltute leh hetiang manage tute hian a neitu rilru taka renchem leh hman hi kan la thiam tawk lo emawni chu aw tih tilangtu chu kum 2003 a Comptroller & Auditor General Report han en khan Department engemaw zat sum hman fimkhur loh avanga pawisa bo thlau han belkhawm pawh khan nuai 2311.04 a tling a ni. Chu pawh chu State Transport ina Department Operation a, a lost nuai 2468 la chhiar tel lovin a ni. Chutiang chuan, Mizoram dinhmun kha buaithlak leh control harsa a nih avangin dan min hrut rualtu hi kan mamawh em emin a lang. Nikum September 28 - 30 a MLA te Parliament a Orientation Course Training kan neih khan Parliament Library atang khan Fiscal Responsibility & Management Bill kha ka dil a. Zoram tana hman theih turin theihtawp chuan kan her rem chho a ni a. Chutiang chuan, Tamil Nadu sawrkar khuan kum hmasa khan he dan hi anmahni State atan hman turin an lo her rem vein kha Bill kha an Pass ve nghe nghe a ni. State lian zawk leh remhre zawk pawhin an hman tawh si chuan keini te thiamlo tak pawh ni mah ita kan ram tan a that beiseiin kan han rawlh lut ve a ni a. Zoram mipuiten kan thatpui hle a rinna ka nei tlat a ni. He Bill hmang hian sawrkar sum hi a tul anga Expenditure control, chungin mipui chanvo chu ngai pawimawhin Budget sum hmandan hi a siamrem thei dawn a ni. He Bill hian tangkaina pui tak pakhat dang a neih leh chu kan hriat angin MOU Central in 8.4.1999 a min sign luihn tir a. Kan duh ang pawha kan budget hmang thei lova min phuar tu hi kan hlih theihna tur niin ka hre tlat mai a. He bill hi kan Pass a nih chuan, kha MOU kan tih mai Ministry of Finance, Govt. of India and Govt. of Mizoram in 8 April 1999 tihah khan mipuite dinhmun leh thatna ngaihtuah miah lovin kan leiba tlingkhawm tlakhmiamna ngawr ngawr ngaihtuahin thil tam tak Financial Measure min tuklui a nih kha. Tui Bill tipunga, Meter te pawh kan duh emaw duh lo emaw vuah turin min tilui a. Kan vuah lo thei lo a ni a.

Leiman, Land Revenue tih sante, Bazar fee tihpun te House Tax te leh thildang lohtheihlohin hnathawk lakbelhte min khap tir a, Hna post ruak hnawhkhat thei lovin min siam a, 10 te nuaibo turin min ti a. Namen lovin tichuan harsatna he MOU Central sawrkarin leiba kan ngah lutuk avanga min sign luihtir a ni a. A hlih dan awmchhun nia lang chu keimahnin leibain control na leh tihniamna dan kan insiam a, a dan tha tak Parliament pawhina a hmanlai zulzua siam kan neih chuan he MOU hi a tangkaina a awm dawn tawh loye. Central sawrkarah pawh a aia tha dan keimahnin in control na kan nei ta e, kan ti ang a. Awlsam takin he MOU hi min hlihsak ang a. An duh ang ringawta min control avanga kan thatna pawh ngaihtuah lova min hrekna erawh hi chu a tawp dawn ta tihna a ni. A chhiah lak hrim hrim hi ka object a ni lo. Kan duh leh duh lo emaw ngai pawimawh lova a rem emaw rem lo emaw ni lova, ti lo thei lova min dah thinna hi hei ai chuan keimahnin remhre zawkin khawi laiah hian nge kan in control ang a, mipuite chanvo hrek lova chanvo hi kan hman ang tih kan ngaihtuah theihna tura zalenna kan inpek theihna tur anih avangin he Bill hi kan mamawh takmeuh a ni tih kha kan sawi duh a.

He ka Bill putluh hi a thatna, he sum leh pai control-na leh leiba tihniamna ringawt piah lamah hian a thatna hi a tam em cm a ni. Thil tum dang tha tak mai a neihte pawh han sawi ila, Pu Speaker, Entirnan - He Bill-in a tum chu Transparency langtlang theia budget ruahmanna zawng zawng leh a kalpui, a hmandan langtlang theia dah hi he bill hian a phut tlat a ni. Chuvang chuan, mipuite hriat lohva, a thlini zawnga kan budget kan challai thinte pawh hi he bill hi pass-a hman a nih hun chuan, a awm thei dawn tawh lova. Tin, chubakah corruption pawh hi a veng dawn tlat a ni. Engatinge, kan tih chuan, he House ngeiah hian sum leh pai hmandan hi quarterly-a report a ngai dawn a. Kalpui dan tur zawng zawng pawh he House-ah hian chiangkuang taka report zel a ngaih dawn avangin fiscal control hi mipui aiawhte hian tha takin kan ti thei dawnin a lang tlat a ni. Kha kha a thatna pahnih dang ka han sawi tum chu a ni mai a. Hei hi Parliament pawhin Fiscal Responsibility and Budget Management Bill a pass duhna chhan pakhat chu - Parliament te Central sorkarah chuan, tin, State-ah chuan Legislative Assembly-te hi consolidated fund neitu leh vawngtu kan ni a, a chahbi pawh a kawltu kan ni a. Kan State pawisa hman tur hi kan phalloh-a kan pass loh chuan hman theih a ni lo a ni. Amaherawhchu, kan han pass pui atang hian he House hian kan hriatpui theihna tur dan reng reng hi a awm ta lova. An hmang ta tawp tawp a, an hman dik leh dik loh pawh check theih lohlin a kal chho ta a ni. Hei hi mipui aiawhte thukhawm dinhmun atan hian a tha lovin Parliament hian a hre tlat mai a. Chuvang chuan, Parliament in a tih ang chiahin he Bill-ah pawh hian keini pawhin he State hian kan sum leh pai

kan hman tura helai mipui aiawh ten kan pass hi a kalphung leh a awmdan zawng zawngte hi kan control ve theihna turin quarterly report an rawn pek theihna dan tur hi ruahmanna a awm a ni, tih kha uar takin ka han sawi duh a ni. Chuvang chuan, kan hman hunah chuan atangkai dawn em em a ni, tih kha ka sawi duh a.

A Bill-ah hian han lut ta ila, a rei tawh lo ang. A clause pumpui hi chu hun a rei lutuk loh nan ka sawi vek seng lo ang a, a tam tak hi chu sawi ngai lova, bill body-in a ken hrim hrim a ni a. A tlangpui a pawimawh laite ka han sawi chho mai ang e. A hmasa berah chuan, he danin a tum chu - Mizoram Legislative Assembly a, budget pharh rualin heng Medium term fiscal Policy statement-te Macro - Economic frame-work statement-te hi pharh ve nghal turin a phut a. Chu chu he Act ah hian clause 3-na ah khan kan hmuh kha. The Govt. of Mizoram shall lay in each financial year before the House of Legislative Assembly. The following statement tih tur a ni a, helai hi a spelling mistake a awm a, the following state tiin a dah a. The folowing statement of fiscal policy along with the annual financial statement and demand for grants, namely - The medium term fiscal policy statement. The fiscal policy statement - policy strategy statement. The micro economic statement a ti a. Khata a siam dan tur a zawm kha a sawi nghal a. Khalam pang kha chu kal ta lo ila.

A pahnihnaah chuan, reilote chhunga sum indaih lohna lai lawk hnawhkhahna tur tih lohah chuan Reserve Bank of India atanga pawisa puk hi remtih loh turin he dan hian a ti a ni. Clause 5-naah hian a ziak a. The State Government shall not borrow from the Reserve Bank of India. Tin, Sub-Clause 2 naah not withstanding anything containing sub-section - I. The State Govt. may borrow from the Reserve Bank by..... advance to meet temporary excess of cash disbursement over cash is it, during any financial year in accordance with the agreement with which may be entered into the Government with the Reserve Bank of India a ti ta, engemaw hun tawite atan lo va puk a rem lohna chhan nia lang chu, Reserve Bank of India hi kan consilidated Fund account kan zuk neihna kha a ni a. Leiba kan ngah hian a duh chuan payment zawng zawng hi atihawp vek theih chuan sorkar hi kal thei miah lova, a siam a hlauhawm avang hian Reserve of Bank of India atanga puk hi chu tih loh nise, tih dan hian a keng niin a lang a ni.

Tin, a dawtah kal leh ta ila, Annual Budget buatsaih a, a ruka hmalakna a bansan leh, sum lak luh leh a hman dan tur ruahmanna ualau tak leh langtlang thei, transparent zawnga kalpui hi he bill hian a phut a ni. Kha kha clause 6-naah kan hmu a. Han chhiar

chhuak leh ta ila, 'The State Govt. shall take suitable measures to ensure greater transparency in each fiscal operation in public interest and minimise as far as practicable secrecy in the operation of the annual financial statement and demands for grants', sub-clause 2-naah chuan 'In particular and without prejudice to the foregoing provision. The Mizoram Govt. shall at a time of presentation of annual financial statement and demand for grants make such disclosures and in such manner as may be prescribed a ti a. Hei hi chu rules lampang atanga la phut tur a ni a. Duh lai lai kha dispose lo thei lova siamna tur a ni.

A dawt lehah kal leh ta ila - Finance Minister -in thla tum dan zelah sorkar pawisa hmandan leh sum dinhmun enthat (review) hi a nei ngei ngei tur a ni a. Tin, a thil hmuh dan chu Mizoram Assembly-ah he House-ah ngei hian a pharh tur a ni a. A dawt lehah chuan sum lut lam a tlakhniam leh sum hmanna lam a uchuak deuh awm hmuhchhuah anih chuan sorkar sum hman phalna hrek sak restrict dante, a awm a. Chutih ruala charge expenditure khawih buai chuang lova, kalpui dan a awm a ni. Kha kha clause 7-knaah kan hmu a. The Minister in-charge of the Finance Department shall review every quarter the trend in receive and expenditure in relation to the budget and place before the House of Mizoram Assembly the outcome of such review, a ti a. Budget kalhmang kha thlathum dan zelah khan chiangkung taka he House, a report hi aphut a. Chu chu mipui aiawhte pawhin kan duhdan tur niin ka ring a ni. A dawt lehah chuan - Whenever there is any either short fall in revenue or excess of expenditure over the pre-specified level mention in a fiscal policy statement.

Pu Speaker, minute nga min phalsak leh teh, ka lawm e. Pu Speaker, A piah lehah ka kal mai ang, kan hmu vek thova, kan chhiar thei vek tho va. Tah chuan, a dawt lehah hian, he Bill in a kentel chu, he dan provision-in a sawi lawk baka even management kalpui anih dawn reng rengin Finance Department Minister-in Legislative Assembly-ah Statement siamin a report ang a, chu report-ah chuan a dan ang thlapa kalpui lehna dan tur ruahmanna a siam tel bawh tur a ni a. Tin, Mizoram Legislative Assembly-ah chutiang proposal chu pass sak phawt a ngai ang, tih a ni. Hei hi Financial control he House-in kan neih theihna tur anih avangin, chu chu a tha tlat a ni tih kha, kan hriat angai ang a, hei a clause hi clause 7-na chung ami ani, tih a saewi a. Kha kha chu ka chhiar zui lo mai ang a.

Tin, a dawt lehnaah hian a hriat lawk loh thil thleng leh chhiatna natural calamities lo thlengte ram venhimna chungchangthu avang tea he dan hmanga hmalak harsatna a awm chuan, chutiang huna he dan hi thlah dul theihna provision a awm bawk a. Chu chu clause - 4 naah kan hmu a, han en leh lawk ila, Provided that the revenue deficit and fiscal deficit may exceed such target due to ground or grounds of national security or natural calamity or such as other exceptional ground as the state Government may specify. Provided further that the ground or grounds specified in the first proviso shall be laid before the House of the Legislative Assembly of Mizoram as soon as may be, after such deficit amount exceed the aforesaid targets a ti a.

He dan in exceed phalloh chin deficit zawnga exceed a phalloh chin kha khum a nih reng reng chuan House ah hian a report ang a, a chhan a hrilh a ngai a ni. Harsatna zualpui vanga chu thil chu lo exceed a nih pawhin he House ah hian a report ngei ngei tur a ni tih a awm a ni. Chuvang chuan Pu Chairman, a dang tam tak a clause zawng zawng hi chu ka sawi seng dawn lova, hun a rei dawn lutuk a. Tam tak phei hi chu Bill-in a ken ve hrim hrim a hlado te; short title extension and commencement tihte definition tihte, tin, helam a hnung lampanga Power to make rules tihte tin, protection of action taken in good faith tihte, Jurisdiction of civil court barred tihte, Application of other laws not barred tih te leh Power to remove difficulties tih ang zawng zawngte hi Bill ah hian a tlangpuithuah kan hmuh thin a nih avangin he House dan siamtu hi chuan kan hriatna a ni a. Chuvang chuan ka sawi tel lovang a. Hetiang a nih avang hian Pu Speaker, he Bill hi kan mamawh em em a ni. Mizoram hian. Kan leiba hi a pung tual tual si a, thu tha leh inzirlhna atang ngawtin kan sum hmandan hi kan control thei tawh lo a ni tih hi a Chiang em em a ni. Chuvang chuan dan hmang a Legislation ngeia he sum leh pai hmangtute leh a khawihtu mawhphurtute hi hrut an nih loh chuan sum leh pai harsatna avangin kan harsa chho zel dawn ani tih a Chiang a. Chu chu kan solve loh chuan kan harsat zia te MOU in min phuar ziate kan sawi tawh bawk a. Chuvang chuan he the Fiscal Responsibility and Budget Management Bill, 2004 ka rawn putluh hi khawngaih takin he House hianin min ngaihtuah puia kan mamawh a ni tih hria a pass ngei turin Pu Speaker, ka han sawm a ni, Member zahawm takte.

S P E A K E R

: A lawmawm e, hei tun tum kan Assembly hi a lawmawm hlein ka hria a. Kan member te thahnem ngaihna leh an

thawh rimna avangin sorkar tan leh mipuite tana thil pawimawh tak tak nia langte House-ah hian a rawn kal thin a. Dan siam tur thuahte leh sorkar kalphungah te pawh. Kha Bill neituin a sawi kha kan ngaithla ta a. Member ten ngaithdan in sawi ang a, member pakhatat minute 10 in pe ila atha leh mai lawm ni. Tunge han sawi ang le? Pu Lalduhoma.

PU LALDUHOMA

Pu Speaker, a awl em mai kan ding mai ang e. (SPEAKER : Tihdan pangngaiin Group Leader te kha hun inpe tam deuh ila) Pu Speaker, Constitution pa tia an

koh thin Dr. Ambedkar-a kha tunah hian kan zingah awm ve se chuan, member zahawm tak Pu Andrew Lalherliana chungah hian hetiang Bill pawimawh tak mai a rawn putlul avangin lawmthu a sawi ka ring a ni. Vawiinnia kan sawi ang thil ni India Independent tirh atang khan vei ani tawh a. Constituent Assembly ah te pawh khan an lo debate pui tawh thin a. Sorkar dinglain a duh zat zat sum a puk ngawt theih leh a hman ngawt theih chuan sorkar inremchem lo tak mai te, thujkhu dawn lo tak mai te kan lo hrawn palh vaih chuan ram hi leiba thangah thuk takin kan awk thei a ni tih hriain, sorkarin sum a bat theih zat tur bitukna dan hi siam a tul an lo ti daih tawh a. Dr. Ambedkar phei chuan, "Chutiang dan chu Parliament hian a siam lo anih ngat chuan Parliament mawhpurh a ni ang. Parliament thiam loh ani ang" a ti hial a ni. Amaherawhchu, chutiang dan chu siam ta lem lovin India ram hi kan kal ta zel a. Hlahuthawn ang ngeiin Central sorkar chuan lei a ba ta nghek nghek mai a. A hnu lehah enge lo thleng dawn tih ngaihtuah tel mang lovin an term chhunga hna thawh thei anga lanna tur anih phawt chuan sum an puk ta vak vak a. Kum 2003 a lo thlen meuh kha chuan Central sorkar in Rs. 3 zel a hman hian Rs. 2 hi ama dehchhuah a ni a. Cheng khat zel chu apuk a ni ta a ni a. Chumi awmia chu Rs. 3/- a hman apiang hian Rs. 2/- chu tuna damlaite tan a hmang ta a. Rs. 1/- zel chu lo la piang leh turte leibat tur atan a hnutchhiah ta ani. Chutiang a tuna la damlai ten thangthar chhuan lo kal leh turte leiba lo siam sak ringawt mai hi chhuan leh chhuan inkara rorel dan fel nia hriat anih loh avangin siamfel tul tihna. 'Inter generational equity neih tul tihna a lo lian ta em em a. Public Accounts Committee te, Estimate Committee te, Reserve Bank of India te leh Comptroller and Auditor General of India te chuan hetiang dan siam tur hian sorkarah vawi duailo recommendation an lo thehlut tawh ani. Chumi kal zelah chuan kum 2000 December 20 khan Finance Minister Vishwant Sinha chuan chutiang Bill chu Parliament ah a rawn pulut ta a. Kum 2003 atang chuan Central chuan a lo hmang tan ta a ni. Chu chu India ram tana thil tha tak a ni tih hriat a nih avangin State dangin tunah hian an entawn mek a ni a.

Pu Speaker, chutiang dan chu keini ho hian kan mamawh ve em tih hi lo in en ta ila. Heti taka ngaih pawimawh tham lei kan bat tanna hi chu kum 15 vel kalta atang khan a ni a. 1990-1991 atang khan, vaibelchhe 187 khatih laia kan sorkar khan a ba tan a. 1998 - 1999 a lo nih a MNF in Congress sorkarna atawn thlak thleng khari kan leibat chu kiam a hnekin vaibelchhe 962.51 a lo tling ta hial ani. Chumi atang chuan Pu Speaker, leibat vei em emtu leh a sutkian dap thiam bik a insawi thin te i dinglam amite hian vawiin thlengin rorelna an chang ta a. Nimahselangin, beisei loh ang takin a zual zawpui vaihlenhlo ah min luhpui a March 2004 thlenga kan leibat kha vaibelchhe 2145.65 a lo ni ta hial a. Chu chu tuna kan Budget liam taa kan kumkhat Budget pumpui aia vaibelchhe 664.85 a tam a lo ni ta hial a ni. Leiba leh a pung rulhna turin kumtin vaibelchhe tel sen a ngai ta ziah mai a ni.

Anih leh, engatinge kan ram hian hetiang lei kan bat, kan ram hi a chhe hrim hrim em ni? Ni love, lekhathiam lamah India ramah pahnhna kan ni. State sorkar dangte nena khaikhinin political stability, sorkar ngelngot pawh hi a nei tha pawl tak kan ni. India rama ralmuang ber State kan ni kan ti awl lo bawh, ram pawh hi mihring tam lama chhutin khawvelah hian a nei zau ber pawl kan ni. Agriculture ah te, Horticulture ah te hmasawn theihna zau tak kan nei a. Damdawia hman chi Medicinal plant in kan ngawte a khat a. Industry te pawh siam dawn ila, Raw material chhawp sa, Pathian min peksa tam tak kan nei a. Leihnuai hausakna te nen. Power aintodelhna tur tuikhuahna remchang tam tak Pathian siamsa kan nei bawh a. Sik leh sa a tha a, ruahtui a tha a, nieng tha kan dawng a. Kan society ang tluka society hlawm tha hi khawvelah hmuh tur avang a, kan Kohhrante leh kan NGO te ang tluk hi hmuh tur khawvelah a vang em em si a ni. Border trade neihna turin ramri sei tawh International border kan nei a. Kan thalaite lah hi sports lam leh tuh lai thiamna IT lamah an ze i em em a, an tui em em bawh a. Central Assistance lah kan dawng tha a. Hetiang dinhmun dinglo a awm theihna tur khawp hi chu, engkim kan nei ka tihna ni lovin, kan nei tha tawh thawkhata ni. Mizoram hi. Chuti chung si chuan he dinhmuuah hian kan awm a. Sum indaih lohna chhan chu kan sorkar hnathawk hlawh a tam em vang ani tih te hi kan sawi fo a, kan hotupa ber pawhin a sawi thin a. Nimahsela, kan sorkar hnathawk hlawh zat chu vaibelchhe 5.25 a ni tih kan hria a. Vaibelchhe sang chuang mipui ta tur hi a bang a la awm reng, hei hi chhuanlam a tling lo. Dik takin, kan sorkar hnathawk te hlawh ang tluka mipui inpea lut tha kan ram budget ah hian a awm lo zawk a ni. Chumi tichiang tur chuan thlakhat sorkar hnathawk hian hlawh han la lo teh se, vawh pawh hi kan talh tlem pah mai ang. Thlai zuar pawh an buai mai ang. Chuvangin sorkar hnathawk hlawh hi tangkaipui a, Mizorama kan economic back bone ber a ni zawk a, chhuanlam a hman tur ani lem lo.

Puk hrim hrim hi Pu Speaker, kan sawisel a ni lo, min a peipung thiam chuan a hlawkpui thin, keini puk ve erawh hi chu kan hlawkpui em tih han en leh ila, kan per capita income a sang chuang der lo, privatisation a eizawng kan tam phah chuang lo, kut hnathawktute dinhmun chawikan a hnehin a tlahniam zawk emaw tih tur a ni. Chuvangin, kan thatpui lo tih hi a Chiang ani. Chuti anih chuan, engatinge kan thatpui loh kan tih chuan kan hman thiam loh vang a ni. NLUP leh MIP atan kan sum sen zozai leh a result hi khaikhin iia khawvela investment chhe ber pawl atlin ka ring. Kan Corporation zozai te hi hlep nei lo, ba deuh veka kal an la ni. Department farm zau pui puite hian a thawktu hlawnh khawp pawh an la thar lo, supply ah sum tam tak a luang ral a, kan thlai chi supply tawh ringawt pawh hi kan ram zawng zawng awihpang nen thlai leh thei a khat tawh a mawi ani. Sangha chi kan supply zozai tawh te hi kan ram lui zawng zawngah Sangha a phu mur mur tawh awm a ni. Project lian kan tih ve chhun heng Lengpui Airport, Saikut Hall, Lunglei Greater Water Supply Scheme, Aizawl Greater Water Supply Scheme, Tuipang lui leh Referral Hospital ani emaw, heng zawng zawngah hian a original estimate aia a let engemawzata tam sen ngai ziah ta mai thin te hi a zahthlak ani lawm ni? Ram lei nan te hian engzatnge kan senso tawh? Thil han ti hlek ila compensate an ti a, tunah pawh hian Tuirial Hydel Project compensate kan la sawi bak, Phase - II leh III kan keu chuan kan Cabinet Minister pakhat laina te hian nuai 151 chuang lak tur zuk la nei a maw le! Session hmasaah khan kan House Leader leh a laina te dawn tur kan sawi khan, "Mi naute pawhin an la a, ka naute pawh an tel ve a ni mai", a ti a nih kha. "Tuih min thlak leh ka dang lip lep ang a, meia min rawh leh ka sen vit vet ang" tih ang chauh ani. Mi nauten an eiruk a, kan nauten an eiruk ve mai kha kan phal dawn em ni? mi naute pawhin tual an that a, ka naute pawhin an thah ve mai a ni kan ti zel dawn em ni? He House leh Mizoram mipuite zah lek lova, hetiang ang ram sum nghaisaknaah ram hruaitute chhungkua hi mi tih ang ti ve zel a, inrawlh zel tur kan ni em? a lungchhiat thlak ngawtin ka hria a ni.

Kum 20 chhung tui kan khuap tawh, 1982 atang khan, kan sum sen zawng zawng ngaihtuah chhuak ila, MW 7 vel chauh kan la thar chhuak a ni. Hydel Project tam tak chu vawiinniah hian a tawl zo leh tawh, management hi a fail nasa lutuk. Ruang phurhna tur Civil Hospital-ah Ambulance 2 chiah kan nei a, kan indah lo em em, mipuiin kan mamawh belh ngawih ngawih, mahse, kan lei belh thei lo, rial leh ruah thli tawrh avangin nikumah kan buai, kumin pawh kan buai leh, mahse engmah kan sorkar atangin chhawmdawl na beisei tur a awm lo, kut hnathawktute support price pawh kan pe thei lo. Kan War Veteran, Japan

do laia tlemte kum tam kpawh daih lo tawh tur an pension Rs. 300/- lek pawh pe thei lovinna sorkar hi a la awm, chutih lain sorkar chuan ek in kal thei, mawza man tam leite a ngai pawimawh zawk si. Tunah hian 12th Finance Commission chuan enge min tuk kum 5 chhungin vaibelchhe 760 mahni sum nei turin min ti, kumin ah hian vaibelchhe 65.92 tuak ngah turin min ti, khawi atangin nge kan tuak ngah tak ang le? Kan tih theih loh chuan MOU 2-na hi min sign luh tir leh ang tih ka hlau khawp mai. Mipuite ipite atangin sumlai kan sawh hek leh ang a, chhih khawn belh leh ngawt mai loh chu sorkar hian thiam a nei si lo. Chuvangin control kan ngai a ni tih hi hnial thu a awm love.

Pu Speaker, vawiinniah tute emaw an sorkar a, naktukah midang an sorkar zel ang, he Bill hi tuna mite tan kan ti bik lo, tu pawh hi kal sual thei, ven ngai vek kan ni, chuvangin system tha kan mamawh, sorkar inrenna chang hre lo kan hrawn ni te pawh a la awm ang, chung hunah te chuan an inren loh ngam lohna tura dan tha, system tha chu he vawiinni a kan Bill hian a rawn keng a ni. Chuvang chuan he Bill hi kan pass phawt chuan a tha khawp a ng. House-a kumkhatah vawikhat Budget han sawikhawm a, kan pass a, chu pawh chu hmanhmawh takin, sawina mumal pawh kan nei tak tak ngai lo, tichuan kumtluanin helaiia pawisa chung a thunei ber inti te hian khawih lehna hun remchang kan nei tawh lo reng reng a, a tawp a Revised Estimate leh Supplementary Budget, sawi buai hleih theih tawh loh kan pass leh ringawt a, chutiang anih tawh loh nan, he Bill ang hi chuan Finance Minister in Statement a rawn pharh tawh ang a, pawisa hmuh zat tur te, hman zat tur te, a indaih lohna turte ngah a tum dan zawng zawng te a rawn ti lang ang a, chhiah lak a tum dan zawng zawng nen a rawn pulut ang. Chubakah thla thum dan zelah hetah House-ah hian a rawn pharh ziah bawh ang a, tichuan sorkar a lang tlang ang a, plan leh scheme angin thil a kai nge kal lo a rawn chhawp chhuak zel ang a. Chu chu kan sawiho thin dawn a ni. Chutiang ngata kan kal chuan kan ram hi a dam ngei ngei ang a, sum a kan harsatna hi tikhian a ni tawh dawn a ni, a chiang em em a ni a. Chuvangin, hei hi tih ngei ngei tur niin kei chu ka hria a ni. MOU te kha hetiang kan nih avanga min tih luhna a ni a, hnial ngam pawh kan ni lova, kei chu kawng lehlamah lawmawm ka ti a, khatia min tih ngawt loh chuan kan hotuten min ti khawbaw zo vek dawn a lawm, Central-in min rawn chhan zawk a ni. Tunah hian tan kan lak a ngai tawh a, MOU 2 na sign ngai lo turin a MOU avanga phurrit pasarih lai kan phurh te hi sukhang turin tunah hian he bill hi pass ilangin, kan tuhnu kal zel leh thangthar tan a tha em em dawn a ni. Vawiinniah hian Pu Speaker, eiruk zel hi ka la duh a ni ti tan chauh lo chuan he Bill hi hnial chi niin ka hre lo. Kan ramin a mamawh a ni tih hnial thu a cheng lo, kan mamawh a

ni. Vawinni ah hian kan mamawh, hun lokal zel turah kan mamawh zel dawn, Mizorama la awm ngai lo, parliament pawhin tha atih, a lo pass tawh hi thahnemngai taka kan member zahawm tkain a rawn put luh hi pass turin kan member zahawm tak tak te an zavain a nengin ka ngen duh a Pu Speaker, minit chanve chiah niminah Governor Speech te pawh kan pass pui tawh a, sorkar bill tam tak kan pass pui tawh thin, a that phawt chuan kan pass pui leh zel dawn, tun tumah pawh engatinge hetiang kan thiltih that ve hi vawikhat tal min pass pui ve theih loh? kan tha hi an ba hnem lutuk tawh. Chuvangin hetiang thil thaah chuan i lungrual ve ang u, tih hi uar takin kan han sawi duhin ka ngen duh a ni, ka lawm e.

PU R. KHAWPUITHANGA : Pu Speaker, ka lawm e, kan ngaihtla a hei Khawzawl bialtu zahawm takin a Bill a rawn putluh hi nikum lama Training-naa zuk kal a hlawkpui zia thute kan ngaithla tel a. kan zuk training ho a, a lawmawm khawp mai a, hetiang thil thar Assembly a rawn putluh anih te pawh hi kan inzir zel nan pawh thil tha tak a ni a. Amaherawhchu, thil tha hi kan inzirna tur ni mahsela, Assembly ah pawh hian hci tunah pawh hian sawi tur hian kan la Chiang tawk lo hlein ka hria a.

Keini lamah pawh han sawi mai tur hian hemi chungchangthuah hian kan inzir tawk lo hle niin ka hria a. kei pawh ka ni tho mai a. 'Fiscal Responsibility or Budget Management Bill' te hi tuna ka hmaa thusawi ten thiam taka an sawi ang khan han hnialna tur pawh hi avang hlein ka hria a. A that pawh a thain ka ring khawp mai. Amaherawhchu, a tlangpuithua kan lo han thir ve danah chuan Central sorkar pawhin a hmanna hi a la rei lo a, a sawtpui pawh a ni ang a tha ang thil hrang hrangah engemaw thil thalo venna atan te leibat tam zel venna atan te pawh khan a pawimawh a ni tih kha a Chiang reng mai a. Hemi tello hian rei tak an lo kal tawh a, amaherawhchu harsatna an lo tawh hnuah tikhan heng Fiscal Responsibility and Budget Management Act te pawh hi a lo chhuak ta a ni tih kan hria a. Tunah hianin ke chheh nan step khat a hma kan lakna atan chuanin a tul viau pawh niin ka hria a. Amaherawhchu, hemi chungchangthuah hian State hmang tute an rawn sawi a pawh kha Tamil Nadu tih te kan han ngaithla a a la tam bik lo hle mai a. North East ah pheh hi chuan hmang an la awm vak bik lo anih a rinawm a. Tin, a tlangpui thuin thil finkhur ngai laite pawh a awm niin a hriat ve bawh a, thil tha ni bawh mahsela, vawh leh khata pass thut pawh kha thil fin thlak tak a ni bik lo mai thei a ni. Chuvangin zirho rih ila, tuna

tan hi chuan a tawk rih hlein ka hria a. Chiang deuh rih ila, tichuan a leh pek lamah te chuan tihdan dan te pawh a awm ang a. Tin, chubakah Central lam hianin Reserve Bank of India te nen pawh inhre tawn a, meeting te pawh lo nei a State dangte nen pawh tihdan te pawh thlir ho tur te pawhin meeting te pawh an lo nei tawh thin a ni tih te kan han hre zel bawk a. Chu chu anih avangin Ram pumpuia tunah hianin he thil a hi ngaihtuah mek a ni a. Chutia ngaihtuah mek lai anih chuan keinia hmanhmawh deuh taka kan tih hi atha ber a ngem tih te min ngaihtuah tir a. Lo hmang tawhte leh sawtpuite pawh an awm tawh pawh a niang, amaherawhchu, Central hian hma la miah lo sela chuan tuna kan ngaihthlak tak ang khan thil tha tak a ni ang tih pawh a rin theih a ni.

Amaherawhchu, kan sawi tak ang khanin Central pawhin State hrang hrangte pawhin ngaihdante pawh han sawi teh u an han tihah hianin North East ah pheih chuan ngaihdan la pe tu an awm lo a ni tihte kan han dapchhuah zel dan atang chuan kan han hre ve nelnual a. Chutiang chu anih avangin thil thar lawmawm tak ni mahsela, kan ram a hman tur tak tak atan hian kan la zir chian leh deuh a tha em? Tin, Central ina a rawn tih hun te pawh a nghah te pawh hi nghak ve peih ila maw le. Chuti thut thut ni lemloin, tih te hi ngaihtuah ta ila. Tin, hemi kan hmanloh avanga corruption te leh thil zawng zawng kha lo awm ta pur pur leh hmasawnnate daltu a ni vek ang tih a sawi kha chu a dik vek bik chuan ka ring lem lo a. Corruption te hi chu a corrupt duhtu rilru ah khan a awm mai a. Mi in eiruk atum tlat chuan kawng azawng a khawimaw lai ah chuan eiruk tur chu alo hmu leh mai thin a ni a. A duhlo tan chuan a theih loh a ni hei hi chu. chuvangin. Mizoramah eiru te hi an ding chhuak pawh a ni mai mahna amaherawhchu, lehlamah erawh chuani Kristian ram kan ni a, ringtute kan ni a, hetiang tih chingte hi an hlim ber fo lo a ni tih hi kan chiang tial tial a kan in zirtir tam pawh a tul.

Hei, leibat te pawh hi a tam zel a, sorkar pawhin Loan te a la a lei te pawh kan bat belh zel a, hmasawanna a kal rual hian leibat tulna te pawh hi a lo awm zel a. Loan kan lak te pawh hian a ti tam a. Tin, chubakah chuan hmasawanna kal chhoh zelna ah hian a tul pawh a ni ang e. Economic lam dinhmun atangte pawh hian a ni ang a, Kohhran lamah te pawh sum hman chungchangthuah Synod hianin meeting an han neihah hian kan sum hman dante pawh hi in en that a ngai ve e. Chuvang chuan sum renchem dan kawng i zawng teh ang tiin Synod pawhin a ngaihtuahtu tur bikte pawh an in siam a. A ngaihtuahtu tur bik te pawh in point tam tak te siamin hengah hian in check ila tiin rawtna tam tak a pe lut a. Chu chu tunah hianin an hmang chho tan mek a ni. Chuvangin, hun lo kal zelah hian measures hrang hrang kan neih te hi a

finthlak thin a. Keini sorkar ah pawh a ni lehzual ang tih chu hriatsa a ni. Chuvangin, dan tha tak Bill tha tak nimaliselangin Central ina a tih lai mek thil te a lo nih nen tin, keimahni pawh kan inzir ve a ngaihna lai tam tak a awm bawk nen hian hei hi tuna tan chuan la muangchang rih deuh ila mawle. Han inzir ve deuh rih ila, Central lam ina thu chhuak te pawh chu State dangte ngaihdante a lak khawm ah te pawh chuan thil tha leh tha lo lai te pawh kha zir chhuak ila. Heta ziak hi chu a mar put mai a. Kan sawi mar thiam bawk a, a dikna chin pawh a awm ang, amaherawhchu, a lo mar vek lem lo laite pawh kha awm ve thei bawk a ni a. Chulai tak chu a ni e, tih a zuk sawi fiah tur tak chu ka hre lo a. Budget thilte hi fiahna bik neilo tan chuan a har khawp mai a. Chu chu anih avangin he thil erawh hi chu zawi muang deuha la kalpui chi a ni lawm ni. Chuvangin hmasawna chungchangthuah te pawh Pathian khawngaihna zarah tunhma kum 6 te ngaihtuah chuan tun sorkar lo kal chhoah hi chuan kawng tinrengin hmasawna hi a awm a ni zawk lawm ni tih kha kan hmuh pawh hi a chiang viauin ka hria. Kan han sawi tak ang khanin kawng chungchang thuah te pawh kan hriat ve ngawtah pawh hian tunhma kum 6 kalta a kawng te leh tuna kawng lo awm chhuak sa tawh te hi chu a inthlau lutuk a, chuvang chuanin kawng thenkhata hmasawna awm lo laiah chuan sawi tur a awm pawh a ni mai thei e.

Tin, chubakah building chungchang thu leh infrastructure Mizoram chhunga kan han neih mek chhoh te pawh hi a namenlo hle tawh a ni. Tunah hianin chhawp pawh kan ngah a, nimina kan han sawi tak ang khan keimah ngeiin ka sawi ang pawhin leidawh kan han tih mekte pawh hi chhim leh hmar chhak leh thlangah hian kan nei teuh a ni a. Chu chu a crore telin a kal mek a ni a. Tin, building chungchangthuah pawh a ni a. Tin, chubakah chuan Department tin ina hma an lak ah hian hmasawna tur rahbi an chhawpah hianin chiang takin a lang a ni. Chuvangin chu chu sawi sen a ni lo ang a. Hmasawna kawng kan rah mekah hian, chuvangin, tunah hian hei hi chu Pu Speaker, kan inzir nan hmang ila, Bill tha tak pawh niin ka hria a, tichuan Central ina State te ngaihtuah tura a pek mek te pawh hi thlir pahin hei hi chu tihpuitlin ngei thain ka hria a. Tuna tan erawh hi chuan in zir rih ang u. Central ina ngaihdan a siamte pawh hi thlir pah ila tih kha kan kal dan tur tawk niin ka hria a. Chu chu kan dinchhuah pui a ni e, ka lawm e.

PU SAILOTHANGA SAILO : Pu Speaker, ka lawm e. Central leh State ah kan kalphung anga kan kal tlat avang hian he Fiscal Responsibility and Budget

Management Bill, 2004 hi a pawimawh hle mai a. International level ah te, National leh Regional level leh local level leh self employment thlengin he Fiscal Responsibility and Budget Management Bill, 2004 hi a pawimawh takzet a ni pass turin. Tichuan, he dan hmanga sorkar sum hman dan khuahkhirhna kan neih ve hi a hun takzet tawh a ni vawiinniah hian, tuna kan kalphungah hi chuan sorkar apiang hian kan neih phak bakin kan khawsa a ni ber mai a. Uluk taka he dan hi duangin chumi mil zela kan kal anih loh chuan kan ram leibat zozai leh kan ram economy ila chhe zelin a vawrtawp hi kan thlen pui ngei ang tih hi a hlauhthawn awm hlein ka hria a. kan Revenue deficit zozai te pawh hi beng sika kan ngaihtuah a hun tawh takzet a, pawisa tam tak tak kan puk a, chung atang chuan sorkar hnathawkte hlawh kan pe thin a. Kan hman chawp atana kan pawisa hman dan kalphung leh kan hlawh inpek dan kalphung hrim hrimte pawh hi her danglam deuh hlek hi a ngai tawh a ni. Kan ramin thawhchhuah kan nei tlem si, chutih lain kan leibat a pung tual tual bawk nen, chuyangin he Fiscal Responsibility and Budget Management Bill, 2004 hmang hian khauh zawka kan sum hman dan hi khuahkhirh a ngai tawhin ka hria ani. Tichuan hunbi nei, tum bik nei hian kal tum tawh ila, tichuan, zawi zawiin kan ram economy pawh a lo tha leh ang a, State dangte entawn tlak kan lo ni thuai ang.

Duhtusamah phei chuan he Fiscal Responsibility and Budget Management Bill, 2004 hi an hmang tha nge tha lo tih enna ber pakhat transparency international corruption perception index an tih ahte hian he Mizoram sorkar hi lang phak ngeh nghe ila Pu Speaker, a ropuin a lawmawm hlein ka ring a. he thil hi International leh State Level pawh a ni thin a, Indai ram ngeite pawh, mahse, India ram erawh hi chu he index ah hian a lang pha lo thin a, State te phei chu kan la lang pha lo lehzual a. Mahse, he index ah hian ram changkang zawk leh ram corrupt lova kan ngaih Switzerland te, leh New Zerland te khu chu an lang pha fo thin a ni. Chuyangin, za a za Kristian kan inti a, Missionary te pawh a tam zawk kan lo thawn chhuah theihn nan leh International level, State level, regional level, local level ah te tha zawk leh awmze nei zawk a kan lo awm theih nan International index a kan lo lan pah theihna a ni pah fawm turin he bill hi vawiinniah hian kan pass a tul hlein ka hria.

Tichuan, Fiscal Responsibility and Budget Management Bill, 2004 hi kan pawmpui ngei ngei a tuln ka hria a. Chuan, Pu Speaker, kan sum hmuh revenue receipt in atlin bak kan hmanralnate hi fimkhur leh uluk taka kalpui ni tawh sela, Sorkarin kawng hrang hranga sum a hmanral danah pawh inrenchem leh awmze nei zawka a kal theih nan te, tul lo leh lo thlawn mai mai a pawisa tam tak tak kan sen ral mek

nate khuahkhirh nan leh mipui ten ngaih ngam zawka sorkar an tawiawm zel theih nante leh kan leiba rip tak mai mipuite min tlakbuak mek tu hi hlih kian a lo nih theih nan he Bill hi pass a pawimawh hlein ka hria a.

Tichuan, sawi ang khan Central leh State ah down sizing in kan kal a, mithi aite, pension ai te hnawhkhah a harsat thu te kan ngaithla tawh a, a ni tak reng a, chu avang tak chuan he Bill hi kan pass a pawimawh lehzualin ka hria a. Chuvangin, dan hmanga sorkar sum hman dan khuahkhirhna kan neih phawt chuan eng ang down seizing pawn lo kal mah ilangin kha kan sorkarin a sum hman dan a transparency kha lang tlang ram a enkawl phawt kha chuan harsatna tam tak kan tawh hi sutkian theih a nih ka beisei a, chuvangin, tumah indem tur kan awm loh rualhn kan sum hman dan erawh hi chu fimkhur a ngai hle ani. Kum tinin 2004-2005 kan Principal Interest rulhna ringawt pawh hi crore tel a lo ni a. A tlangpui a principal leh interest kan rulhna ringawt pawh hi vaibelchhe tel a lo nih si chuan 2005-2006 a principal leh interest ringawt pawh hi vaibelchhe tel a tling leh dawn a ni. Pawisa kan puk a, a tha, kan puk tur phe chu a ni. Kan indaih lohna hre rengin kan puk tur ani, kan puk a nih chuan awmze neiin kan hmang tur a ni, kan hman danah duhsak bik kan neih danah te, duhsak loh bik kan neih dan ah te, a fel lo ani.

Chuvangin, he Bill hi a pawimawh hlein ka hria a, kan pawisa heti zozai mai a interest ringawt kan rul hi a uiawm ka ti a, lo lam mai maiah ka tawng ngaih lo lamah lo ngai lo ula, mi tute emaw kan duhsakna bikah chuan pawisa a tam a ni. Mahse, tute tan emaw chuan a tam lo ve tlat si a, he pawisa hi he sorkar ta ani lova, mipui ta a ni, leiba kan ngah leh a tuartu chu mipui tho a ni. Vawiinniah hianin kan leibat hi he Zoram mipui zawng zawng hian hre ta selangin, sorkar chu mualpho lo turah ngai ta ilangin. Engpawh nisela, Pu Speaker, vawiina kan sawi duh chu dan hmang a sorkar sum hman dan khuahkhirhna dan hi felfai takin nei ila tichuan, engkim mai transparency in kal ta sela, chutih hunah chuanin he kan sorkar pawh hian kan deficit tam tak sum leh pai kan indaih lohna thin pawh hi a suking tawh turah ngai ilangin a thain ka ring a. Kumin 2005 - 2006 a kan pawisa puk a interest leh a principal kan pekna ringawt mai pawh hi thatpuina tham a ni. Chuvangin, indaih lo dek dek a han puk tum zel hi chu a tha ber lovin ka ring a, a tawrhte pawh hi chak ilangin kan neihsa atlem emaw atam emaw fimkhur takin hman thiam dan zawng chho zel ilangin, la inzir chho zel kan ni a, he sorkar chelh lai mek pawh hi kum 6 emaw chauh sorkar a nik a, thil tam tak hriat loh a neiin ka ring. Mahse, kan hriat loh a chungah inzir chho zel ilangin pawisa te a awm leh kan hmuh hmasak apiang hi hmang zel lo ilangin vawiinniah

hian engzat nge pawisa kan neih han hriat maite hi thil chakawm tak a ni a, atam lua lo mai thei. Chuvangin, fimkhur takin he sorkar hi a kal chhoh a, tupawh lo sorkar selangin, sum leh pai hman dan economy thiam tak hi chu kan zir tur a ni hrim hrim a. Chuan Pu Chairman, a tawp ber atan chuan dan hmanga sorkar sum hman dan khuahkhirhna dan kan neih ve hi a pawimawh hle a, chuan Fiscal Responsibility and Budget Management Bill, 2004 hi he kan sorkar leh Mizoram tan hian tul leh mamawh anih tawh avang hian member puite pass turin ka ngen pui a ni e. Ka lawm e.

S P E A K E R

Pu H.Liansailova.

PU H.LIANSILOVA

Pu Speaker, ka lawm e. Hei, vawiina kan private Bill sawiho chungchangah hian sawi tur tam tak a awm thei ang a.

Amaherawhchu, sawi ngai lova kan hriat sa a tamin ka hria a. Tin, kan ngaihthlak tawh zawng zawng kha kan ring nghal a. A pawimawh vek mai a. Tin a sawitu zawng zawng sawi kha a pawmawm vekin ka hria.

A hmasa berah chuan, kan Bill rawn buatsaihtu, kan member zahawm tak Pu Andrew Lalherlian an hetiang bill tha tak mai kan mamawh rawn buatsaih a kan House-in ngaihtuah thei tura a rawn chhawp chhuah hi lawmawm hlein ka hria a. A dan lampangte kan thiam ve lova. Amaherawhchu, a bill in a tum leh kan mamawh nia helaia object and reasons chungchanga a rawn tar chhuahte han en hi chuanin a tu amahin hnial tur kan awmin ka ring lova. Hei hi kan ram mamawh pawh a ni a. Tin, kan ngaihthlak tak ang khan kan India ram Constitution lo draft-tute leh kan mithiam kan hnam hruaitu hmasate pawhin hei hi an ngaih pawimawh tak a lo ni zel mai a. Tihian kan han kal chho zel a, keini ramah pawh a tulna leh a pawimawhna hetiang Bill ang tak hian sawi lo mah ilangin eng circle ah pawh helam hawi zawng hi chu a sorkar leh opposition lam kan indem thu pawh nilovin, mipui leh intelligent circle atang pawhin kan mamawh a ni tih hi chu vawiina he bill kan sawi chungchangah hi chuan hnialna a awm ka ring lova. Tin, he kan Bill chungchangah hian kan zir nguna a tha zawk han phuah chhuah leh ngaihtuah turte chu a la awm thei ang e. Mahse, tun ami ang ang pawh hian kan ram mamawh, tin, kan tana la tha tur anih avangin han hman

ngawt mai tura kan lungtual tlan theih chuan hlauhawm tur chu a awm chuangin ka ring lova. A tha lam tur, tin, helai hi chu ala duhthawhawm deuh e tih emaw, hei hi chuan kan kal zelnaah harsatna mi siam sak deuh e tih a lo nih chuan a hun a zirin nakinah keimahni siam theih mai ani a, kan la siamtha ang a. Tin, a rules la siam leh turte ani a, Experience nei zawkte lehrawn tur zawkte hmangin kan sorkarin a rule te pawh tha tak a larawn siam ang a. Tuna a dan hi keini a ng chuan han zirchiang pawh ni ila, kan chhiar chhuak a chu chu a ni mai a. Experience a a chuti lo deuh ang a khati lo deuh ang a tia han sawisel tur pawh ka hre hauh lo mai a. Nichina ka sawi tak ang khan statement of objects and reasons lai atanga han en hianin hei hi chu kan ramin a mamawh, nakin zelah pawh kan la mamawh tur anih hi tih thuah hi chuan vawiinnia kan hotute lo thukhawm zawng zawng leh min ngaihthlatute. Tin, ram tana thahnem ngai ho zawng zawng hianin a that thuah hi chuanin ban min pharpui ngei hian ka ring a ni.

Tin, sorkar pui han kalpui hi chu a har hle mai a. Sum leh pai khawih a lo lian a, mamawh a lo tam a. Tin, nawrtu kan mipuiaht e alo tam a, chuvangin, corruption ah pawh hian a sorkar a han thut hi chuan a fel deuh tur awm a kan ngaih pawh kan han inhmufello ngawt mai deuh thin a. Tin a puh pawh kan inpuh mawh zui a. Hengte hi thil awmdan pangngai anih rualin kan sawi ang zawng zawng hi chu a dik lo thei a. Tin, kan inpuh ang zawng zawng hi chu adik lo thei a. Engpawh nisela, a pawimawh ber chu helai hmun atanga thiamthu sawi a, kan insawi fel mai emaw, kan inhnial chiam emaw hi kan ram tan hian kawng ro su tham tak tak engemaw chen chua nihna lai awm thei mahsela atha ber hi chu dan hmanga inkaih hruaina bawh hi niin ka hria a. Chuvangin, vawinah hian he dan kan ramin kan la neih loh chhawpchuah a a lo awm hi kan inkaih hruaina a tanah pawh a tha hlein ka ring a. Mimal tinte hi ven ngai vek kan nihna lai aawm a ni. Tumah vantirhko anga tha kan awm lova, venna hnuai a awm leh khuahkhirh hmanga enkawl ngai vek kan ni a. Chutah chuan a tha ber pawh hi a that lohna engemaw zat nei vek kan ni a. Chuvang chuanin langtlang te, tin, dana khuahkhirhte. Tin, bihchianna remchang insiamte hi a pawimawh dawn a. Chu chu he kan dan hianin arawn keng dawn niin ka hria a.

Tin, tunah kan sorkar leibat chungchangte hi kan sawi fo a, a tam hle tawh a. A tulna avangin kan sorkarin alo ba zel a nih rualin hetiangakan kal zel a, a tulna lam ringawt kan en hian keimahni State resources leh kan financial stability hi kan ngaihthuah a ngai hlein ka hria a. Nikum lamahte pawh khan kan sawive nel nual tawh a. Kan State Sorkarin leiba a ngah thu kan sawi rualin chu ai

maha pawimawh chu kan leiba kan hmanna tam ber hi revenue expenditure-ahte a lo ni a. Chuvangin, kan State asset hi kan liability ai hianin a let thum deuhthaw hian a thang chak tlat mai hi kan arrest thuai loh chuan a bat tam lama inpuha in auh khum ngawt nilovin, helai analysis ah khan kan ngaih tuahna kan hman a pawimawhin ka hria a. Tin, kan State in solvency position-te pawh hi 1.32 te pawh ni tawhin sawi ani tawh a. Chuti anih chuan solvency ah pawh kan chhe tawh viau tihna a lo ni a. Tin, kan gross domestic product chawhrualin one point-a a pun laiin kan liability hi a let 2 ½ deuhthawin a pung tih ani. Chuvangin hei hi a bat tam leh tlem thu a insawimawi emaw inpuhmawh nilovin kan ram hian a bat thuah pawh hian, a tulah chuan kan ba tur a ni a, mahse, kan mipuite sorkarna kan en lai leh a sum leh pai kan mamawhna lai tak en rualin kan liability pung zel tur hi kan State-in a do zawh loh khawp kan insiamte a hlauhawm a. Tin, Constitution Article 293 ah khan State pawhin borrowing ah hi chuan policy mumal tak neiin Legislature-in dan a siam tur a ni tih a bni a. Vawiinniah hian chu Constitution requirement chu he kan bill hmang pawh hian engemaw chen chu a rawn meet thei dawn niin ka hria a. Chuvang chuan, vawiinniah hian tha ka tih tlan a, a hun thuah erawh chuan a la hma deuh kan ti mai ani a. Kan Bill hi ka rawn support a. Pass mai kha tha ka ti a, ka rawn dinpui a ni, ka lawm e.

S P E A K E R

: Pu Rasik Mohan kha a phar rei tawhin ka hria a. Pu Rasik Mohan a kha i sawm ang hmiang. Nakinah kan Minister te chu kan la sawm dawnnia.

PU RASIK MOHAN CHAKMA

: Pu Speaker, ka lawm e. Hei vawiinniah Private Member Bill kan ngaihtuah sawi Ho mek 'The Fiscal Responsibility and Budget Management Bill, 2004 kan Member zahawm tak Khawzawl bialtu ina a putluh hi hemi Bill ina a thil tum leh a thatzia chu hnial rual a ni lova, a tha a. Session hmasa khan he Bill hi putluh ani a, kan en a, Central sorkarin a The Fiscal Responsibility and Budget Management Bill Act 2003 an pass nen khan kan in compare a. A section indawt dan zel hian sentence te, coma leh semi colon tih thlengin Mizoram leh India tih lohah hian State Legislative Assembly leh Parliament tih lohah hian a inang deuh vek mai a, Incident mak tak anih hi a ka ti a, a va inang em em ve, hetiang a in ang em em tak hi mak ka ti

deuh a. Mahse, hei nichina a sawi khan Training a a kal lain a collect niawm tak a ni a. Mahse, kha kha a sawi hma chuan han intehkhin chuan incident mak tak ni thei hian tuteah pawh hian ngaihtuahna a awm thei a. He Bill in a tum a thatzia nichina kan sawi tawh ang khan a ni a. Tin, ka hmaa member ten an sawi ang khan a tha lutuk a, thil tha ti tur chuan kan duh theuh a, kan duh rual rual hian kan duh luat tuk hian tihsual palh hi a awm thei zawk mah mah a. Chuvangin, fimkhur ngai thil thuaah la zirchian hi ngaiin ka ring a. A chhan chu Central sorkarin nichina ka sawi ang khan The Fiscal Responsibility and Budget Management Act, 2003 pass khan thil hrinchhuah a nei mek a. State sorkar zawng zawng ten India ram pumpuiah he dan anga Fiscal Responsibility leh Budget Management khami tih theih nan Reserve Bank of India pawh khan State Finance Secretary Conference kovin an ngaihtuah a. Tin, Working Group te hian an ding a. Khang ho kha vawinga lai an thutkhawm hnuah khan State tinte Finance Secretary te ngaihdan dil mek a ni a. He thil hi a pawimawh rual rualin fimkhur ngai anuh avangin State tam takin ngaihdan pawh a la sawi hman lova. North East-ah phei chuan tuman ngaihdan pawh an la sawi thei lovin an awm tih kan hria a. Khata tangin All India, Mizoram, mai nilo keini aia State lianpui pui, mithiam pawh ngah zawk tur a ngaih te khan ngaihdan pawh an la sawi theih loh lai hian keinin hetah vawiinnia hetia han pass thuai ringawt kha adik ber angem, a finthlak ber angem tih hi ngaihtuahnaah a awm a, helai member zahawm takte ngaihtuahnaah awm se atha mai lawm ni tih kha ka ngaihdan a ni a.

Tin, hemi rual rual hian Mizoramin a sum harsat vang te, fiscal management, financial management te hetiang kan Officer fel tak tak te pawhin Mizoram medium term fiscal reform programme te ang duanchhuah kha hman mek a ni a, khami hman vang khan revenue surplus pawh kan neih phah a. Tin, revenue gap grant kan hmuh loh tur a kan ngaih kha 2003-2004 ah khan kan hmu nghe nghe a nih kha. Chuvangin, he Financial Management hi tunah tak hi chuan tunhma ai chuan kan zia deuh tawh lawm ni tih kha ngaihtuahna min siam tir thei mai a. Hetianga kan revehue gap grant te pawh hmuh loh tura kan ngaih te kan hmu leh zel thei ta a, chuvangin hei hi ngun taka rual khai deuha ti thei turin kan officer thiam te nen State dang ngaihdan anga tih te kha lakkhawm a a hnuah felfai tak a siam a nakinah pass mai kha atha a. Tunah hi chuan a hmanhmawh deuh rup rupin ka hria. A chhan chu thil tih dawn reng reng hian a tirah felfai taka kan tih chuan a zatve ka tizo tluk a ni a, thufingin a sawi angin. Chuvangin atirah engemaw dik lo deuha tih chuahn khami siam chhung ringawt pawh khan hun ka khawhral leh ang a. Chu ai chuan felfai taka kan State ina mamawh bawk a, mipui pawhin kan mamawh bawk a. Chuvangin felfai takin zirchian hnuah ti ve ta ila. Tin, a

Bill move tu member hi a zahawm em em a, a tumna a tha a. Hetiang a nawr mai lo hian withdraw mai zawk sela a tha mai lawm ni tih hi ka sawi duh a.

Tin, helaiah hian kan la hriatchian loh nichina member pakhat Pu Liansailova em ni a sawi pawh kha hrechiang lo te ati a. Hrechiang lo chung a han pass mai tre chu a dik ber lova. Chuvangin kei pawhin ka hrechiang lo a ni a. Bill move tu hian khawngaihmin min hrilhfiah sela. Sub Sec. 5 of Sec. 17 of the Reserve Bank of India Act, 1934 hi enge atum? Enge a sawi? tih hi min wind up dawn khan min hrilhfiah sela. Helaiah hian hetiang hrechiang lo deuha zirchiang lova han pass mai chu adik ber love tih hi ka ngaihdan a ni e. Pu Speaker, ka lawm e.

S P E A K E R : Awle, hei kan chawhma lam hun minute 4 ang vel ala awm a. A sawi turin pakhat kan insawm leh ang nge ni ang? Kan chawl tawh rih ang? Awle, anih chawhma lama kan thusawi hona chu ka duhtawk rih anga, chawhnu dar 2:00 ah kan thukhawm leh dawn nia. Chawl rih ang u le.

2:00 P.M.

PU LALHMINGTHANGA : Pu Speaker, ka lawm e. Hei vawiina Private business (b) tura kan thu ngaih-tuah hmasak ber Khawzawl bialtu zah-] awm tak ina a rawn put luh, The Fiscal Responsibility and Budget Management Bill, 2004 hi nia, kan sawi tak ang khan Session hmasa lamah khan hei hi thehluh tawh a ni a. Hei hi kan ram leh kan hnam tuna sum leh paia a tlakchhiatna chhandamna tur atan kawng sial theih awm chhun niin kei ka ngaihdan chuan alang a. Chu chu kan Legislature Party ina ka thlir dan pawh a ni a. Engtizia nge ni kan Treasury bench lama mite khan kan la chiang tawk lo em mai an tih aw? Ka ti a, a chhan chu a bill a hi Session hmasa khan sem vek a ni tawh a, tichuan, engemaw chen kan kawl a, zir tur tan chuanin zir pawh a hun tawh viau niin ka ngai a.

Hetiang ang hian han sawi ta ilangin Pu Speaker, hei State puitling kan han nih khan 1937 ah mahni Budget State budget kan nei chho tan a tichuan keimahniah mahni budget central ina UT hun laia control ang ni lova zalenna kan han neih chiah khan mawhpurhna a rawn siam tam chho tih kan zavain kan hria ang a. Tichuan, kan Treasury Bench amite hian khatihlai khan Pathian khawngaihna leh Zoram mipui te malsawmna khawngaihna dawngin hneh takin sorkarna kha an han la a. Hei kan ngaih em em leh kan hriat reng thin, heta House Leader, Pu Denga kan zingah a awm ta lova, a ni khan sorkarna an keng chhova kum khat leh thla 8 vel an han sorkar anih kha. Amaherawhchu, khami tawpah khan kan han en chuan State piang tirta kanni a, kan indaih lohna kha 59 crore lai a lo tling chhova, chumi hnua kan han inthlang leh a kan Congress unauten sorkarna an han la chho ve leh a, 1980 an rawn hmu chho ta a. Khatah khan Central, sorkar pawhin kan State hi liabilities tam tak te nei lova, sum harsa lova kan kal theih a bul min tan sak a n chak em em a. Tichuan, one man Commission siamin khatihlaia kan ba ti mai ilangin kan liabilities leh kan deficit zawng zawng kha clean State ah Blackboard tharah la ziak hauh lovah tan teh u khai tiin 1981 ah khan chuan Mukherjee One Man Committee khan chumi hnawhkhah na atan chuan cheng vaibelchhe 72 a rawn pe anih kha. Chutah hun a lo kal chho leh a, 1982 ah chuan chumi ina daih loh deuh hreta kha short term loan-in tuna ka Prime Minister zahawm tak Dr. Manmohan Singh a hian 31 crore a rawn pe leh a, chutiang ang chuanin Central sorkar pawh hian kan State hi Financial Management thatak nei turin min duh a, duhsakna sang tak pawh an rawn lantir chho a ni. Amaherawhchu, keimahn State chhungah hemi Financial Management leh discipline keng chho turin engemaw Bill fel takte han siam a awm lem lova, kan han tih theih tawk thil a kha chu economic measure hrang hrang executive order a siam mai thin kha kan tih theih tawk a ni thin a. 1993 a kan Congress unaute nena sorkarna kan han siam tlan vele pawh khan khalaia kha Central sorkarin thurawn min peknaah chuan engemaw, a mechanism siam in State naupang a bul tantir tur inni a. Hemi phurrit leiba leh a interest pek leh hetianga angah hian include pui lohna turin a mechanism emaw siam theih innei lawm ni? tiin thurawn mi an pe a, ka hriatrengna a sual loh chuan, 1994 Feb. ni 10 ah khan chutiang ang instruction chu kei pawh ahminga Finance Minister ka nih lai khan Department tinah kan issue a, Economy measures ah siam tur tein ka inti a, tichuan hun a kal chho zela tunah hi chuanin hei hemi Statement of Objects & reasons a kan han hmuh ang hian kan State finance-a kan hmuh ang hi thlaphan thlak awm tak meuh ta a. Kan leiba tlingkhawma hi tuna kan Budget han present atangte leh kan nikum lama statement atang tea kan han enin kan annual budget ai hianin kan sang zawk fe maia tih hi a learning position ani tak tak a. Tuna sorkar tena titha em

em a an han insawi a, hmun tinah kawngpui sial chhuah a ni a. Building tha tak tak te tunhma ami ang lo kha a rawn ding ta e tih a an rawn sawi ho tam tak a hi chu, anihna takah chuan kan State Budget atanga kan tih ni hauh lo, India sorkar ina hemi ram pumpuia rural development te a rawn uar chhoha chumi policy central Budget atang zawka direct funding an rawn tih atanga kan dawn a ni a, hengte chhuan tur anih lai lai hian a rulling party tan pawh a sorkar tan pawh hian thlamuanna tur a ni lova, Central ina an rawn ngaih pawimawh em em hi chu, Mizoram hi India ram State zawng zawngah National Boundary ngah ber mai kan ni a, Myanmar leh Bangladesh inkarah hian bottle thawh luh ang deuh hlekin kan awm a, tichuan ka boundary za zela 75 hi hmelma tena rawn beih theihna maiah remchang anih tlat avangin heng infrastructure development a hi min ngaih pawimawh puia hetah hian nasa takin North East State dang te ang bawkin min rawn pe a ni a. heng ho ah hian kan thinlung kan nghaha development chu akal tha tho alawm hetiang anga financial responsibilities te leh management tha zawk siam ngai dinhmunah kan ding hlei nem, tuna kan dinhmun ang leh kan awmdan kan in enkawl dana hi a tha tawk a ni e, ti ang zawng a kan pawng ngaih ngawt hi chuan, kha kha chuan a mual pum theihin kan theih dawn tih alang chiang em em mai a ni.

A Bill neitu ina introduction a rawn move a, a sawi ang khan hmanah April 8, 1999 a khami down seizing agreement kan ti mai ang a, kan sorkar, a bik takin kan Chief Minister leh Central sorkar ina agreement te an han siam pawh khan keini opposition lam atang pawh khanin hetiang ang em em lo deuh hian keimahni economy measure hi siam ilangin tichuan an nina direct a Central atanga min rawn control-a post te pawh siam hlei thei lo tin, pension hmunte pawh dah khah theih loh tin, vanduai thila thihsan hmunte pawh compassionate ground-a dahkhah theih loh chutiang ang khawp leh kawng hrang hranga heti laia inhrek ngai lo hianin keimahni zawk hianin thiltih dan tur zawn a tha lawm ni tiin nasa takin kan sawi a. Khatah khan kan Treasury Bench te pawhin tuna kan House Leader zahawm tak ho hian a hei hi chuan chuti takin min kam lovange, kan thanmawh bawk ani lo ang e tiin an ti a. Mahse, hei hun an kal zel a, Financial Management thazawkte kan nei chhoh si loh avang leh tin, responsibilities han fix tura thil kan tih bawk si loh avang hian tunah hi chuan thangtharte tan chuan hnathawh turte a lo vang ta em em a, privatisation kan policy-a kan neihte pawh chu tihngaihna awm chuang si lovin a hming chauh kan lam a, chutiang chuan, kan ramah hian chhungkaw tinreng hi engemaw sawrkar zar zo thei zual bik tih loh hi chu retheihna leh harsatna hian min luhkhung a ni vek tawh mai a. Zoram mipui hi kan rum takmeuh a ni.

Chuvang chuan he Bill hianin thil tha tak tak rawn ken a nei a. Hemi a clause 3 naa 'Physical policy statement to be laid before Legislative Assembly' an tih lai takte hi ..a.. zuk tha em em lai chu a ni ta a. Hetah hian The Medium term physical policies statement te, The Physical policies stragies statement te, tin, The mug grow economic frame work statement te; hei hi compulsory a House a introduce turah tunhma kan tih ngai loh kha rawn siam chhoh a ngai dawn ta a. Hei hian kan dinhmun hi Chiang takin hetah member te min hriattir a, tin, kan Rulling Party te pawh tanpui turin khatiang anga hriatna kan lo ngah kha chuan a Opposition lam atangte pawhin nasa takin kan hrut, ke kan thawh ve thei ang tih a rinawm a.

Tuna kan kal danah hi chuanin thim kan arkhawthindai tlat ani. Entirnan, hemi "The Mug grow economic frame work statement" a tih tak te phei hi chu a pawimawh leh zual em emin ka hria a. Kan project leh a kan investment siam tam tak a hi rah chhuah reng reng lo tur ani deuh vek a ni tih kan experience atang khan a lang tawh a. Hei, tunhma lam kum 15 kalta chung khan Mini-Hydel Project atan te hian 17 lai take-up a ni a. Chu chu a expenditure kan han en chuan 150 crore a in a tam a, amahrawhchu, chu chuan rah a chhuah lova; chuvang chuanin kan ramah chuan khatiang ang infractous rahchhuah lo expenditure kha a tam em em a. Entirnan, tunah te pawh example atan han pe leh ta ilangin hemi Piggery Village kan han tih Kawlkulh ami te, Sairang ami te, Pukpui ami te angte pawh hi a investment lam kan zuk en chuanin a tam viau va, hmannah khanin Pukpui hi ka va zawt Chiang mai mai a, Lunglei ka kal khan. In 62 atangin In 27 in vawkte an la dawng lova. November thla khan chungkaw 60 hi an la lut tawh si a, tichuan vawkte dawng awmchhun pawh khan pakhat an dawng a chuan, inhlawhfakna kha Pukpui khaw tana rawn kal kha pek anni bawk si lova, chungkaw 60 hi an lut tawh bawk si a, tui a hawng si lova, electric a eng bawk si lova, tichuan kut an dawh lo chauh a ni mai a. Chutiang ang chuanin hetiang ang sorkar policy leh a thiltum tin, a tih lai meka te pawh kha Chiang zawka a financial achievement te leh a physical achievement te heng ang statement te leh a policy kalhmanga kha Chiang zawka House-ah hian a rawn put luh anih hi chuanin kan discussion atang khan eng project te hi nge ni rah chhuah loh tur ti hektu ringawt contractor tihhlawkna mai tur tihte kha kan zuk hrechiang thei ang a. Tichuan, kan pawisa kalhmang a pawh kha responsibility te pawh khatah khan a implementation a tidiklo tute hnenah chuan fixed theih a lo ni ang a, hrisel zawkin a kal ang tih a rinawm a. Chuvang chuanin, he bill hi engngeni atharlam lutuk a, la ngaihchang rih ila, tih ai chuan thil tha na na na hi chu a ti hmasatu hi ni ila, Central sorkar ngeiin a tih tawh bawk avangin, chuvang chuan, kei, kan rawn support a, keini Legislation Party hi chuan vawiinah hian pass ngei ila tih kha Pu Speaker, kan rawn ngen a ni e, ka lawm e.

SPEAKER : Pu Lalhlengliana hi chawhma lam khan a phar a, a phar tawh lo deuh em ni? Khawngaihin, kan hriattlan tura chu Private Member business niah hian dar 4 hi kan pel ngai lo kha ani a, a sawi duh tur kha chu han hmanhmawh deuh hlek kha atha ang a. Tin, kan hun theuha pawh kha kan vawn dik a tha ang e. Pu Liansuama.

PU LIANSUAMA : Pu Speaker, Ratu bialtu MLA zahawm takina a sawi ang khan helaiah hian Bill tha tak te Resolution tha tak han phawrh chhuahte pawh hi a inchhirawm lek lek thin a ni. Mahni sorkar infakmawina velte pawh kan pulut duh zel anih laia hetiang khawpa a dan tha a pass duhlo awm hmel Rulling Party lam a a lang mai hi a zialo ka ti hle mai a, nikum November thla khan he dan hi a lo lut tawh a. Tin, chubakah chuan a puluttuin a sawi angin, Central pawhin tul ati a, anmahni leh anmahni in-control leh insiamthatna atan a pulut taw a, hman mek a ni a. State changkang zawkte pawhin he debt trap ah hian luh an hlahu avangin he dan hian an inphuartir tawh a, keini pawh chutianga lut tep kan nih avang chuan Khawzawl bialtu MLA zahawm tak hian Central dante pawh enin Mizoram tana remchang tawk awmin a rawn pulut hi tihawm ngawih ngawih a ni a.

Tichuan, nichina kan ngaihthlak tawh ang khan nikum July thlaa Saitual bial MLA zawhna sorkarin a a chhannaah khan kan ba zawng zawng nuai 2145 a nih chungchangthu te a rullhna tana kum khata kan senso tamzia te pawh kha kan hmu a. Tichuan, tunah hian hmun hrang hrang atangin Loan kan la a, LIC, atang te HUDCO atangte Power Finance Corporation leh NABARD atang te Government of India Loan chi hrang hrang tin, chubakah chuan Non-Lapsable Pool Fund of Resources kan tih kan hmuh rual pawh hianin Loan a tel ve zel a. Tichuan Loan hrim hrim hi a thalo lam ni lovin Pu Speaker, Session hmasa pawha kan rawn tarlan Minor-Irrigation tana Loan lakte kan hman leh kan chai duh dan atang khan inven chu a tul ta hle mai a, cheng vaibelche sarh leh nuai sawmriat central-in Loan min pe a, Minor-irrigation atan za zela sawm kan han eiru tawrh mai te, han ngaihtuah khan Loan la zel tlak kan ni em tih hi ingngaihtuah a ngai nasa a ni. Chuchang chu a ni lova, NABARD Loan lain Minor Irrigation hmun tam takah kan ramah hian hma kan la a. Anih loh leh chungte chu kan loan lakna leh Mizoram mipuite hian hei hi NABARD loan laka irrigation kan siam a ni tiin min kawhhihuh ta selangin

Kan ei leh bar intodelhna kawngah hian hma min sawnpui chiah ang em ? Chung zawng zawngte ngaihntuah chuan kan ram hian loan lak hi kan tuipui viau lai hian a hman zelna tur kan siam thiam viau a nih loh chuan he loan hian min la uaithlu ngei dawn a ni.

Small Hydel Project ah pawh vaibelchhe za tam, 150 chuang lai kan lo hmang tawh ani awm e. Chungte pawh chu Session hmasa khan ka sawi tawh a, tuntumah pawh hian ka zawt leh a. Teirei Hydel Project 3 MW lai thawkchhuak thei kan han siam ve te chu mimal hnenah kan hlan ringawt mai a. Kan hmang tangkai dawn emaw tih lain, income generate tur emaw tih lain generate a hnekin mimal hlawknaah a kal ta daih mai a. Chuvang chuanin Pu Chairman, helaia kan dan hi lo nei ta ila, kan ram kaihhruaina atan kan budget leh fiscal responsibility, kan mawhphurhna tak tak min kaihruaituah he dan hi han hmang ta ila chuan kan ram tan leh vawiina a ruling, kan hruaitute tan pawh hian a van tha dawn em. Chuti ni lova, thimthama hetia kan kal zel chuan thangthar lo kal zel turte tan leh sorkar lo la kal zel tur tan leiba rulh sen loh keini ho hian kan nei dawn a lo ni reng mai a.

Hei kumin kan budget pawh nimirah kan Finance Minister, Chief Minister nibawkin a rawn pharh atang khan leiba kan rulhna tur kha a tam em em leh pek a. Leiba hrim hrim, loan hrim hrim hi a chhe ngawt lova, a hmandanah a ni. Heng Loan kan hmandan te hi kan en chuan LIC atanga Housing loan kan lakte HUDCO atanga Housing loan leh thil hrang hrang kan lakte angte hi kan hmandan kan en hian a dik lo nasa em em a ni. Nikum hmasa lam daih tawh khan LIC loan vaibelchhe 40 chuang kan la a. A hmutu te hnena kan semchhuah leh nghal mai loh avangin kan sorkar hian a principal leh a pung kha kan rulh ngat ngat angai a. Tunah hian a dawngtu tur sorkar hnathawkte hnenah pekchhuah turin list chu a inpeih tan mek tawh a, atak taka semchhuah a la nih loh avang hian LIC ah chuan a principal rulh ngai tawh baw, a interest rulh ngai tawh baw, kan budget a pawisa kan hmuh tur atang hian heta LIC loan tur ten an hmuh hma khan mipui chanai atang hian rulh a ngai ta ngar ngar mai a ni. NABARD atanga loan kan lakte pawh chutiang zel chuan a ni.

Irrigation-ah kan thlai thar leh buh thar hi tam chuang si lovin budget atanga a rulhna siam lehzal a ngai si a. Chung zawng zawng control-na tur atan chuan vawiinnia Khawzawl bialtu zahawm takina Bill a rawn putluh hi nei ilang chuan, loan la tho siin renchem takin, tangkai takin kan hmang dawn a lo ni a. Loan lak hrim hrim hi a chhia ni lovin fiscal management, budget management hi a pawimawh em avangin heta tan hian tan min lak tirtu a tan he dan hi a pawimawh hle dawn a ni a.

Tin, budget-ah hian, a thuin kan han pass chho leh dawn chu a ni a. A tak taka a lokal hunah chuan loan component tam tak a awm leh dawn a ni. Chu loan component lokal leh tur chu engtinngan kan hman dawn. Helaiiah hian Pu Chairman, ka sawichhuak ve fove, Engineering Department thenkhat hi chuan performance budget an rawn siam thin a, a tha khawp mai. Amaherawhchu, development department tam tak hi chuan an rawn siam ngai huah lova. Helaiia MLA budget session a thu sawiturte pawh hian Agriculture a ni emaw Horticulture a ni emaw Industry a ni emaw pawisa kan pass turah khan loan engzatnge awm a, engthawh nan nge tih hre miah lovin kan pass leh dawn chu a ni a. Hetiang hian kan kal rei tawh hle a ni a. Pu Chairman, he dan hi lo piang sela chuan helaiia ram tana thusawi thi tute leh budget pass thin tute hian kan pawisa hmanna tur chiang takin kan hria ang a, a lo hawna hnar kan hria ang a, loan engzatnge kuminah Agriculture in a lak, minor irrigation ah engzat tur nge, Industries ah loan engzat tur nge, Power Department in loan engzatnge tun budget kan pass turah hian kan hmuh, chung chu khawiah nge hman a nih dawn tih fel takin kan pholang tawh ang a. Chung zawng zawng nen chuan budget pawh hi kan han en rem chuan nasa takin kan ram tan a tangkain corruption hi kan nekchep dawn a lo ni reng mai a.

Chuvang chuan Pu Chairman, he dan tha tak hi vawiinniah hian tikhawtlai lova pass phawt mai hi a pawimawh hlein a lang ani. Keini heti lama i veilam a thute chang hian tha kan ti ani lova, dinglama thute hlei hlei hi tha titu niin chumi ang dan a lo pian hma pawh chuan Central sorkar nena Memorandum of Understanding (MOU) lo sign tute an ni. Chuvang chuan chawhma lamte a kan ngaihthlak tawh ang khan he dan hi han nei phei ilang chuan kan State hi State entawn tlak a kan din chhuah chhoh theihna tur atan a pawimawh em em a ni. Chuvangin Pu Chairman, he ka dan hi sawinawi lovin pass thain ka hria a, keini i veilama thute hian kan duhdan chang nilovin, i dinglama thute pawh hianin a hma lutuk deuh ve an ti chauh niin a lang a, ahma lutuk love Parliament te pawh nikum hmasa lam daih tawhah pass in an lo hmang tawh a ni a, i hmang ve tawh ang u kan ti a ni. Chuvangin, kan zavaia pass turin ka rawn thlawp ve a ni e. Ka lawm e.

**PU S.HIATO
CHAIRMAN**

**Pu Rinchhana khada phar a, i lo sawm
ang.**

**PU LALRINCHHANA
MINISTER**

Pu Chairman kan lawm e. Pu Andrew Lalherliana, Khawzawl bialtu Bill kan han ngaihtuah ho hi lawmawm ka ti hle a. A thahnemngaihna leh hmalakna ka thlir hian ropui ka ti a. Term hmasa khan Bill engemaw zat kan buatsaih a, Official kan mithiam te chumi te hmachhuana kan siam chungin Bill siam a har zia hi hmuin ka inhria a. A ni khatiang neilo chung a hetiang ang bill a rawn siam thei hi ropui ka ti a, lawmawm phawh ka ti a. A thahnemngaihna ropui ka tiin lawmawm ka ti khawp mai a. Tichuan, he Bill hi India Central sorkar atan chuan a tha a, pass aw h an pass a an practice baw k a, tha pawhin an hria a, tangkai pawh a tangkai a, amaherawhchu, Central tana a tangkai ang hian State tan hian a tha ve angem tih hi India sorkar pawhin Central tana a tangkai ang hian State tan hian a tha ve angem tih hi India sorkar pawhin Central sorkar pawhin an ngaihtuah a, Chumi avang chuan State sorkar hrang hrang te hi he thil hi in State atan pawh hian a tha lawm ni? Raw n zir teh u, in ngaihdan pawh raw n pekhawm teh u tiin. Tunah hian State tin te Central atangin min raw n a, chu chu State pawhin an zirlai mek a ni theuh a ni. Kha kha anih avangin he Dan hi State pahnih khat bak lo chuan tuman an la practice lova, an zir chho a ni. Tin, an sawi tawh ang khan hemi North East-a State te phei chuan tumahin an la pawm lova, kan la ti lova, kan la zir mek ani. Tin, he zirnaah hianin sorkarin min raw n tihna hi tha nia hriattlan anih phei chuanin sorkarin hemiadopt tur hian Bill a raw n pulut mai tur ani a. Chu chu ka hmabak ani reng a ni. Amaherawhchu, chutianga zir mek a nih lai chuanin he Dan hi tha viauin lang mah sela, kan State tan hian tuna han pass rum rum hi a tha ber em ni? Kan zirlai anih avangin hei hi chu a hunbi kan en hi a tha lo maw tih erawh chu kan ngaihdan a ni lo thei lo a ni.

Tin, he Dan kan han sawi hianin mi tam tkain leibat chungchang kan sawi a, leibat tam hi check-na tur ang zia zangin kan sawi chhoin ka hria a, leibat hi kan hmamnain a zir loh chuan, leibat tam hi a hlauhawm reng a ni. Amaherawhchu, miin hma a sawn dawn chuan ama neih pangngain a thlir si loh chuan leibat tam tak a la khawm a, chumi hmang chuan dinhmun a siam a. Chu dinhmun atanga thawh chhuah hmang chuan leiba a rul leh a ni. India sorkar pawhin kum 50 tel development buatsaihnan khawvel ram hrang hrang atangin pawisa a tam a tam leiba a huilut a, loan a la a, tichuan India Ram infrastructure development atana pawimawh a siamfel hnuah production neive taw k khata a inhriat hnuah hetiang hian financial management a buatsaih chho ta a ni. Tunhma a tih ang khan khawvel ram dang atangin pawisa hnuk khawm lo ta se, ama neih ringawt chuan tun ang dinhmunah hian a in hlang thei lo a ni.

Chu chu a nih avangin lei batna tur azawnga lei a ba a, mahse, chu a pawisa puk hmang chuan Ram Development a siam a ni. Mizoram pawh tunah hian leibatna tel lovin kan Revenue leh Central puihna ringawt in kal dawn ta ila, kan economic leh ka ram dinhmun chawikanna tur hi a tih theih loh. Sum tam tak kan hai lut anga chumi hmang chuan kan ram development siamchhuahna tur hi kan siam ang a, chu chuan rah a chhuah chho ang a, kan inti changkang ve dawn a ni.

Chumi atan chuan leibatna hi kan buatsaih chho ani. Pu Chairman term hmasa lamah te tunhma Ministry hmasa lamah te pawh khan Ram tana hlawkna turah chuan min leiba an neih tam phei chuan an ram tan a hlawk a, leibat tamna hi hma sawnna in siamna bul a ni ti te pawhin kan hotute pawn an ko anih kha. Vawiiinniah pawh kan ram in hma a sawn tak takna tur chuan kan neihsain a tlin si lova, chuvang chuan Industry te thil chi hrang hrang a kan ram a kan tih ve a, kan intodelh dawn chuan mi kan hnena investment rawn ti ngamtu te laka sum kan puk hi kan tihtur ani. Hemi tello chuan kan Ram development hi kan siam thei lovang. Tunah pawh term hmasa atangin he Ministry hianin chumi atan chuan scheme engkim a siam a, central atang mai nilovin World Bank te leh hmun hrang hrang atangin loan lakna tur a buatsaih a, chung hmang chuan kawng hrang hrangin kan inbuatsaih a. Sorkar hnathawk in leh lo nei lo te pawhin in leh lo an neih phah a. Tin, kawng tha ka neih lohnaah heti khawp hian kawng kan lai chhuak a, thingtlang hmun kil tinrengah Jeep kawng phei chu a thleng deuh vek tawh a. Motor lian kalna pawh a tam berah hian a thleng tawh a. Chu mai nilovin Agriculture link road lamin heti khawp hian kan buatsaih a ni. Hemi atang hian he kawng hmang hian kan ram kilkhawr zawk a hausakna kha la chhuakin chu chu kan ram sum hnarah kan siam chhuak ang a, kan ram economy kan siam dawn a ni. Chutiang zel chuan Electric tam tawk kan siam theihna tur te tui tha tawk kan neih theihna tur te mihnring changkang zawka kan khawsak theihna tur te, kan ram in hma a sawnna turin sum leh pai tam zawk kan mamawh chumi avang chuanin hetiang hian huaisen takin mipui hmachhuanin leibatna te pawh kan buatsaih a, chu chuan ram hmasawna pawh hi hei heti khawp hian a buatsaih chho a ni.

Tin, he sum leh pai kan hmanna kawngah hian mi pawhin rin tlakin mi an ngai a, Central sorkar pawhin rintlakin mi an ngai a, pawn lama mi te pawhin rintlakin mi an ngai a. Sum leh pai tam tak loan hmanga rawn invest hi an ngam a ni. Chuvang chuanin Mizoram sorkarin sum leh pai management a buatsaihna hi India sorkarah pawh khuan State dang sorkar hotute hnenah pawh Mizoram hi entawn rawh u ti khawpin Prime Minister te Home Minister te pawhin an sawi a

ni, Finance Minister te pawhin. Chuvang chuanin kawng engkimah chuan atha vek lo, kan thavek bik lovang. Amaherawhchu, a tlangpui thuah erawh chuan India ram State ah pawh hian Financial Management ah pawh Mizoram hi an fak ber te zingah kan tel ani. Chu chu anih avangin Pu Chairman, vawiinnia Mizoram hmasawinna tura sum leh pai run bakah loan hetiang kan lakna hian kan ram hmasawinna nasa tak hi hei hian a bul abuatsaih a, chu chuan ram hi intodelhna ah mi a hruai lutin nakinah chuan ka leiba hi rulhna tur chance arawn hring chhuak dawn a ni. Chu chu anih avangin loan kan lak kan leiba tamna check-na tur ang zia zangin heng thil te kan han sawi hi chu a dik chiahin ka hre lo. Engpawh nisela, mihring hi check ngai nihna chin chu kan awm vek. Chu chu anih avangin hei pawh hi India ram pumpui tan Central sorkarin tha a ti a. Chuti anih chuan State tui tan hian a tha em tih hi kan zir a, reiloteah kan zir chhuak ang. Amendment siam ngai anih chuan siam a, amendment in emaw kan la apply tho ang. Chung hun chu kan nghah peih phawt a ngai. Tuna keini State naupang ber leh thil chinchang la hre lo ber ina kan rama lo siama hetiang lo buatsaih hmasak hi kan tih tur a ni lovang a, ka zir chian a ngai, sorkar pawhin a zir chian hi i nghak phawt ang u tih kha vawiinniah ka House hian in kan kalpui dan tur niin ka hria a. Chu chu kan sawi ve a ni e.

PU S.HIATO
CHAIRMAN

: Pu R. Lalzirliana.

PU R.LALZIRLIANA

: Pu Speaker, ka lawm e. Vawiinniah Khawzawl bialtu zahawm tak Pu Andrew Lalherliana'n Fiscal Responsibility and Budget Management Bill helaiah a rawn

pulut hi a ropui ka ti khawp mai a. Kan State hi State naupang pawl mah ni ila, a lehlamah kan duhnaah chuan kan thang duang ber thu te, development a kairual ber thu te ka sawi thin a. Amaherawhchu, tuna ka hmaa Minister zahawm tak khan State naupang, chinchang engmah hre mang lo ina han hman mai chu ti ang te pawh khan a han sawi leh kha, mahni inrintawkna kan nei lo hlein ka hria a. Engpawhnise, he Bill hi kan MLA thenkhat ten "Central Bill entawna a wording leh engkim hi a ngai deuh reng a ni lawm maw ni le?" kan han ti te pawh kha, chutiang chu lo ni pawh ni selangin Central Bill hi a tha a, an pawm a, an hmang a, an ti mek a ni a. Chutiang ang bill zu la chhuak peih leh hriain a thatzia a hria a, kan hnam hian/kan ram hian hetiang hian ti ve ang u, a ti hi a ropui ka ti a, a taimakna ringawt te, kan hnam ina State dangte zui hne hne ni lova, a

hmahruaitu ni zawk tura North East-ah pawh he Bill hi i han la lut ve teh ang, i han hmang ve teh ang ti a a rawn pholang peih hi a fakawm ka ti khawp mai a, a ropui ka ti a ni.

He Bill hi pakhatnaah chuan corruption dona atana hmanraw pakhat tur a ni tih hi sawi zau ngai vak lovin a chiang sain ka hria. Kan Bill han sawi leh tur Right to Information kan tih te nen hian chikhat deuh anga kal thei niin a lang.

Tin, a pahnihnaah chuan, sum tam tak kan nei a, kan ram hian Central atanga kan dawn hi a ta a ni. Mahsela, chu chu a tul lovah kan hmang nasa em em a, chumi khuahkhirhna tur chu ani. He Bill ti lo pawh hian sorkar ang pawhin fiscal management chu kan ngaihtuah a, he sorkar pawh hian nasa takin a ngaihtuah a ni. Tunhmaa ka thiltih thin, kan chin thin, kan lei thin te pawh kha khuahkhirhna a siam a ni. Chumi rawn support tur chuan he bill hi vawiinniah hian rawn put luh a ni tih hi a chiang hle a ni.

Pathumnaah chuan, atul lova sum tam tak khawhralna, tuna ka sawi ang khan, adanna tur tak tak bill a ni a. Vawiinniah hian kan sorkar hi insolvent government a ni tep tawh a, a nih lohna kha tlemte chauh a ni. Chutiang ang chu Solvent Government ni reng thei tura awareness min rawn pe tu, he bill hi ani tih kan chian a pawimawh hlein ka hria.

Tin, Budget Management tih chungchangah kan Minister ten Budget kan han passed a, Department tinah kan han hmang a, hengte hi kan duhlam hawi hawia kan pawh pen thinna te dangtu tur an ni dawn a ni. Vawiinniah hian kan sorkar hnathawk tha tak tak leh fel tak tak ten hetiang anga pawh pen hi an duh lo. Amaherawhchu, Dan tan chhan tur fel tak helai bill kan passed chuan an nei tawh dawn a. Chutiang an la neih loh avang chuan Minister te hlahu avangin an duh dan anga kal kha angai mai thin a. He Bill hi nei ilang chuan chung zawnzawng chu a vaia a bo thei lo ani pawhin a chanve tal hi chu a bo ngei ngei ang tih ka ring a ni.

Ka hma ami ten an sawi tawh ang khan heng Housing Loan te, sorkar hnathawk ten a an puk tur te, Normal Housing Loan kan tih rulh leh tur a te, LIC atangin kan han la a, kan han lak atanga thla lehah chuan puk tir ila, a return kha aawm nghal tur a ni. Amaherawhchu, Dan mumal kan neih loh avangin vawiinniah sorkar hnathawk hlawh atana ka pek vek te hi heng hian a dal thei dawn a ni.

Chutiang ang chu bill tha tak ani lo thei lova. Hei kuminah hian kan Chief Minister zahawm tak speech ah te, Governor speech ah te khan Housing Loan 400,00,000/- kha 2004-2005 ah kan sem tawh tih a ni a. Engtiklai tehreng khan nge maw ni in lo sem thin ni? Keini Opposition lam hi chuan in sem lai te hi kan hre reng reng lova, in sem tawh anih chuan in sem lai te hi hriat ve awm tak a ni a, in la sem lova, khata in rawn sawi mai a nih phei chuan Dawt/Thudik lo in speech ah khan in rawn zep tihna ani dawn a. Engtiklaia sem kha nge ni tih te pawh hi min hrilhfiah ula ka duh khawp mai. Ka hre ve lo pawh a ni mai thei a, kan beng hawng lo deuh te pawh a ni mai thei a. Amaherawhchu, in sem lai a kha hriat chu a tha khawpin ka hria a ni.

Hei C & A.G. Report 2003 ah khan, tun Session tawp lamah hi chuan kan hmu leh in ka ring a. Hei ai hian a tam ka ring a. Tul auh lova kan thil lei C & A.G. pawhin an rawn hmuh chhuah a kha nuai 4779 hman lai a ni tih kha kan hmuchiang hle ani. Hei hi dawt a ni thei lovin ka ring a, ka phuahchawp mai leh ka rindan a ni lova, C & A.G. Report ah khan a lang reng a ni. Chutiang chuanin khawi khawi nge ni? kan ti anih chuan, a tul lo tawpin ek In (toilet van) te kan han lei a, Department tam takin kan lei a, eng hi nge ni kan lei chhan hi wawiinniah pawh hian kei chuan ka la hrechhuak reng reng lo ani. Tun tumah hei ni hnih/khat lek Session kan han nei a, ka zawhna chhannaah ringawt pawh khan ek in (toilet van) hi tul hauh lova sum kan khawhralna ah chuan Health Department ah leh Home Department ah ringawt pawh hian cheng vaibelchhe 1,83,30,000 man ngawt a ni. Heng te hi tul miah lova sum kan khawhralna ani, he Fiscal Management Bill hi nei ilang chuan hengte pawh hi a khuahkhirh ve thei turah ka beisei a.

Tin, Kel pal (Goat proof wire) kan tihte Transport Department ah te, Police Department ah te kan lei vak vak ang chi te, tul reng reng lo a ni. Vawiinniah Kel kan vulh reng reng tawh lo, kan hlau leh hnahnawh, Sazu ka han hlau leh ang deuh hian kel sik huai te hi an awm ta nge ni a, an ki ah te hian tur a lo awm ta nge tih pawh ka hre lova. Chutiang ang chuan kan hlauh hi a mak leh ta em em mai a. Chutiang chuan tul hauh lova kan lei Mawza tih te, Torch light lem te, Bullet Proof an tih te, kan Home Minister chuan wawi khat chu a ha chhin tawh khan ka hria, hak chhin mang loh heng laia han tih chi, tunah phei chuan 3rd Bn. ah khuan ek In kalkawngah an phah ringawt an ti a ni. Khatiang angte kha kan thil lei ani a. Vawiinniah Bill kan sawi ang hi lo awm tawh chu ni sela chuan a khuahkhirh theih ka ring a, ka hma ami Minister zahawm tak khan a rawn sawi a sum puk te pawh hi, changkanna chu ani bik lova, mahse, sum kan puk loh chuan kan sorkar kan pachhe si

a, a rawn ti a, dik ka ti a. Mahse, hei hi ka hriat atha khawpin ka hria a. Tuirial Hydro Electric a tam khuan vaibelchhe 400 Japan tangka kan puk a. Khungte khu, sum lo haw leh theihna tur rotling siamna ani, amaherawhchu, rotling kan siamna turah khan engnge ni kan ngaih pawimawh ber tak le, kan ngaih pawimawh ber tak mai chu, kha ti lam hnathawh Electric pek chhuah thuai thuai theih ngaih pawimawh ai chuan he laia dik lo taka sum siam, compensation kha ani lawm ni kan ngaih pawimawh ber zawk. Khatiang avanga sum puk, a return pakhatmah awm si lova, chu chu a lawm ka duh loh nichinah kan hria a, kan Chief Minister zahawm tak unaute chuan vaibelchhe khat chuang sum lak tur compensation a Teak pakhat pawh phun si loin a nei tih ka hria, Session hmasaah kan sawi tawh. Chutiang chuan turhna a kan Revenue Minister unaute chuan vaibelchhe khat chuang sum lak luh tur an insiam leh tawh, sum hi puk vak vak lo ang u, a tulnaah kan hmang si lo, a tulnaah chuan hmang ila sum puk hi a pawh kan ti hran lo e, lo ba pawh ni ila, amaherawhchu, Housing loan ringawtah pawh vawiinniah hian sorkar hnathawk hlawh ah inhmang zo vek a, in sem thei lova, tunah hian in ti chhuak tan kha lmi chung khan engzatnge sorkarin vawiinnia a puk le? Kei leh michhe ber pawhin helai kan budget atangin kan tuar leh dawn a ni, kha kha alawm kan duh loh chu Pu Chairman, ka lawm e.

**PU H. RAMMAWI
MINISTER**

: Pu Chairman, a hmasain he bill Fiscal Responsibility and Budget Management Bill, 2004 kan member zahawm tak Khawzawl bial tuin a rawn duang chhuak a, Central Act guide act a rawn hman a, hetiang bill he House a sawi turah a rawn duang chhuak hi a lawmawm ka ti a. A mumal tak entawn tlak niin ka hria. Legislator kan ni a, dan siam hi kan hna pui ani tih hi ka hriat rual hian dan siam hi a har khawp mai a. Private member bill hetiang ang a a rawn duang hi lawmawm ka ti tak tak a. A hmasain lawmthu kan member zahawm tak hnenah hian ka sawi duh a.

Pu Chairman, he bill Fiscal Responsibility and Budget Management Bill hi Central ah khuan kum 2003 7th May ah khan Lok Sabha in an pass a. 29th July 2003 ah khan Rajya Sabha in an pass a. Tin, India President in 2003 August 26 ah phalna a pe a. Tichuan India ramah bill thar hetiang dan hi ka lo nei ta a. Kum 2003 chu nikum hmasa a ni mai a, keini Mizo kum chhiar chuan, financial year ang phei chuan nikum a ni mai a, a rei lo a ni. Vawiinnia he bill dungzui ang a Mizoramah kan Assembly Session Hall-a sawi na kan nei thei hi kan mem-

ber zahawm tak thahnemngaihnaah ka ngai a. Vawiinniah hian, he bill tum leh he bill in kenkawh a tum a hi, Zoram ah hian kan mamawh tawh a, India ram pumah pawh ka mamawh tawh a, chutiang ngaihtuahna chu Pu Chairman, vawiina kan Chief Minister hia term hmasa khan, Ministry a lo din veleh khan a takin a kal pui a, Mizoramah hian ka dinhmun chu, kan hria a, kan financial position hi a tha lo a, Kum 2001 - 2002 hma lam phei kha chuan sawi tawh lo ila. 2001 - 2002 kumah khan revenue deficit kan nei kha vaibelchhe 260 leh nuai 42 a ni, 2001 - 2002 ah khan, entirna kan sawi lang duh a. Vaibelchhe 200 leh 60 atang khan 2002 - 2003 ah chuan kan revenue deficit kha vaibelchhe 109 ah a tla a ni. Vaibelchhe 109 atang khan 2003 - 2004 ah kha chuan zero a tla pawh ni lovin vaibelchhe 83 in ka surplus a ni. Hetiang ani vang hian kan financial position hi central in min en reng a. Central-ah pawh India ram State dangah pawh Central sorkar hian vawiinniah kan Chief Minister hming hi an sawi lanah an fak viau a ni. Vaibelchhe 260 atanga zero tlakna nise a awm a ni. Vaibelchhe 83 ah kan surplus ta daih a ni. Engvangin nge tih chuan he bill hi Parliament in a Fiscal Responsibility and Budget Management bill an pass hma khan, he bill rilru hi kan Chief Minister in a kalpui tawh a. Financial control neiin hma ala a.

Chu mai chu a ni lo a, Mizoram bikah hian, Mizoram tan Fiscal programme duangin chu programme ang chuan theih tawpin vawiinniah ka Chief Minister hian hma ala a, chutiang a hma a lakna avanga kan revenue deficit sang em em pawh vawin chuan surplus kan ni a ni. India sorkar in he bill an pass hma khan keini Mizoram ah chuan kan Chief Minister hian hemi spirit hian financial administration hi a kalpui a ni. Pu Chairman, vawiinia ka sawi duh chu khatianga kalpui avang khan kum 2004 - 2005 current financial year B.E. ah khan en ila deficit kha vaibelchhe 146 leh nuai 46 a ni a. Amaherawhchu, R.E. ah erawh chuan vaibelchhe 4 leh nuai 77 ah a tlak thlak ka beisei a. Vaibelchhe 144 atang kha vaibelchhe 4 ah R.E. ah chuan a tlak thlak theih kan beisei. Tiang ang chuanin kum 2005-2006 ah phei hi chuanin nakum aniang chu revenue surplus a hi vaibelchhe 85 anih theih hi kan beisei. Hetiang anga kan financial dinhmun alo that chhohna hi enge achhan ti ila, atakin fiscal responsibility in budget management kan tih financial control mumal zawka kalpui theihna rilruin kan Chief Minister hian Mizoram sorkar hi a kaihruai a. Chuvang chuan hetiang dinhmunah hian min dinpui thei a ni. Chumi kan sawi duh nachhan chu he bill thil tum hi a tha a. He bill India sorkar ina an pass hma pawhin keini chuan a takin Mizoramah hian kan kalpui avanga hetiang dinhmun a ding hi kan ni. Hetiang bill hi a takin kengkawh ta ila a that lehzuai ka beisei ani.

Chutiang anga tuna kan sawi Fiscal Responsibility and Budget Management administration thil tum hi hetiang anga a that em avang hian India sorkar pawhin hetiang bill hi an rawn dah chhuak a. Hetiang ang thil tha India sorkar ina Parliament a an lo passed takah chuan Reserve Bank of India in rang takin India ra State zawng zawnga hma theih turin working group an din nghal a, working group an model fiscal responsibility legislation at State level a ti ta, chak deuhin an kalpui ta a. Tunah hian draft report pawh an peih tawh a ni. Financial year ah chuan kum hmasa ani a kum khat chhung lek kha draft report pawh an peih tawh a ni. A draft report kha State in comment an dil a, chak takin an kalpui ani. Chu chu he bill thil tum hi effective taka State tina an hman theihna turin a analised ani. Chutiang an ti mawp mawp laia mithiam rual, India ram mithiam rual ina khatianga an ti lai a, keini State ina hmanhmawh taka ka tih kha a fing ber em kan suk tih nalai a ni, hei hi. An kal chak khawp mai a, draft report an peih vek tawh a, State tin comment an dil a. Tichuan, chak takin an kalpui pawh kan beisei a ni. Chulai working group on model fiscal responsibility legislation at State level tih a ni. An draft report pawh kha nikum August ni 16 ah khan State tinah an pe nghe nghe taw a, State tin comment an dil a ni. Chulai te chu ania Pu Speaker, helai te hi chu i nghak lawk ang. A chhan chu he bill hian vawiinnia kan tih section 5 na hian pakhat chiah Pu Chairman, section 5 na hian India Constitution Article 293 kha a khawih deuh em, section 5 na leh India Constitution Article 5 na a kha en kawp ila inconsistency a awm em tih pawh hi en ngun ngai a ni. Chuvang chuan mithiam te rawn a, uluk taka kan tih a ngai a, chuvang chuan he bill hi Pu Chairman tun angah hi chuan Reserve Bank of India hovin a khatia chak taka an kalpui an report pawh an peih tawh, khalai te kha i nghak lawk ang u, kan tih nalai a ni a. Heti taka kan phur tlang anih chuan kha kha a lo chhuak ang a, Pu Chairman kan vajin lungruual taka kan pass ni hi a thleng dawn a ni tih ka ngaihtuahin ka lawm a ni, ka lawm e.

PU S. HIATO : Pu Thlenga tak tak le, tunah chuan.
CHAIRMAN

PU LALTHLEGLIANA : Pu Chairman, tam tak sawi pawh ka tum lova, hei hemi bill Khawzawl bialtu ina a rawn pulut hi a lawmawm hlein ka hria a. Fiscal Responsibility and Budget

Management Bill a hi Lok Sabha ah khan 7th May 2003 ah an passed a. Rajya Sabha ah khan 29th July, 2003 ah an passed a. Bill a luh hi chu kum 2000 kum kha ani a, anni pawh hian an ngaihtuah rei hle a, chuti maia duh avanga passed zung zung kha an ni lo a. Chumi bill 2003 a an han passed a kha nasa takin an zir hnuah passed in tihian State hrang hrang ten lo tih ve chi ani em tiin working group te dinin khating khan anni khan State te pawh in tihve atan a tha lawm ni tiin min zawrh a ni a, tiang chuan Reserve Bank of India pawh 3.12.2004 ah Mizoram sorkar in reply a pe tawh nghe nghe a ni a. Chutih rual chuan nichina kan ngaihtlak tawh ang khan 'The Mizoram medium term fiscal reform programme' tih hi Mizoram sorkar chuan an hmang a. Hemi avang hian kan revenue surplus pawh kan lo neih phah ta a, revenue gap grant 2003 - 2004 a min hren sak intensive fund a pawh a zavaiin crore 53.43 lai min pe a ni a. Heng tek hi hetiang ang taka hma an lo lakna avang hi a ni a, hemi bill kan ha sawi rual hian thil dang tam tak hi kan zepl tel ta thin a, leibat tam lutuk ang ten kan ha sawi a, hei tuna loan kan han lak, loan pek chhuah reng reng hi LIC ah te awi hian term kalta kum 10 chhugna pek let engemaw zat kha tun sorkar hian a pe ani. Chu chu LAD lamah pawh inzawt fiah ve thovin ka ring a, vawiinniah hian Pu Chairman, i veilama mi te hi an tangrual teh zen a, nimin piah te kha chuan an chhuak ho pawh chu a ni mang lova, amaherawhchu, vawiinniah thusawina hun chance tha tak an neih theih avanga heng ang hi rawn lungrual ni te pawhin kan hre deuhva.

Tin, hei loan kan han lakna tepawh hi LIC atang te NABARD atang te IDBI atang te a ni a, tin, R.E.C. tih hi electric lam hian an han la deuh a ni a. Heng atang hian loan kan han lak tam tak te hi vawi lekhata rulh duak duak tur pawh a ni lova, kum 10 hnuah te 15 hnuah te 20 hnuah te a ni a. Loan component a lo tam khan khatianga loan a lo sem khan leiba pawh hi tam angin a lan g a. Nimahsela, tuna kan sorkar hnathawkte loan LIC tepawh hi tihian rulhin a kalchho zel a ni tih kan hrereng chung hian hei hi kan sawi hmah tlat zel a. Tin, hemi kan plan outlay min khawih sak dan reng renga pawh hian 1999 - 2000 ah khan crore 380.51 kan neih laiin loan kha crores 190.57 tikhan loan turin min pe a ni. Tin, 2000 - 2001 ah crores 401.26 anih laiin loan a min pek kha crores 195 lai a ni. Kum 2001 - 2002 ah crores 410 min han pekah khan crores 200.50 hi loan in min han pe leh a, kum 2002 - 2003 ah crores 430 ah crores 224.85 loan in min tihsak ve a ni. Kum 2003 - 2004 ah crores 235 lai a ni a. Chutiang ang anih avang chuan, tam tak min hrensak thin avangin loan pawh hi a tam lo thei lo a ni a. Chutiang chuan leiba pawh hi a tam chho tur a ni. Mahse, kan leibat hi a awm loh theih loh avangin State-in kan tum turte a tam ve si a, chuvangin chhiah lamte pawh hi ti ve deuh ang u hmiang. U.T. hun laia Sekibuh-

chhuak ang ringawt kha chuan tal thei kan ni ta lo kan ti a. Lehlama ram hmangaihtu ni awm takin chhiah kan pekte hi a tul ani, pawn lamah chuan an ti a. Helai House-a han ti dawnin in teng leh em em mai a. Pu Chairman, i veilam amite hi hetiang hi chuan harsatna he tawk lo thei kan ni lo a ni. Phenglawng kan tum sak che u a, in lam duh si lo tih ang deuh kha ani a. Nimina Governor chungchang kan ha sawite pawh kha, khami ni khan ka sawi tam duh lo zawk a. Dik tak chuan sawina tur hmun chu inhre renga, in sawia intlatlum lo ngang nge ni? Ganges luiral lama in puan zawn puite hnena sawi zawk tur kha in ni a, awlsam taka kal mai tur anih lain, helaiah min sawi puia harsa takin kan tih theih loh hi min tih tir thin a ni.

Saitual bialtu zahawm tak khan a hlado pangngai bawk engemawni a hriat te te hi a rawn chham chhuak a. Heng hi kan sawive dawn a nih chuan khatihlaia in Minister zawng zawngte thil tihdana kha a mal mal hian kan zep teuh kan hre lutuk a ni. Mualpui ram lei dan te, Lunglei Water Supply Scheme te, Hrangchalkawn te, David Zama In lei tih te, Lengpui compensation te kha kan sawi ve ang, chutihlai chuan mifel lena len hi in tum a. Kan sawi ve duh lo mai mai a ni. Helaia Kohhran upa dang ten min khing rawh u, min chhui rawh u, pawh an ti ve ngai lo, chhui hi in ngam ut ut reng mai a. Tih tak takah chuan thudik laihlanna ber mimal chanchin an siam te hi, heng bu a thil inziakte hi a rura lutuk, in ngam tak tak a nih chuan defamation case te pawh file ve ta che u. Helaia thianghlim kan intum siak leh te hi a kawng teh chian lo a ni. Kan intihdan ah hian chin tawk aw sela, hmana kan sawi tawh pawh kha a ngai rengin hla do hi kan chham a, kan subject ni tehchiam lo pawh hi kan kai lui tal a. Nangmahni lam a, a khilaia kha in sawi duh si lo, kha kha chu sawi uar ve deuh ula atha a lawm mawle.

Chuvangin Pu Chairman, kan rawt duh chu Central sorkar te pawhin kum 2/3 dawn lai an lo thlir a, khatiang khan uluk takin he bill hi an zir a ni. Kan mithiam tak Aizawl North bialtu zahawm takin a rawn sawi khan ka Chiang manglova a rawn ti a. Chiang manglova heng bill te hi passed tur a ni lova. Private bill te phei chu Parliament ah pawh khuan pahnih khat bak chu India ramah hian an la passed meuh lo, an tam vak lo a ni. Chutih laia thawk lawka private bill passed te pawh hi a dik em? A dik takin Cabinet in uluk takte pawhin thlir ve sela, zir ve sela, Law te pawhin min vet sak sela, chumi hnuah chuan a tha chu kan passed tlang tur a ni a lawm mawle. Mahse, vawiinniah sawihona eng lo awm hi a hlu hrim hrim a, a tha a ni. Chuvangin Khawzawl bialtu zahawm tak pawh kha a taimaknaah mi bill a rawn copy chhuak mah nisela, a lawmawm tho thoah ngai ila. Nakina kan la thlir chian atan a thain ka ring a, chu chu Pu speaker, kan sawi ve duh lawk a ni. Ka lawm e.

PU H.VANLALTHALIANA :

Pu Chairman, ka lawm e. Hei vawiinniah Fiscal Responsibility and Budget Management Bill, 2004 sawihona hun tha tak mai kan nei a. Kan hotuten an sawi tawh ang khan he bill neitu Khawzawl bialtu zahawm tak Pu Andrew Lalthalia'n hetiang hawizawnga Mizoram tana thahnem a ngaihna a fakawm a. Nikumah khan Transparency, Right to Information and Transparency in Public Procurement tih kha a rawn pulut tawh bawk a. Ram tana ngaihtuahna a siam ah a fakawm hlein ka hria. Vawiinnia kan han sawiho Fiscal Responsibility and Budget Management Bill lo lut ta pawh hi ngun taka ngaihtuahna seng a, Mizoram tana tha tura angaihtuahna a hman niin ka hria a. Lehlamah chuan a taimakna fakawm ka ti takzet a ni.

Amaherawhchu, he Bill nichina kan hotuten an sawi tak ang khan India sorkar ina 2003 a a pass, vawiinnia he Assemblh zahawm takina pass veleh mai tur chuan kan hmanhmawh lutuk deuh a ni lo maw tih ngaihtuahna ka nei a. India sorkar, kum tam tak lo kal tawh ina nikum hmasa mai a a pass, India ram tana a mamawhna hriaa a pass, keini State sum leh paia kan dinhmun harsat ziate, kan Revenue dinhmun zawng zawng te hre tana vawi leh khata han tih nghal mai kha afuh dawn em ni? tih ngaihtuahna min neih tir a, churang chuan he bill hi vawiinnia pass rum rum hi kan ram leh hnam tan, kan sorkar hmalakna atanah harsatna min thlentuzawng pawh a ni ang tih kawng leh lamah chuan rinna ka nei a ni. A chhan chu, keimahni in sum leh pai, Revenue sawitlak kan nei lova, kan development work zawng zawng hi central atanga 90% an tum, chu pawh chu 10% kan la tum theih loh anih laia, hetiang bill kan pass chuan kan development work kalmek tam tak hi a thuanawp lo thei dawn lo niin ka hria a. A hun takah mamawh tak hunah sum leh pai pek theih loh hun a thleng dawn niin ka hria a. Churang chuan he bill hi tum rum rum a pass tur chuan a fuh tawh lo deuhin ka hria a, tlema han zir deuh chu a tul lo maw ka ti a ni.

Mahni sum leh pai nei, thawkchhuak thei, kan harsat leh kan mamawh huna ti zar zar thei tanah chuan sorkar hmalakna tura tana tha tak a ni. Heng ngaihtuahna zawng zawng hi ka Chief Minister zahawm tak, Finance changtu hian a hmu lawk em ni chu aw ka ti a, sum leh pai, kan financial management kan budget management-ah hian state rethei tak, kan sawi tak ang khan sum leh pai nei vak lo. Keimahni thawkchhuah nei lo kan nih avangin India ramah kan phu tawkah a titha berte zingah kan chhuak a, hei N.E. Finance Minister te hnenah leh Central a State hrang hrang Finance Minister te hnenah pawh Prime Minister ho meuh pawha Mizoram State entawn rawh u, tih lo ri fo hian he sum enkawlina

chungchang, Budget management chungchangah hian kan Chief Minister, Finance changtu hian kan sum leh pai kaldan leh kan ram mamawh chu a man hriain ka hria a ni. Chuvang chuan tuna he bill central ina 2003 a a passed, Lok Sabha ina May 7, 2003 a a passed, Rajya Sabha in a 29 July, 2003 a a passed maia hi vawiinnia Mizoram chhunga pass ve nghal mai tura han phochhuah a, han tihlang mai a hi, kan State sum dinhmun en hian a fuh tawkin ka hre thei lova, uluk taka a nghawng tur zawng zawng te a taka lo hmang tuten harsatna an tawh dante leh a that zawkna te hriat hnuah ka State chuan hmang thei chauh ila thain ka hria a. Chutiang zirna hun nei thei tura hetiang Bill a lo lut erawh hi chu a lawmawm ka ti reng reng a ni.

Duhthawhna avangin sorkarin hma vawikhatna-ah a la rum rum thei lova, kan dinhmunten a zir tlat loh avangin, kan sum leh pai harsatna hi, eng sorkar pawh lo ding sela, ngaihtuah berah a lut lo htei lova. Keimahnia revenue nei kan nih loh avangin. Chuvang chuan tuna kan harsatnate, kan mamawhte, kan hmalak zelna turte en hian hetiang bill sawiho hian kan hmlam hun kal zel tutah awmze neia rah a chhuah erawh chu ka ring a. A taka a thatna te, a hlawkna te kan hnial hnuah erawh chuan lungruah taka pass thei tura ngaihtuahna ka sen pawh atulin ka hria ani. Tuna Mizoram sum leh pai dinhmun en a, Mizoram medium term Fiscal reform programme kan hman mek hi effective, awmze neiin Mizoram sorkar sum leh paiin hna a thawk rihin ka hria a. Nichina kan hotuten an sawitak ang khan, Controller and Auditor General Report 2003 - 2004 reporta a lan dan ang phei chuan revenue surplus te pawh kan nei ve a. Kan State dinhmun, heta awm te chu a hresa vek kan ni a, chutiang harsatna kara hetiang kan nei thei hian vawiinnia he dan kan hman mek hian kan State sum leh paiah awmzia a nei a ni, hna athawk a ni tih kha atilang chiang hle a ni.

Chuvang chuan, tuna kan hman mek awmze nei, mipui tan pawha tangkai taka hnathawk thei mek a hi a pawng ataka dan dangina a han chhilh leh mai hi chu tulin ka hre lova. Chuvang chuan he dan lo lut ta hi, hmlam huna fimkhurna tur leh nakina thatna kan hriat huna pass thei tura ngaihtuahna min siam thei tur atanah chuan a tawkin ka hria a. Kan dan hman mek, Mizoram Medium Term Fiscal Programme hian Mizoram sum leh pai enkawlnaah awmzia anei a hna athawk tha ani tih hria a. Sorkar hmalakna hi tlawngai taka kan zavaia tawiamna kan awm hi tulin ka hria a. Tuna kan dinhmun en hian, kan hman hmawh dan en hian, piangthar tirin a Kohhran upa leh Pastor, Kohhran chhungkaw harsatna zawng zawng hria a, fimkhur taka lo kalpui mek tute duhkhawp lova sawiselnang deuh niin ka hria a. Piangthar tirin a tha leh a fela a hriat

zawng zawng tihvek a tum a, Kohhran reitak lo enkawl tawhtu Upa leh Pastor ten Kohhran chhungkaw harsatna hria a, heti zawng hian le, ti a Kohhran damna tur an enkawl ang deuh chiah hian, vawiinnia kan Chief Minister zahawm tak, Finance changtu ina Mizoram sum leh paia a enkawl naah hian a him tawkin ka hria a, he dan thar hmang a, tih tluk tluk hi chuan ka rindan chiah chuan lo pass thei chiah ila Development work tam tak hi a tithuanawp ngei ngei ang. A hun takah mamawh huntakah pawisa pek theih loh hun kan nei dawn a ni. Chuvang chuan vawiinnia kan hman mek dan hian Mizoram mamawh a phuhru tawk a, Mizoram tan a tangkai tawk a ni tih hria a sorkar hmalakna hi kan tawiawm thiam zawk a tul niin ka hria a. Chuti ani lova kan duhna ringawt thir a, kan hmalama harsatna te ngaihtuah lova kan kal anih chuan keimahni zawk bawk hi a tuartu kan ni dawn. Chuvang chuan he dan lo luta hi a that em em laiin, ka sawi tak ang kha central-ah pawh kum khat, Financial year khat ang tawk chauh an la hmang ani. Engnge a effect dawn ? Sum leh paia awmze nei zawk pawhin an la hriatthiam lon keinina kan lo tihngal rum rum chuan keini ang State harsa tanah chuan harsatna thui tak min thlen ang tih ka ring a. Hetia zir a, sawiho theia kan awm hi hmasawna pekhat niin ka hria a. Chuvang chuan a bill neitu pawh hian tlawmah la lovin, ram tana a inpekna leh a thahnemngaihna hi chu sorkarin a hriatpui a ni tih hria a, sawiho china tawp mai tura ngaihtuahna a sen thiam hi tulin ka hria a ni.

Thil tha kan duh zawng zawng hi tinghal dawn ila, a theih miah lova, keini ang a bik takin Mizoram State ang, sum leh pai nei lo, State harsa tak kan hotute tawngkam takin Pu Speaker, i veilama mite tawngkam takin State chawmhlawm tan phei chuanin sum leh pai enkawl na ah hianin fimkhur taka kan duh ang dan lo pass ve mai mai hi a rem lovin ka hria a ni.

Thui tak sawitur awm bawk mahse, ka sawi thui lovang a, kan hmanhmawh hrat avanga kan sum le pai dinhmun kan State sorkarina development programme a ken tawhte ti thuanawp vekna dan hi kan pass ang tih hi ka hlau a ni. Chuvang chuan, ngaihtuahna thui tak kan sen a, vawiinnia kan State sum leh pai enkawltute Finance Department a mi te leh Minister tena tha taka hma an lakna, Mizoram sorkar pawhin a hlawkpui meka hi tawiawma ke kan pen chhoh hi tulin ka hria a. Chutiang ngaihtuahna seng turin member zawng zawngte ka sawm a ni, ka lawm e.

PU SAIKAPTHIANGA

Pu Speaker, hun min pek avangin ka lawm e. Hei Member zahawm tak tena

an sawi ang khan hetiang ang bill rawn puahchah a, rawn puluttu Khawzawl MLA zahawm tak hnenah hian lawmthu kan sawi duh a.

Sawi tur tam tak awmin ka hre lova. Pu Speaker, kan sawi kual a, a ni lo lam thlangte kan sawi ta mai mai niin ka hria a. Loan lak loh tihte engemaw ang chite hetah hian a awm lova. Pawisa kan neih ang ang lut lam leh chhuak lam tha taka hmanna tur atan he bill hi a pawimawh ang tih kha ani a. Mahse, hemi hmanna leh loan kan lakna tura kha a feasibility te Mizo mipui tan leh ram tan a tha ngei ang em ? tih te, a hmanna lai enchika fel taka kan sum leh pai dinhmun kal vel dan tur enkawl na tur bill kha ani mai a. Hemi bill neih tak avanga loan la ta lo tura sawi te ang kha hetah hian a lang lo. Chuvang chuan athenkhat khan kan zu ti lutuk em ni aw! ka ti a. Ka hmaa member zahawm tak kha piangthar tirin an thawk lo deuha a ti ang kha ani lova. Piangthar tir hi upaho in Kohhran an lo enawl dan zawng zawng kha an hrilh lova, keini helaia member ho hi chu kan Chief Minister Finance ni bawh hian Mizoram sorkar sum leh paia a enkawl dan zawng zawng hi ziakin min hrilh ani. Chumi atang chuan "Hei hi a tul a ni" kan ti a ni. Rinthua tul ti kan ni lova, nichinah khan Revenue surplus te kan sawi a, a lawmawm khawp mai a. Engeni kan target ? kan target lai zawka kha a pawimawh lai tura ni a. Kan target a san chuan surplus a har deuh ang a, a san loh chuan a awl deuh mai tur ani a. Chuvang chuan kan sawi tam berah khan hei nena kalkawp lem lo kha kan sawiin ka hria a. Kan chhiar ve thiam dan chuan, pawisa kan neih ve hrim hrim loan kan la a ni emaw, budgeta pawisa kan hmuh emaw hi tun aia uluk zawkin hmang ila, loan kan lak dawn pawhin uluk zawkin ngaihtuah ila, chutiang ang sorkar hnuaiyah chuan chutiang lo ngaihtuah tu tur fel tak chu he bill hian rawn keng chhuak sela, chu chu kan ramin kan thatpui ang a. Tuna kan awm danah hi chuan kan leibatte zawng zawng zu ngaihtuah hian nakin zelah harsatnaah kan tlu lut palh ang e, chuvang chuan hei hi i veng teh ang u, a rawn ti a ni.

Chung ang chiah chuan Central sorkar ina he bill a hman dana pawh kha ani a. Chairman awmin, Committee awmin chutiang chuan a ni tih kha vawiinniah hmanhmawh thlak leh thlak loh lai kha. Kan hmanhmawhna lam kha, mipui tawrhna lam deuh lam kha. Mipui tawrhna lam deuh zelah hian kan hmanhmawh a, kan sorkar hi, sales tax tih punah, ka hman hmawh a, Tui bill tih punah kan hmanhmawh a, Electric bill tihpunah kan hmanhmawh a, VAT ah te pawh central sorkarin April ni khat atanga lak tur a ti a kan la dawn a ni. A tha a ni ang, mahse, keimahni helaia a thu neitu ho mipui aia engemaw deuh ho hi ti mai teh ang. Khamite min phur tur lam zawngah hi chuan kan muangchang tlat thin a ni. Chuvang chuan kan phur lam leh kan phur lohna lam zir chian ka duh lamah

hi chuan keiniho hi min nghawng thin a. Chutah chuan zir chian kan duh thin a. Mipui nghawng tur lamah hi chuan zir chian vak a ngai lo. Central ina an rawn tih tawh hi chu a chiang a ni mai a ni. Organic Farming te pawh zirchian awm tak a ni a. Kan zir chian em em tur a ni. Vawiinniah pawh ka la kalthui lo khawp maik. Mipui hlawkna tur ni lo, engemaw inzep a awm a ni ang, organic farming ah hian kan hmanhmawh dan tehriauah hian kei ka ngaih hi atha lo thin a. Tin, ka ngaihthat loh ang chiah hian, demand ah te, kan la sawi ang a. Chuvang chuan he dan hi mipui tan a tha sum leh pai kan hmuh ang angte chu mipuite tana hlawkna tur awma ka hman theihna tur dan chumi ruahmanna tur a lo zikchhuahna tur dan chu ani a. Vawiinniah hia muangchan em emna chhan tur a awm lo. A bill kha han en ila zir thiam loh tur pawh a awm lo. Amaherawhchu, kan Minister zahawm tak takte rawn sawi lai erawh kha chu ngaih pawimawh awm tak awm chuan ka hria a, Central sorkarin State tin comment te pe turin min rawn ti a. Kan ti mek an ti ani chuan innawr vut vut lo mah ila, amaherawhchu, an commend pek dan tur ka State ina a pek dan tur lai erawh kha chu vawiinniah hian ka hmaa Minister zahawm tak sawitu khan pe dawn mek tawhin a sawi a. An tum lam kha chu hre thei ila chu pass emaw pass lo emaw innawr loh pawhin a hriat theih maiin ka ring a. Sum leh pai hman chungchangte, hun hmasa lama leibate kan va hawl thuk thuk thin a. A dik a, leiba ban han sawi kan han sawite pawh hi tuten emaw min tihhmuh a, a dik tak chuan, sorkar hmasa lamah te khan leiba zawng awngte naupuak nen lamte kan han insem a, chu mai chu a ni lo a, kan Chief Minister leh Finance Minister zahawm tak ngei pawh hian helama e that lai khan kan bat tam tawhzia, mangan thlak ziate kha min hrilh a. Kan mangan ve deuh thin a ni. Chuvang chuan heng kan leibate pawh hi hetiang ang bill awm lova, khatianga mumal taka enkawltu kan neih loh avang hia leiba teuh si hian kan batna hi lukhawng nei si loah hian a kal ang e, tih lam zawkah hian a kal ang e, tih lam zawka hi chu.

Chuvang chuan Pu. Speaker, inhnial a, eng engemaw ni, hmana Congress Minister ho a mal mal pawhin kan hria tih ang chia kha chu MLA 40 kan awm a, kan inhre chiang khawp hlawm mai. Keini pawh hian ka hria ani a. Khatiang kha chu House-ah hi chuan tih loh kha tha ka ti mai a. Ram tan kan sawi a ni a, mimal tana sawi tur ka ni chuan kan sawi sup sup ang a, kan ram tan a tha lo ang a, mipui tan pawh a tha lo ang a, a subject ah hia lut hin ila, a tha mang e aw! tihte ka ngaihtuah a. Tu lehkhabu siam emaw han lekchhuah mai ang chite hi atha hauh lo, kei pawhin naktukah ka rawn keng ve mai ang a, tu siam emaw kha, chuvang chuan, khalai kha kan ngaihtuah dan zawng a ni lo a kan sawi tel du a. A bill hrim hrim a hi chu a tha a ni. Amaherawhchu, ka sorkarin chutiang khatiang chuan kan lo kalpui mek a, India ramah hmang pawh an la tam lem

lova an tih erawh chuan ngaihthiam loh tur em em pawh keimahah chuan a awm lem lova. Amaherawhchu, House-ah harsa takin tha leh tui sengin Private Member Bill te ka han thehltut tawh chuan a tlang ngei chu kan duh ang tih chu ka ring a. Chuvang chuan kei pawhin kan raw thlawp a, he bili hrim hrima hi chu a tha a ni. Zirchian tur pawh a awm lo. Mipui tana tha tur, mipuite humhimna tur bill a ni a. Mipuite chanvo humna tur bill, thil ti thei filawrte duh duha talna tur kawng danna ani bawk a, chuvang chuan, he bill hi karawn support ani. Pu Speaker, ka lawm e.

S P E A K E R

: Kan Opposition Leader kha a ding ve a; helaiah mi pakhatko leh law law phawt ila a tha ang e. Chumi zawhah Opposition Leader chu kan sawm dawn nia. Dr. Lalzama i lo sawm ang.

**Dr. LALZAMA
MINISTER**

: Pu Speaker, hei an sawi ang khan Bill rawn pulut tu ngaihtuahna te, a sincere zia te ngaihtuahin lawmawm ka ti a, a fakawm hle a.

Kan ramah sum harsatna a lo awm thin avangin kan sum dinhmun that zawk theihna turin leh kan revenue surplus te a awm theihna turin, kan leibat kan sawite pawh a bithliah theihna turin lang tlang zawka awm theihna tur kha a tum niin a lang a.

Tichuan, kan thutnain a zir avang emaw a zir loh vang emaw a inhnial ringawt ni lovin. Thil awmdan ngun taka a ngaihtuah a ngai a. Chuvangin hei hi thil tha leh lawmawm kan tih pawh ni vekin ka hria a. Kan ngaihndan angin Central lamin an lo passed ve tawh hlauh mai a. The Fiscal Responsibility and Budget Management Bill hi an lo passed tawh a. Presidential assent pawh hi August 26, 2003 khan hmuh tawh a ni a. Hei hi ngaihtuah ngunin han en ila, it extent to the whole of India tih a ni a. India ram pum hman turin he dan hi Parliament pawh hian a lo siam reng tawh a ni a. Chuvangin, he thil hi tha tak leh kan ram economy tan pawh nakin zel tur leh thangtharte tan pawha tha tur leh kan hman tur tho niin a lang a. India sorkar pawhin Parliament pawhin a passed chuan tiin working group on Model Fiscal Responsibility, Legislation of State level te pawh an lo din tawh a ni a. Chuvang chuan ngaihtuahna an hmang mek a. Mizoram tan pawh hian comment an lo dil tawh a. A

tlangpui pawh pen lai lawk a ni a, ngaihtuah mek thil Parliament pawhin passed sa diam tawh anih avangin vawiin hian enge kan pass leh a tulna tih a ngaihtuah theih a. Tunah hian Parliament pawh hian lo hre ta nise, "Kan passed tawh a lawm kha chu in ngaihtuah a ngai lo" an tih mai a rinawm a. A chhan chu a thu te pawh a inang a Central sawrkar leh State sorkar tih lai chauh a kha inthlak ani tlangpui a. Chuvang chuan thil tha tak anih rual hian kan duhlo tihna lam ni lovin, kan ram sum leh pai dinhmun hmasawn zawk nana hmalakna tur pawimawh tak anih rual hian, lo tihsa awm na na na tuna kan lo pass vut vut hi a tha lem dawn em tih kha ka ngaihndan a ni a.

Nichinah pawh kan ngaithla a. Kohhran lam zawngin tehkhin ila. Synod hi Kohhran lian ber ani a, sum vawn dan te pawh an siam a. A bu an siam a, Pastor bial inkhawmah pawh sum vawn dan siam ve ila a tha ange tih pass lo tum ve ta ang ila, heihi siam a ni tawh e tiin min hrilhfiat ta sela, chutiang deuh chu a ni a. Thil tha tak chu ani a, hmasawna tur pawh a ni. Mahse, Central-ah passed diam tawh a nih avangin, 'a nih tak chu' tih mai chi ani a. State dangte pawhin an lo buaipuia Reserve Bank of India a Finance Secretary kalkhawmte pawhin an lo buaipui a ni a. Kan hmang duh lo e pawh ti ta ila, kan hman ngei hi a rinawm zawk nghe nghe a. Hetiang tho hian a rules te sianthat a, Finance Minister pawhin a quarterly a pawisa dinhmun report a Assembly ah pawh lo la pharh leh tur te pawh a ni a. Chuvang chuan hei hi kei pawhin pass kher a ngai em ni tihna ka nei a. Kan ramah hei tha takin kan Finance Department pawhin hma an la a, kan Chief Minister hovin kaihhruaina fel tak Mizoramah pawh Medium Term Fiscal Report te pawh an lo siam avang hian sum leh pai dinhmunte pawh Comptroller & Auditor General pawhin an Audit pawh khan, Revenue Surplus pawh kan lo nei a, kha kha thil lawmawm tak anih avangin kan Revenue Gap Grant 2003 - 2004 15% min hrensak leh incentive fund te min pe ani tihte pawh kha kan hria a. Kan tun dinhmunah tak pheii chuan a tha hlein ka hria a. Chu chu ka sawilan duh a ni a.

Tin, kan ram leibat tihah loan hi a tam reng a ni a, kan ngaihtlak tawh angin. Entrina sorkar hnathawk te pawhin LIC/HBA an duh a, mi tam takin an la a. Loan anih angin bat a ni a, mipuite hriatthiam zawngin sawi ila. Mimal sorkar hnathawkin In a sa thei mai lo, mahse, HBA kan pek chuan In a sa a, tichuan a enkawl zui ta zel a. Kha kha nuai tel i ba ti ti ta ila, kha sorkar hnathawk kha. Mahse, a bat kha In tha takah a awm theih phah ve anih avangin a tha a ni. Chuvangin NABARD loan te, Irrigation atan tihte kha, a ba a lawm ti zel ta ila chu developmental work hi Mizoramah kan thawk thei dawn lo tihna

a ni hengte hi tu tu emaw vulh nan lo hmang vel anga inpho chhuah te hi a tha lova. Thudik hi kan mipui te hnenah tarlan tur niin ka ngai ani. Mipui pawh hian kan thil sawite an lo ngaichang viau zel a ni a.

Tin, Dan siam hi Parliament-in a siam tawh reng reng hi mil lo/remlo laite a awm anih pheichuan State dan siam hi hnawl tur tih a ni nghe nghe a. Hengte hi a double-na a nih pheichuan lo hnawl theih, tullo a ni ang a. Department pawhin an en a, han ngaihtuah chian deuh a ngai viau a. Pass nghal chu remchang loin ka hria. A bill neitu pawhin ngun taka ngaihtuahin a lo hriatthiam pawh ka ring a. Khatianga double nan kher a kan tih hi a ngailo ka ti a ni.

Tin, tunah pawh hian sum tam tak tun sorkarah hian ruahman a ni mek a. Hengte hi indirect a mipuite hnen thleng anih dan te ngun taka kan ngaihtuah chian pawh a ngai. Hei tam dona BAFFACOS Mautam lo thleng turah te sum tam tak ka nei chho zel a ni a. Chung chu kan ram lo changkang chhohna zel tur anih zia te ngun taka sawiho angai ani tih te ka tarlang a ni e. Ka lawm e.

S P E A K E R : Dr 3:35 P.M. a ni a, Opposition Leader zahawm tak hi sawm ila, chumi zawhah House Leader zahawm takin sawi duh a neih chuan sawi ve leh bawh sela, tichuan wind up tawh ila, a tha mai ang em? A nih leh tunah Pu Hawla i-lo sawm ang.

P U L A L T H A N H A W L A : Pu Speaker, he kan Bill tha tak mai hi a chhan leh vang chu a dik emaw dik lo emaw kan pass dawn lo tih a chiang a. Amaherawhchu, chuti chungin sawi duh tlemte ka nei a. Ka sawi lovang ka ti deuh a, mahsela sawi lo thei lo a min kar chhuaktu a awm a, kan din phah ta a ni.

Hei a hmasain he Bill hi khawi ami pawh copy niselang kan member zahawm tak Khawzawl bialtuin rawn putluh nachang a hria hi a lawmawm ka ti a. Hetiang copy tur pawh hian hahthlak tak leh ngaihtuah ngai tak a ni ve hrim hrim mai a ni. Tin, copy nachang hre tur hian ngaihtuah a ngai a, a chhan leh vang a nei a, chu chu

kei a lawmawm ka ti a, lawmthu kan sawi duh phawt a. Tin, loan emaw pawisa, eng development hna kal lai emaw hei hian i zu titawp teh ang tih lampang a ni lova. Kan pawisa neih reng rengte hi khawi atanga lokal pawh ni sela ahman dan hi fimkhur leh tha zawk leh daihzai zawk deuha hman dan awm sela. Tin, wasteful expenditure te pawh enge maw ti zawnga curtail dan te awm se tih zawnga thahnemngaihna atanga lo chhuak ani a. Sorkar dinglai tan phei chuan thil lawmawm tak tur a ni. Amaherawhchu, kha a kalphung engkim Central atanga arawn irh chhuah dante leh State sorkar te commend an rawn dil dan te kan hria a. Engpawh nisela, a intension hi a tha ani tih hi chu ka pawm tlang tur a ni.

Tin, Revenue deficit te, budget deficit te, leiba te, hengte hi a engtikawng zawng pawhin a tha lova. Mahsela, ngaihtuah pawh emaw sawi pawh emaw chi ani lova. Amaherawhchu, chuti chungin helaiyah hian statement of object and reason ah hian kan sorkar hotute chhanna atanga a first para a rawn inziak hi, hei ringawt pawh hi matter of great concerned ani hrim hrim mai a. Nikum March tawp thlenga kan leiba hi vaibelchhe 2145.65 a ni a. Heta tang hian kan rulh thin, kumtina kan han rulha chu 538.24 vaibelchhia a ni tih a ni a. Tin, hetah hian a interest, a pung ringawt kan han rulh hi vaibelchhe 182.4 lai a ni. Hemi atang ringawt pawh hian kan State dinhmun kan en chuan thil lawmawm tak a ni lo Chiang khawp mai. Tunhmain Congress hunlai khan leiba vaibelchhe 96, chuti khati, 400/500 tih khan Mizoram hi a dap ringawt mai ani a. Tunah hian hengte phei hi chuan dap leh zual awm tak a ni. Amaherawhchu, chutiang zawngin kan hotuten an kalpui lova. Mahse, chuti chungin heng zuk ngaihtuah ringawt pawh hian hetiang Fiscal Responsibility leh Budget Management chungchangah erawh hi chuan ngaihtuahna hman a ngai. Kan sorkar pawh hi zuk control te a tul anih hi tih ngaihtuahna atangin heng hi alo chhuak a ni a. Chuvangin, kan ngaihthlak tawh ang khan hei hian thil tha lampang duhna, thahnemngaihna a kawka ni. Revenue deficit te kan ti tlem a, tunah hian surplus kan nei anih chuan alawmawm khawp mai. State tinte hian khatiang kha tupawh mimawl ber pawh sorkar sela a tum dan tur leh central sorkarin mi a phut dan a ni hrim hrim mai a. Chuvangin efficient Fiscal Management a awm loh chuan efficient administratio a awm thei lo a ni. Chuvangin tute pawhin mi pangngai chin chuan efficient financial management hi hna hmasa bera neih tum tur hi a ni ve hrim hrim a ni. Tumna chang hrelo khawpa mawl sorkar chu India ramah hian an awm ka ring lo hrim hrim a. Khalam pang kha zuk infak tehchiam na tur chiah ka ngai lova. Amaherawhchu, a achievement kha kan ngaihtuah zawk tur a ni a. Chuvangin he Bill in a rawn tum bera hi kan ngaihthlak tawh angin kan sum neih ang ang hi, puk a ni emaw, grant a ni emaw khawi atanga lokal pawh nise, World Bank atangin a ni emaw, IMF

atangin a ni emaw ADB atangin a ni emaw heng zawng zawng hi awmze nei takin vawiinah Zokhaw lamah khaw tam takah inhlawhna nei lova kan mipuite an tam lain a chuangtlai khawi emawa luangliam mai maite a lo awm thin si a. Chung zawng zawngah chuan rualkhai deuha hman dan tur i ngaihtuah ang tihna mai ani a. Chuvangin han object tehchiam tur aawm hranpa lova. Amaherawhchu, kan attitude kan en khan engtikawng zawng pawhin hei hi chu dan luh tum a ni tih a lang a ni. Tichuan, hemi kan han sawina ah khan eng eng emaw thil kal tawhte kan ha sawi a. Greater Lunglei Water Supply te, khangtiang zawng zawngte he House-ah hian sawi awm thi a, Pu Speaker, chu chu mipuiin thudik an hriatna turin Parliamentary Enquiry Committee kan din a ni. Kan ngam avangin chu chuan an enquire tawh a. All Parliamentary Enquiry Committee chung chuan an report pawh a awm a. Vawiinniah hian tute emaw puhmawhna tur atana sawi chi pawh niin ka hre tawh lova, a finding engkim mipui hriatah a awm a ni. Chu chuan an duh duh kha an en thei a. Chuvangin khatiang chi kha sawi a tul tawhin ka hre lova. Tin, min tihchhiat duhtuten mimal tak pawhin PIL case Supreme Court-ah an file a. Tichuan, Supreme Court-in a ngaihtuah a. Chief Justice 4-in an thir hman a ni, min hekna kha. Mahse, ngaihtuah tlakah an ngai lova, mimal in itsikna lamah an ngaih avangin an dismissed a ni.

Tichuan khami titute khan F.I.R. an file a ka hun lain, Congress hunlain, tichuan kan Chief Secretary leh DGP te hnenah Police Officer tha ber, daw mai mai lo tur, lei theih loh tur, chutiang chi chu he case hi chhui tir rawh u, ka ti a. Tiang chuan mifel tak an chhui tir a ni. Appointment an dil pawhin accused hnenah appointment an dil ngai lo, induhna naah summon ula ani mai alawm, an lo kal loh chuan intih tur chu inhre reng ka ti a. Police Thana-ah te min summon a. Chungah chuan ka kal zat zat a ni, kei leh ka chungte nen. Tichuan, chung an report zawng zawng chu Supreme Court-in an monitor a. Tichuan, ngaihtuah zui tlakah a ngai lo a ni. 1998 kum tawp lamah sorkar thar a lo dinin chu F.I.R. chu tihnun chhoh leh a ni a. A titute pawn an renew leh te pawh a ni ang a, a chhan leh vang chu ka hre lova. Engpawh nisela, chu chuan tunah an chhui chho leh tawh a. Chutiang chuan awmze nei mang vak lovin an chhui a, an tih loh tur tiin Magistrate hnenah chu chargesheet pawh chu an submit hmain National Papers ah te an ziak chhuak a, chutiang chuan an bei a ni. Tunah hian engeni a kalphung ni ta ka hre lova. Chutiang laia, tun House-a an han tih leh ang khan sawi a awm avangin kei pawhin, Awle, a tha e, hei hi induh anih chuan Congress sorkar tirh atangin atawp thleng kha chhui nisela, diklo awm zawng zawng kha chhui ni sela. Tin, Chief Minister khan a thuneihna Power abuse-in chhungkhat laina thisen zawmpuite duhsak bik a nei reng em? tih pawh chhui nise, chumi rual chuan tun sorkar dinglai

pawh hi atir atangin vawiin thlengin AII puk te, Tuirial compensation dik loh taka sem te, Greater Water Supply Phase - II te, Referral Hospital te, World Bank Project hrang hrangte, Serlui 'B' te, heng zawnng zawnng pawh hi chhui nise, chutiang atan chuan he House hian CBI i ko lut ang u, resolution i pass ang u ka ti a ni. Chu chu a chhang lo tur te chhan chi a ni lova. House pawna chhan chi ani lova. House pawna aduh duh chhan chi a ni lova. He House chhunga chhang tur te an awm a, chungten an chhan si loh chuan a hman hman leh a duh duh lo chhan chi a ni lova.

Ka sawi tawh kha tunthleng pawha khatiang zawnng an sawi chhuak anih chuan Mizoram mipui leh khawvelin thudik an hriat theihna turin tunah pawh hian he sorkar hian khang kan sawi zawnng zawnngte tun sorkara thil thleng dik lo zawnng zawnngte, centrally sponsored scheme hman dik loh zawnng zawnngte, engkim mai kha sawi tur tam tak kan nei a, chung chu chhui turin tunah pawh hian ko lut se ka ti a. Khatiang zawnng a sum hmandik loh a awm tawh lohna turin he Bill hi an rawn pulut hi tha ka ti a. Tuna kan sawi zawnng zawnng kha sawi leh a demand leh chungin he bill hi ka rawn support a ni tih ka sawi ani, ka lawm e.

SPEAKER

House Leader kan sawm dawn ang a. Darli 4 kan pel hret mai thei a, a bill neitu wind up nen. Thusawi lai intihbuai hi a hrehawm thin a, darli kan pelh hret pawhin a pawl lo e, kan ti thei em? Pelh tam loh theih ang ber tum ila. a tha em? House Leader sawm ang.

**PU ZORAMTHANGA
CHIEF MINISTER**

Pu Speaker, ka lawm e. Kan member zahawm tak Pu Andrew Lalherliana'n he Fiscal Responsibility and Budget Management atana bill a rawn putluh hi a taimak thlak a, mi ngaihtuah tam an nihna te a tarlang a, a ropui hlein ka hria a. Kan member ten hetiang thahnem ngaihna an rawn nei a, an tih hi a tihzia khawpin ka hria a, chuvangin vawiina sawihona kan neih hrim hrim pawh hi hlawkin ka hria a, mi tam takin ka hriat loh tur dang te ngaihtuahna kan lo hman loh tur ang te min hman tirin min hriattir a, a lawmawm khawpin ka hria. Heihi thil tha lo ani hauh lova, a that em avangin he Bill hi central sorkar-in an passed tawh a, India ram pumpuia State zawnng zawnngin kan hman theihna turin engtinge ni ang an ti a.

Working group siamin State a kan Financial Secretary hote RBI thunei tute nen an ngaihtuah mek a, kan working group in heta ruahmanna kan siam te hi State tinin han ngaihtuah ula, in comment pawh han pe rawh ule, India ram pumpuiin kan hman turin buaipui ang an ti a. Keini lam pawhin reply te kan pe a, State dang pawhin an tih lai mek ani a, a bill ngai kha heta State a lo pass leh ngawt chi pawh a ni lo a, India ram State zawng zawng leh central sorkarin kan buaipui lai anih avangin a hrana lo pass kha awmzia a neih dawn loh avangin a tha lo ni lovin a stage a thlen rih lo e tih kha ka sawi duh hmasa chu a ni a.

Hemi Bill rawn putluh anga thil tam tak kan ngaihtuah leh kan hriat te Information kan in share a kan sawi ho lai lo thleng ta kha a lawmawm khawpin ka hria a. Mimal inbeihna leh thildang ki zum deuh lo chhuak pawh a awm anih pawhin keini kan State Assembly ah hian mawi hnai taka a bul ka tan tawh hi kan chhonzawm zel nan a inhriatthiam nan a ki pawh tlema zum lo deuhleka kan hman tlan zel nan a thain ka hria a.

Kan Opposition Leader zahawm takin chhui vek nise atih pawh kha a ropui khawp a, thubuai awm lo CBI in an chhui ngai lo reng reng. Thubuai a awm hian CBI te, Police ten an chhui thin. Mi sorkar a tir atanga phek chhui ringawt te, thubuai awm reng reng lo chhui ngawt te an ti ngai hauh lo tih ka hriattlan vek anih avangin thubuai awm chinah chuan Police hovin min chhui suh u pawh ti ila, min chhui tho tho a, thubuai a awm hnuah an chhui thin a ni. (PU LAL THANHAWLA : Englai pawhin a ko lut thei a, chutiang khatiang allegation a awm a, chu chu englai pawhin State sorkarin a ti thei) Pu Speaker, thubuai Police in State sorkarin a chhui theih ngang loh CBI ko lut mai ang an tih a awm anih chuan an ko lut thin. Thubuai pawh awm loh laia CBI koh luh ringawt mai kha chu awmze nei lo a ni tih mi zawng zawng hriat a ni. Khalam chu comment vak chi pawh niin ka hre lo.

Pu Speaker, thubuai awm chu Police in an chhui mai hi maw! Chu lovah chuan Pu Speaker, khang kha chu a chhui turin an chhui mek zel e. Pu Speaker, Mizoram hi sorkar P.C. pawhin an run tawh a, Congress pawhin an run tawh a, Mizoram Police ten an rinawm ngang love tiin tuman CBI an ko lut duh rih lova, keini pawhin kan Police te kan ring tawk a, CBI khulam khu rawih ngai kan ti lo.

Pu Speaker, kan Fiscal report ah hian Budget Management chungchang thuah hian hemi kan Loan te, ka leiba te pawh hi han sawi a aawm a, adik a loan te, leiba te, Mizoram sorkar pawhin ka nei teuh tih chu a dik a, heng leiba kan neih te hi kan hotu

pawimawh tak ten an hrechiang vekin ka ring a. Development atana Central sorkarin fund min rawn pek hian NLCPR ah te thildang dangah cheng nuaih 10 min rawn pe ta se, sawm a pakhat chu kan ba a ni sa hrim hrim. Khami tlingkhawm pawh kha development a ta a State a lo len chuan pawisa nen chuan a tlingkhawm ringawt pawh loan ah hian a hranpa a loan lak loh pawh hian tam tak ani a. Chu chu kan Member zahawm tak ten an hre vek a, chumi tlingkhawm chu problem ber erawh chu kan revenue deficit kan gap lian hi kan buaipui thin, kan leiba a buaipui lai chu a ni.

Tunah pawh kan Finance Commission pawhin an rawn siamah pawh a lo chhuak a. India ramah pawh hian leiba hrim hrim chu State te Mizoram hi a ba tam emaw kan inti ang tih ka hlau a. Ka member zahawm tak ten an hre tawh mai thei a, Information kan pek duh chu India ram a State leiba ngah ber atangin State 28 kalkhawmah hian a ngah ber chu Uttar Pradesh an ni a, a nei tlem ber chu Sikkim a ni. Mizoram chu a nei tlem ber pathumna an ni. Mizoram leiba kan ngahna chhan pui ber chu GPF tlingkhawm tam vang a ni. Sikkim in vaibelchhe 1044 vel a ba a, Arunachal in 1339 a ba a, Mizoram in 2205 kan ba a ni. Chutah chuan GPF a kan dah hi a tam tlat a. Vaibelchhe 721 kan dah ah kha kha kan ba a rinluh a ni ta a. Sikkim te chuan 268 chauh GPF an nei a. Arunachal in 362 chauh an nei a. Meghalaya in 485 an nei a, Nagaland in 507 Manipur in 514 an nei a. Keini chu kan GPF ringawt 721 a ni, a kha kha kan leibaah a tel ta ani. (PU LALDUHOMA : Pu Speaker kan hmuh pawh kha a sang ngai dawn lova, kan budget pumpui atanga percentage nge ni a, a figure ringat tih kha kan hre duh a ni.) A percentage a ni lova, a exact figure ani. Chuvangin kan khaikhin a chu Utter Pradesh leh Mizoram ka khai khin lova, North East a kan State dang te pawh kha enin Mizoram kha a ba tlem ber pathumna kan ni a. Sikkim a tlem ber a Arunachalin a dawl a ni. Hemi kan bat tam lehna chhan a pawh kan GPF kha kan thenawm State let deuh tho GPF kan neih avangin kha kha baah a kal ta a, leh lamah chuan a lawmawm zawk a ni. Amaherawhchu, khatih lai khan kan bat tlem avang khan chapona tur emaw lam a ni lova, development kal miah lo sela chu bat hi tlem te chauh in a kal ang. Tuna, development lo lutah hian 10% chu ba ani. Vaibelchhe sing tel chin ringawt pawh kha State lianah chuan a kal vek a ni. Engpawh nise, khami avanga kan uanna nilovin keiniah chuan a bat amount ah chuan a tlem ber pathumna kan ni, tih erawh kha chu ka sawi tel du a ni.

Tin, Mizoram thilah kan sawi duh leh chu, ka fiscal management hi kan duhthusam a ni hauh lova, India ram State zawng zawng pawhin fiscal management hi an duhthu a sam lo a ni. Chuvangin sorkar laipui hian hemi dan tur Fiscal Responsibility and Budget

Management bill 2003 hi central sorkar pawhin mamwh an intih avang leh State zawng zawng pawhin mamawh an tih avangin an passed ta a ni. India ram pumpui State zawng zawngin kan hman theih nan engtingge niang State tina Finance Secretary te, KVI thuneitu te nen thukhawmin an rel ta a, wawiinnia kan Bill ngaihtuah hi i pass ang u an tih a hi India sorkar laipui in a lo passed tawh kha State zawng zawngin an hman ve theihna turin i thukhawm ang ti a an thutkhawm mek lain State dang zawng zawng pawhin pass an la awm loh lai leh a hman dan tur an zawn lai anih avangin Working Group in an recommendation leh State in a hman ve dan tur chu Central atangin alo chhuak sela tah chuan pass ngai tur chi aawm phawt chuan State dang zawng zawngte tana tih tur a awm chuan keini pawin kan lo ti ang a. Chumi a lo chhuah hmaa a hman theih dan tur pawh chu lama an rel fel hma a heta a ngaia a duplicate alo pass ngawt kha chu awmzia a awm dawn loh avangin wawinah hian lawmawm em em mahse, chu chu lo nghak tlang ila chumi a lo chhuah chuan kan pass tur chi a awm chuan lawm takin kan pass dawn nia. Wawiinni atan chuan awmzia awm dawn lova chuvangin pass rih lo ila, tih kha Pu Speaker, kan sawi a ni e, ka lawm e.

SPEAKER : A sawi apiang khan in sawi tha khawp mai a, a lawmawm hle ani. Bill neituin rawn wind up sela tin, House-ah Bill hi Pass rawn dil sela a tha ang e.

PU ANDREW LALHERLIANA : Pu Speaker, ka lawm e. Wawiina he ka Bill sawi ho anihnaah hian a hmasa ber ah lawmthu sawina tur a tam hlein ka hria a. Kan Ruling lampang tepawh an tawngkam a polite a a lawmawm hlein ka hria. Tin, discussion-ah pawh engemaw tlemte han infiamna tih loh phe chu engmah tawngkam na te kan hmang lo a. Khatah khan lawmawm hlein ka hre bawka ni.

Awle, han wind up dil dawnin tlem kan sawi ve ang a, mahse, sawi sei loh ka tum ang a. Pu Speaker, a hun pelh kha i phal ta sa sa bawka. Kan sawi tlangpui (**SPEAKER** : Khawngaihni ka phal a ni lo a, House phal anih kha.) Ka tawngsual palh a ni mi ngaidam rawh. Kan sawi tlangpuiah khan Fiscal Responsibility and Budget Management Bill hi chu kan duh tlang a ni tih chu achiang em em a ni. Kha

lajah khan kan inthural a tin, sawiselna vak a awm lo a, a chhungah hian inconsistency a awm mai awm mange tih kha pahnih khat atangin ka dawn takah thil te pawh ka dawng a, Reserve Bank of India chungchang thuah khan a bik takin niin ka ring a. Helaja ka hmuh danah chuan hemi Mizoram tana herrem tura kan siam danah hian paih ka ngha em em mai a. Central Bill ah hian International thleng a tam em em mai a ni. A bik takin a rules ah phei hi chuan International Trade te lam a hman avangin tin, Act ah pawh khan paih tur tam tak a awm a. Hemi ha lakkhawm chinah a tha hlein ka hria a. Tin, khawngge originality te hi a tha lawm ni tiin belh tur kan zawng a. A lehlahmah chuan sorkar experience tak central ten an lo siam tawhna te a ni a. Khami copy a nihna kawngah hian an lo siam kim hle mai bawh si avang khan a hranpaa ti ve reng reng ang tih kha pahnih khat ka siam deuhna chungin kan paih leh a. Chutiang chuan kan buatsaih a. Hei hi atha tawh a ka ngaih vang a ni.

Awle, Reserve Bank of India chungchangthuah khan ka sawi lai chiah khanin Act a rawn point out a. A bik takin Chawngte bialtu zahawm takin a rawn sawi kha a clause han en hia amah hian a self explanatory a ni. A tum hi a hriat nghal a. Chu chu sawi thui lo mai ila. State tan khatah khan member a awm hranpa ang nge tih kan ring anih chuan lo awm ta pawh niselangin he Bill hi duh tak tak ni ila chuan khang kha chu (minor) amendment tih nghal theih mai kawh anih avangin thil harsatna siamtu tur chu a ni lo ah ka ngai a ni. Tahchuan, kan sawihonaah kan object-na ber kha aruling party lampangin an object-na ber kha central act lo pass tawh a ni a, keimahnin kan lo pass ve a ngai lovang tih chungchang thuah hian ka sawi duh chu hei hi ani. Tamil Nadu-in a pass khan he dan hmang tura a pass khan fak a hlawhin national paper ah te ngei pawh khan State dangte hian copy ve thei se a tha hle ang tih a chuang tlat ani. Right to Information Act te ngei pawh hi Central in a Freedom of Information tih a pass khan Freedom of Information tih kha a dal lutuk a, Freedom zawng a ni lo Right zawng a ni. Chuvangin hei hi chu keimahnin State tan a dal lutuk ti a State dangin pass an tam em em a ni. Vawiiinni thleng pawhin an hmang tlat. Tin, Freedom of Information zawh kha tunah hian hman tlak loh ah ngaiin Central hian a withdraw hial niin ka hria. Chutiang dinhmun anih avang chuan State hian a hrim hrimin a autonomy hi nei sang tak mai a ni a. Tah hianin ka comment-na khawngaih takin min lo ngaithiam ula. Hman deuh atanga Right to Information leh Transparency in Public Procurement Resolution ka rawn putluh tum pawh khan Central in a pass tawh a lawm keinin lo pass angai hlei nem hetiang chu lo siam a lo pass ve angai hlei nem tih kha kan hnialna a ni. Hei hi in hnialna thin a nih sawi fo tawh ngailohna tura ka duh chu hei hi a ni. Mizoram Ministry lo dingah hian Pu Speaker, ka lo experience tawhah chuan kan MNF Ministry

hi a la Central berin ka hria a rilru hi. Ngatinge tih chuan Autonomy lampang hi an ngiahthah ber a, a ngai pawimawh ber tur leh a hranpa pawha identity duh ber tura ka ngaih hi dan chungchangthuah te leh thil dang reng rengah hian a central zawm ber tlat zel mai hi. Hei hi chu a inlet thawk mai a mak ka ti khawp mai. Hengte hi nakinah pawh a lo la kal zel ang kan duh tak tak chuan. A tlang tur ani a, ruling in putluh tur anih pawhin Mizoram ta tur hi kan sorkar hian pulut ngei rawh se tih ka duh ani. Tun ami hi a tlang lo anih chuan. Kha vang khanin kan ngaihtuahnaah hian Regional Autonomy te, mahni danglam ve deuhna hum duhna lampang boruak hi ka rin aini a thi tlat a ni, kan MNF Ministry ah hian.

Chuvang chuan ka sawi duh chu Central Bill Mizoramah chuan duh chuan extent a rule siana hman chua theih a lawm. Amaherawhchu, ka duh dan fo chu Mizoram ta siana a Mizoram mipuite mil kan nungchang nena mil ngei a a danglamna ngei hi aw thei ngei se chu ka duh hrim hrim. Chumi chu sianchhuak turin tunah phei hi chuan ka thiamnain a tlin loh avangin Central a mi a copy atih pawh kha ani rualin hei hi Mizoram tan bik tura ruahman engpawh nise hei hi kan dihhmun chungchangthu chu a ni. Han thlir han thlir chuan a mak, Tuikuk chungchang thua kan Policy ah pawh hian khu lampang mitmei ka veng lutuk ang tih ka hlau thin tlat. Chuvang chuan keimahni tan a tha tur a hi India hian a pawm ve tur a ni tih hi ka rilruah hian a awm lian thin a. Central in tha a tih chu Mizoram tan a tha tur ani tih hi a letling thawk zawkah ka ngai a ni. Keima thought awmdan ah hian, Khami zawngah khan kan Chief Minister zahawm tak keini member fang tehlul pawh nimah ila zah tak chungin a ngaihdan a kha ka tawm miah lo.

Tin, hei leiba chungchangthu kan sawiah pawh hian (SPEAKER: Khawngaihin wind up tawh kha ani a. A bill laiah khan kal deuh hlek ila atha ang). Pu Speaker, leiba chungchangthuah hian inhnialna a tam viau a ni. Leiba hrim hrim a hi he bill hian a khap reng reng lo ani tih chu a ruling pawh hrechiangtu anni a. Kan puk te pawh hi a tul a. Engnge maw Scheme leh Plan Mizoram tana tha tura kan ngaihte phei chu tih putlin nan puk a tha em em a ni. Amaherawhchu, kan Kawrthah bialtu zahawm tak ina asawi ang kha lukhawng nei raw se, awmzia nei raw se. Chumi atan tak chuan a nia he Bill hi atangkai tlat ni. Vawiinah pawh ka sawi duh chu hei hi a ni a. Hemi bill chungchangthuah investment hi a awmzia tak a chu Revenue earning tur anih leh nih loh Chiang taka lo assesst lawkna tura provision awmte hi a tha em emin ka hria. Medium term fiscal policy statement chhungah ngei te pawh hian a awm ta ani. Entrinan, helaia a sawi te hi a tawi zawngin a bunglai chiah ka han chhiar mai ang e. Medium term fiscal policy statement shall include and

assessment of sustainability relating to- a ti a, a hnuai a pahnih zawk sub- clause 2 naah hian lokal ila, The used capital receipt including market buying for generating productive assets a ti a ni.

Hei productive assets kan siam reng reng hi, Mizorama ka siamte hi han chhut ila, a tir atanga tan reng reng hian a sustainability assessment reng reng hi a aw ngai lo, a awmzia takah chuan awmze nei loah kan chhuah leh zel. Tuna Animal Feed Plant kan tih Tanhril ami pawh khu, tun tuma kan Governor speech-ah kha a lawmawm te zinga point rawn sawi si kha, a kum khat hnathawh kha a nikhat capacity pawh ni lo a rawn thawkchhuak a, mahse, lawmthu ka sawi thei tlat a ni. Chumi a nih chuan khu pawh khu nakinah chuan revenue earning assets atan nge niang, reiloteah hian condemn-a thir chhe hralh a hralh mai tur tih khu kan lo ngaihtuah thuai hi a ngai dawn tlat a ni. A tir atang hian a awmzia takah chuan assessment of sustainability te, kan chhut thin loh avang hian, tam tak investment kan neih hian awmzia a nei lova. Chumi chu a check-na tur hia he House-ah ngei hian statement zawng zawng kha an rawn lay ve turin House-in kan lo chian a, a tha leh tha lo te, ka lo hriatve theihna tur a ni a. Tin, chubakah thla thum dan zelah a progress-te pawh ka lo en ang a, a that loh chuan, he House atang hian tih that dan tur kha rawtna alo chhuak thei daw a ni. Mipui ai awhte hian Mizorama assets kan create te hi a that leh that loh tak tak chungchangthuah hian keini hian sawi ve theih leh a siamthatna heng hi kan thawh theihna tur anih avang hian, he bill hi a pawimawh hlein ka hria a, tam tak sawi tur a awm nain, khatiang laite khaka ha sawi duh a, a tha thlawt a ni.

Tin, Central hi ngaihchan vak a ngai lo, kan mamawh chuan hman mai tur ani, tih kha ka rilruah a awm a. Chuvangin vawiinnia kan comments kha tam tak pawh awm mahselangin, he bill hi a tha ka tihna leh ka rawn putluha pass ka duhna hi chu a pangngai reng a, chumi anih avang chuan, Pu Speaker, khawngaih takin he House-ah hian pass turin ka rawn move a ni e, ka lawm e

S P E A K E R

Awle, a bill neituin pass a rawn dil ta a. Tichuan, pass tha kan tih leh tih loh kha buk kher lovin kan pass mai dawn em ni ang. Awle, kan tihdan pangngai a awm a, The Fiscal Responsibility and Budget Management Bill, 2004 hi pass remti apiangin 'remti' i ti ang. Remti lo apiangin 'remti lo' ti ang aw.

Vawiin chu ka dinglam beng hi achak deuh emawni, 'remti lo' tih kha a ring deuhin ka hria e. Kan remti lo a va ang ve, tikhan kan duh tawk mai dawn em ni ang. A nih leh, Fiscal Responsibility and Budget Management Bill, 2004 chu House-in pass a remti lo a ni.

Awle, vawiina kan business chu kan zo ta a, kan chawl rih ang a, ni 21.3.2005 thawhtan ni zing dar 10:30 ah kan thukhawm leh dawnnia.

Sitting is adjourned at 4:15 P.M.